

NATIONAL ASSEMBLY OF
SEYCHELLES

Thursday 23rd November 2023

The Assembly met at 9am

Moment of Reflection

Mr Deputy Speaker in the Chair

MINISTRY OF INVESTMENT,
ENTREPRENEURSHIP AND
INDUSTRY

MR DEPUTY SPEAKER

Bonzour tou Manm Onorab, travayer sekretarya e tou piblik ki pe swiv travay Lasanble Nasyonan pou sa Zedi 23 Novanm. Nou kontinyen dan Staz Komite pou *Appropriation Bill 2024*.

E mon ti ava demann *Sergeant-at-Arms* pou met nou dan Staz Komite silvouple. Mersi Serzan. Ozordi nou travay pou prensipalman dominan par bann enteraksyon avek bann Antite sorti dan Minister Lenvestisman Lantreprenarya avek Lendistri.

I en lazournen ase sarze. Telman sarze ki nou sesyon pou fini 5:30 ozordi olye 5er. E alor zesyon letan i vremen enportan.

E mon pou ozordi en pe pli strik avek bann *order*, par egzanp 36 e 37 ki pou permet nou zer letan.

Akoz zot vwar sa papye ki la avek mon. Sa i mon bann *notes* yer ki mon'n pran, lo letan bann Manm ti pe demann kestyon. E mon vwar poudir Manm ki pran 16 minit, 18 minit.

Nou pe koz apepre 20% letan ki ganny *allocate* lo en antite. E i fer ki plizyer Manm pa ganny sans demann kestyon. So ozordi mon pou vremen strik. Alor mon demann korperasyon tou bann dimoun letan nou pe demann kestyon.

E be mindful of letan ki tou dimoun i kapab ganny en letan pou demann en kestyon lo la par zot *constituency*.

Donk, mon ti ava demann raporter pou kriy Delegasyon pou bomaten silvouple. Mersi.

Mon ava dir bonzour e *welcome* delegasyon ki fek zwenn nou. Premye antite ki nou pou konsider son Bidze se *Ministry of Investment Entrepreneurship and Industry*, ki trouve lo paz 511 a 519.

E delegasyon pe dirize par Minis Madam Devika Vidot. I akonpanyen par son Sekreter Prensipal Mr Michael Nalletamby. I osi annan Madanm Shierley Marie ki

Financial Controller. Avek Madam Lynn Rouillon ki Human Resource and Budget Management Officer. Welcome.

E Bidze ki pe propoze pou sa *heading* i 37 milyon R182 mil. Nou ava envit Minis pou fer lentrodikeyon. E apre nou ava ouver lasal pou bann Manm demann kekeyon. *Minister proceed.*

MINISTER DEVIKA VIDOT

Mersi Mr Speaker. Bonzour Mr Speaker. Bonzour tou Manm Onorab. Bonzour tou dimoun ki a lekout. Mr Speaker, mon lentrodikeyon pou enn ki vremen bref.

Minister Lenvestisman Lantreprenarya ek Lendistri pe propoz en Bidze R37.1 milyon pou lannen 2024. Sa i reprezant en ogmantasyon en pe plis ki R20 milyon, konpare avek Bidze lannen pase. Vedir Bidze lannen 2023.

Sa logmantasyon i konpri an pli gran parti devlopman nou system nimerik. Pou fasilitekeyon biznes. Setadir *ease of doing business* a en sonm en pe plis ki R20 milyon.

An 2025 e 2026, Bidze sa Minister pou anviron R23 milyon. Setadir 2025 R23.2 milyon. E 2026 23.4. Minister i kontinyen son travay pou

amelyor lanvironnman biznes dan Sesel.

E alor mon ti ava demande ki Lasanble Nasyonal i siport nou dan sa demars e aprouv Bidze sa Minister. Mersi.

MR DEPUTY SPEAKER

Mersi Minis. Premye entervenans lo sa *heading* i Onorab Andy Labonte.

HON ANDY LABONTE

Mersi Mr Chair. Bonzour Minis avek ou *panel*. Minis, mon kekeyon i baze plis ou mwenn ler mon'n get ou bann *current challenges*. Ou *current challenges* pwen nimero 3 ki toultan mon konsernen avek. Kot ler ou'n dir poudir i annan en mankman lespas abordab pou bann biznes *micro, small and medium enterprise*.

Me selman ler mon'n get anba ou priyorite, mon pa pe vwar nanryen vremen ki ganny mete pou adres sa sityasyon. Petet ankor mon kekeyon i vin ki mon ti deza demande lannen pase. Nou konnen poudir lespas - nou pa pe koz petet direkteman lo later konble la pou nou al konble later.

Me selman nou annan later ki'n deza konble. E nou annan bann dimoun ki pe lwe sa bann landrwa oubyen sa bann fasilite. Me selman pa pe

itiliz li dan fason ki merite. Eksi i annan serten travay ki ou Minister pe fer pou rektifye sa bann fot ki'n arive dan lepase?

Dan le sans kot zot bann kondisyon pa pe ganny obzerve. Malgre zot pe peye. Me selman zot pa pe fer sa travay. Enkli parey en pe kot mon landrwa Union Vale kot nou annan sa *issue*.

Me de lot kote Minis, mon anvi remersye ou pou sa bon kolaborasyon ki mon annan avek ou Minister. E mon ti a swete ki sa i dekoule dan ou Minister antye.

Akoz mon vwar poudir i annan serten endividi, petet dan ou Minister ki pa pe vremen travay avek sa bi. Oubyen annan sa lantouzyazm parey ki ou annan. So Minis, si ou ki kapab adres lo sa *issue* pou mwan. Mersi.

MR DEPUTY SPEAKER.

Mersi Onorab. Zis mon ava dir bann Manm be *mindful*. Akoz i annan bann lezot antite ki pou tonm anba sa Minister ki vini. Par egzanp *SIB*, *IEA*, *SLA*. Asire poudir nou bann kestyon la i pa pou al pou sa bann antite nou pou pran li pli tar.

Me sa i plito Minister ki get *policy* an zeneral. Mersi. *Panel* si zot annan en leksplikasyon pou Onorab.

MINISTER DEVIKA VIDOT

Mersi Mr Chair. Mersi Onorab, pou ou kestyon. Zisteman Mr Chair, mon ti pou al enform Onorab ki se bann antite an term Bidze, ou pou vwar sa bann alokasyon dan bann Bidze tel parey dan Bidze *ESA*, dan Bidze *IEA*.

So se la ki ou pou vwar alokasyon Bidze pou adres sa *challenge*. Lo nou kote - kote Minister, nou plizoumwen pou siport an term *policy*. An term asiste zot avek bann prosedir pou ki zot kapab deklans sa bann proze. So, sa en pti pe nou rol.

An se ki konsern travay ansanm, mon kapab asir ou Onorab ki ozordi Minister i travay vremen etrwatman avek bann lazans, konpare avek oparavan. So par egzanp preski tou le semenn nou zwenn, pou ki zot touzour annan en bon rapor avek Minister. E zot konpran. E zot kapab partaz avek nou bann *challenge*.

So konman Minister nou rekonnet *challenge* an term later, lespas. Me selman an term egzekisyon e rezourd sa bann problem, pou plito vwar sa anba sa bann Lazans respektif.

Tel parey *ESA* avek *IEA*. E letan zot ava vini pli tar pandan

lazournen, ou ava kapab adres kestyon ki konsern alokasyon Bidze. Mersi.

MR DEPUTY SPEAKER

Mersi Minis. Onorab Lemiel?

HON SYLVANNE LEMIEL

Mersi Mr Chair. Bonzour Mr Chair. Bonzour Minis avek ou delegasyon. E bonzour tou mon bann koleg Manm Onorab e tou dimoun ki a l ekout.

Minis letan mon get ou bann priyorite stratezik, ou le moderniz investisman dan Sesel. Fasilit diversifikasyon soutenab dan lekonomi atraver devlopman Lendistri e lezot ankor ki ou'n mete.

Mon ti a kontan konnen atraver ou Bidze 2024, ki keksoz nouvo ki ou pe mazin anmennen pou kontinyen moderniz investisman, e petet fasilit diversifikasyon osi dan biznes ki bann dimoun i fer isi Sesel. Mersi Mr Chairman.

MR DEPUTY SPEAKER

Mersi Onorab. Panel.

MINISTER DEVIKA VIDOT

Mersi Mr Chair. Bonzour Onorab. Mersi pou ou kestyon. Parey mon'n fer resorti i annan - dan Bidze li menm i annan en alokasyon pou nou vin avek en solisyon nimerik. Pou *improve*

ouswa moderniz nou *investment framework*.

E mon a pas la parol avek PS ki'n travay vreman dir lo sa demars. I ava donn ou en pe plis detay. Mersi.

PS MICHAEL NALLETAMBY

Mersi Mr Speaker. Bonzour, Mr Chair ek tou bann Onorab. Sa ki nou pe fer ek sa *digitalization* se entrodwir en *investment portal* ki nou'n travay en pe letan lo la. Kot nou pou met lenformasyon lenvestisman e biznes, bann standar e demann ki bann Lotorite i fer lo en platform, kot tou dimoun i ganny akse avek.

Alor i kapab li menm konnen ki i nesese ki biznes i pe al fer. Ki bann nesese i annan. E sa dezyenm parti sa *platform*, i pou annan bann prosedir, ki ozordi pe ganny fer manyelman. I pou ganny fer otomatikman lo sa *platform*. Kot en laplikasyon i ganny soumet. I al kot sa bann antite konsernen direkteman.

E zot zot pou annan sa bann *SOPs*. Bann *performance standards* ki zot pou bezwen respekte, pou reponn ouswa anvoy zot komanter pou kapab permet sa desizyon lo sa prosedir kontinyen. So se sa ki nou pe vin avek konman son *platform*.

Sa *investment portal*, nou'n bidzet li anviron R20 milyon dan Bidze. Se sa ki pe ogmant Bidze Minister pou sa lannen. Mersi Mr Chair.

MR DEPUTY SPEAKER.

Mersi Panel. Mon ava apel Onorab Naidu.

HON SATHYA NAIDOO

Bonzour Mr Chair. Bonzour Minis ek ou delegasyon. An relasyon avek *ease of doing business*, i annan en kantite keksoz ki'n ganny dir. Me selman kominote biznes ti a voudre konnen, kan eski lo laspe enplimantasyon zot pou vremen santi bann benefis?

Ki bann baryer, eski zot atraver bann travay ki zot in fer ki zot in kapab rekonnet? Kekfwa pa neserman ou Minister ouswa ou departman ki annan tor dan serten lenstans. *Businessmen* parfwa i konplent bann difikilte ki zot zot pas ladan pou ganny en *GOP* pou anmenn en travayer.

Akoz napa seselwa pou fer sa travay dan en lakonpanyen par egzanp. E i annan lezot ankor. Me selman mon ava aret lanmenm. E Minis mon ava atann.

MR DEPUTY SPEAKER

Mersi Onorab. Panel.

MINISTER DEVIKA VIDOT

Mersi Onorab. Mersi Mr Chair. Onorab, parey ou'n bezwen apersevwar, tou resaman dan media. I annan en konversasyon ki Minister in bezwen, e nou'n partaz sa avek medya.

Nou'n partaz sa avek la nasyon pou fer tou bann Minister e lazans rekonnet, poudir *ease of doing business* i pa selman nou problem. Parske avan ki en dimoun i kapab ganny son *license*, i bezwen pas atraver bokou prosedir. E bokou fwa sa i tonm an deor kontrol Minister.

E se pou sa rezon, ki ti enportan ki nou ti refer sir e lans en konpanyi si oule enpe ase agresiv. Pou nou *remind* bann lezot Minister, departman e Lazans konsernen poudir *ease of doing business* i problem nou tou. E nou tou nou bezwen travay ansanm pou adrese.

E sa I vin swivan zefor ki Minister ti pe sey fer oparavan. Nou'n fer anviron en pe plis ki de douzenn *meeting* avek bann *MDAs* pou sey fer konversasyon avek zot. Pou regarde ki mannyer pou amelyor zot bann servis, zot bann standard eksetera.

Me nou'n santi poudir i annan bayer an se ki konsern vreman bann manm lekipe ki pe travay dan bann departman, ouwa dan bann *unit* konsernen.

Petet lafason ki zot pe delivre servis. So se pou sa rezon ki nou'n lans sa konpany agresiv. Mon a kapab pas laparol avek PS. Pou donn ou en pti pe an bref lo enplimantasyon. Mersi.

PS MICHAEL NALLETAMBY

Mersi Mr Chair. Swivan sa ki Minister in eksplike, nou *meeting* ek sa bann antite finalman nou'n vin ek bann rezolisyon, kot zot pou bezwen parey mon ti pe sey dir pli boner, zot bezwen pibliy bann standar operasyon.

Savedir pou tret en dosye, konbyen letan i pou pran sorti kot entel pou al kot entel dan system. E pou pibliy sa bann zafer. Kot tousala pou vin *public*. E nou pou kapab annan en standar pou nou ekspekte de sa bann antite.

Sa i pou vin parey en *customer service charter* ki tou dimoun pou annan konesans lo la. E i pou annan an relasyon ek sa bann konsekans. Konmsi nou met li dan *results-based management system*, kot sa endividi ki pe tret sa bann

dosye, li osi i annan serten standar ki i bezwen zwenn e respekite tou dilon lannen. E i pou bezwen raport lo la.

So pou annan *system* pou rikorde e li i pou bezwen raport son performans dapre sa *system*. E nou pe osi demande pou annan bann *customer feedback facilities*. Kot kliyan li osi pou kapab dir, be mon *submit* en keksoz, pa pe ganny trete dapre standar ki'n ganny pibliye dan tel antite *or not*.

So nou pe demann osi bann dimoun. Akoz nou pe demann pou etabli bann nonm zour, pou tret en dosye. I annan serten enplikasyon, Polisi e legal. E sa bann antite zot bezwen idantifye sa bann Polisi ki kekfwaw i kre sa baryer. I anpes zot fer sa performans lo sa nivo.

So, zot pou bezwen idantifye sa. E fer bann travay pou konmans fer bann lamannman kot i nesese. Swa i dan Polisi. Swa i dan bann lalwa. E sa pou bezwen ganny trete. E pou annan en nesese ki nou raport lo sa bann *performance*.

Minister li menm pou responsab pou anmenn en rapor devan *Cabinet quarterly*, pou nou montre ki progre pe arive. Ouswa ki difikilte pe fer fas avek. Mersi Mr Chair.

MR DEPUTY SPEAKER

Mersi Panel. Mon ava prezan apel Onorab Vidot.

HON AUDREY VIDOT

Mersi Mr Chair. Bonzour Mr Chair. Bonzour tou Manm Onorab, Minis avek delegasyon reprezantan Finans, tou manm piblik ki a *l'ecoute*. E en bonzour spesyal pou zabitan Roche Caiman.

Minis mon kestyon, ou dir ki zot annan bon kolaborasyon avek bann lezot antite ek lotorite. Mon ti le konnen prosedir parey letan i annan en dimoun ki'n idantifye en morso later dan en distrik e in ekrir ou atraver ou Minister.

Kekfwa in prezant son plan. I anvi fer serten investisman ki pou dan benefis e lentere kominote. E bezwen pas atraver ou Minister avan al lezot Minister. Kantite letan sa prosedir i ganny pran? Akoz i annan en ka dan mon distrik ki ziska prezan lotorite distrik pa ankor ganny okenn *feedback*.

Plis ki 1 an la lo en desizyon si i annan potansyel pou li kapab fer serten devlopman. E osi mon vwar poudir i annan en ogmantasyon R40 mil anplis ki ou ti gannyen lannen pase dan Bidze 2023. Pou bann *facilitate* bann *event*.

Mon ti anvi konnen kwa ki annan nouvo ki zot pe programmen pou fer 2024, ki kapab zistifye zot ogmantasyon? Mersi.

MR DEPUTY SPEAKER

Mersi Onorab. Mon ava envit *panel* pou larepons.

MINISTER DEVIKA VIDOT

Mersi Mr Chair. Mersi Onorab pou ou kestyon. Mr Chair, mon pou pran premye e *PS* i ava abord size Bidze. An se ki konsern korperasyon avek lazans. Wi Onorab, korperasyon ki mon ti pe fer referans avek letan mon'n reponn Onorab Labonte, se *between* Minister.

Sa mon pe dir ou bon korperasyon en? *Between* mon Minister avek bann lazans ki tonm anba Minister. E nou zwenn vreman *regularly*. Nou zwenn plis ou mwen preski dir tou le semenn.

Lo kote laplikasyon ki en biznes i fer pou li kapab ganny fasilite eksetera, se sa bann defi ki nou rankontre bokou letan. Se ki bokou fwa desizyon i pa sorti kot nou, pou ki sa dimoun i ganny aprouvasyon pou li fer serten keksoz.

Me petet i pe depan lo swa Minister Later, swa en lot Minister pou kapab donn son

feedback. E se sa kot nou rankontre problemm.

E se pou sa rezon ki atraver rezolasyon ki nou'n pran la, kot sa bann Minister pou mandate pou zot kapab met ater an ekri ki kantite letan, ki dizon ler *by the time en request* i ganny anvoye kot zot, zot bezwen pran 4 semenn pou reponn. E zot bezwen donn en larepons.

Oparavan sa pa'n zanmen arive. So i pou fer premye fwa ki keksoz koumsa pou ganny fer dokimante. E pou osi ganny met a laporte piblik, pou piblik annan en lekspektasyon.

So, sa i en gran defi pou nou. Akoz mazorite letan nou *rely* en kantite lo bann lazans, pou nou kapab donn *feedback* kliyan. Mersi.

MR DEPUTY SPEAKER

Ou annan en klarifikasyon?

HON AUDREY VIDOT

I pa ankor reponn-

MR DEPUTY SPEAKER

Anr i annan en kestyon *increase in events. From 60 thousand to 100 thousand.*

HON AUDREY VIDOT

Wi. *Yes, thank you.*

PS MICHAEL NALLETAMBY

Mersi Mr Chair. Mr Chair, sa ogmantasyon dan *facilities for events*, se egzakteman nou louvraz ki nou le fer avek enn ek antite. Nou pou bezwen annan bann *workshop*. Bann diferan levennman ki nou pou bezwen zwenn ek zot pou nou kontinyen travay dan sa-

Me i pou osi annan bann lezot lenstans kot nou pou bezwen zwenn ek bann antreprenner e lezot. Pou nou kapab pa zis konpran zot lekspektasyon, me pou travay ek zot pou devlopman bann proze ki nou pou annan.

Nou annan detrwa proze ki nou pou bezwen fer pandan lannen. E i pou nesese ki nou annan sa langazman par sa lantretyen souvan avek sa bann diferan antite piblik e prive. E se sa ki nou'n met en ogmantasyon pou *events*. Mersi Mr Speaker.

MR DEPUTY SPEAKER

Mersi *panel*. Mon ava apel Onorab Mondon.

HON TERENCE MONDON

Mersi Mr Chair. Bonzour Minis avek ou lekip. Minis, dan larepons Bidze kot ler Minis Finans i koz lo bann prosedir administrativ ki bezwen amelyore. E mwan mon ti dir e mon site Minis, "i osi nesese

pou Minister responsab pou later investisman. E lanvironnman pou revwar e amoniz zot prosedir administrativ an relasyon avek bann group proze devlopman. Prosedir i bezwen kler e transparan pou tou investiser.”

Minis, mon oule ki ou kapab dir mon premyerman, eski ou santi poudir i annan en travay pou fer dapre sa ki mon per dir ant bann Minister? Sirtou ler nou pe koz bann gro proze investisman. Kot ou vwar investiser i monte desann i fer letour.

Mon annan ka kot 3 an investiser pe zis fer letour bann Departman. Ki kalite travay zot pe anvizaze vreman pou adres sa sityasyon? Mersi Mr Chair.

MR DEPUTY SPEAKER

Mersi Onorab. *Panel.*

MINISTER DEVIKA VIDOT

Mersi Mr Chair. Mersi Onorab, pou ou kestyon. Onorab, letan nou'n met ater plan, Minister li menm in met ater plan pou regarde ki mannyer nou *improve ease of doing business* dan Sesel. Nou'n vwar poudir later i pou en depar; etabli en *proper land use* pou nou kapab-

E fer sa. Pibliy sa pou ki biznes i annan en lekspektasyon ki i pa zis al

identifye en bout later, me i konnen ki annan *available*. Kwa ki pa *available*. E sa i diriz sa biznes lo ki kalite biznes ki i pou kapab fer. Kwa ki posib. Kwa ki pa posib.

Pou le moman la, fristrasyon i vin aköz sa lentere i vini. Me sa Minister ki responsab, li petet i pa ankor pare pou fer sa desizyon. E sa i vin en gro problem.

So letan nou ti pe fer nou plan, nou pe fer nou *roadmap*, zisteman pou nou kapab *digitalize*, later ti en konponan kle ladan. Me parey ou kapab konstate e letan zot a vini zot ava eksplik bann defi. I annan en kantite defi ki zot bezwen fer fas avek, an term bann prosedir ki ankor *manual*.

E osi rikord ki ankor fizik ki sa i bezwen ganny *digitized*. I bezwen ganny fer vin nimerik. Avan ki nou kapab ariv lo sa leta. I annan en kantite travay pou fer Onorab. En kantite. Mersi.

MR DEPUTY SPEAKER

Mersi *panel*. Mon ava aprezan apel Onorab Cosgrow.

HON WALLACE COSGROW

Mersi Mr Chair. Bonzour Mr Chair. Bonzour Minis avek ou *panel*. Bonzour tou Manm e tou

dimoun ki ekout nou. Mr Chair, mon ti a kontan zis letan mon konmansman, vi ki bomaten ou'n dir nou poudir ou pou aplik *Standing Order* 36, 37.

Mon ti a kontan petet par egzanp si mon pe demann ou, ki par egzanp si i annan en size ki nou pe adrese ki enportan ki ou *relax* en pti pe *Standing Order*.

Akoz i annan serten letan ki nou bezwen demann serten kekyon e nou bezwen serten larepons. Pa parey yer Mr Speaker, kot ou'n fer en- Be ekoute. Pa parey yer kot ou'n fer en ekspoze, apre ou pan les nou reponn. Ou pa'n koze.

Commonwealth best practice osi i dir ki Manm osi i ganny sans *express* zot lekor *freely*. So, mon *hope* ki ou kapab *relax* en pti pe *Standing Order* pou nou kapab demann serten kekyon. Mersi.

An di-z-an sa Mr Speaker, mon pou anmenn *panel* direktman lo *minor capitals*. En *follow up* kekyon lo sa ki *PS* ti'n reponn Onorab Lemiel. E mon anvi anmenn panel osi lo *other goods and services* en pti pe pli o *maintenance services*.

Solman mon ti a kontan si Minis i kapab dir nou, sa R20 milyon ki zot in mete. Mon krwar napa person ki doute ki nou devret annan en *platform*,

kot tou bann Lorganizasyon ki annan pou fer avek *investment or ease of facilitating investment* Sesel i zwenn ansanm lo en *platform*.

Me ler mon pe get sa kantite larzan R20 milyon - *almost* R21 milyon pou en sistenm, mon ti a kontan petet zot donn serten leksplikasyon lo, eski sa i en *specialized* sistenm ki'n ganny *design* an deor Sesel? Eski in annan bann *tenders* ki'n ale anver *procuring* sa sistenm?

E eski i annan bann *licences* ki pou vin avek sa sistenm *going forward*? E konbyen letan zot pe antre dan kontra pou sa sistenm? Akoz ler mon get *other uses of goods and services*, dan *maintenance services* konmansman 2025, mon pe vwar 6 milyon, 6 milyon, 6 milyon - 6.5 milyon.

E mon pe prezimen sa i pou bann *maintenance of* sa sistenm. E zot ava klarifye mwan si mon mal. Me mon pe vwar i en gro sonm. Menm si nou devret annan en *platform*. Mon pe vwar i en gro sonm ki pe al ver Bidze. So petet *PS* ek Minis ava klarifye sa. Mersi.

MR DEPUTY SPEAKER

Nou ava envit *panel* pou en larepons.

PS MICHAEL NALLETAMBY

Mersi Mr Chair. Mersi Onorab pou kestyon. Mr Chair, sa sonm nou'n met la dapre lendikasyon bann kou ki nou annan. Nou'n seye fer evalyasyon. Pou le moman nou ankor pe fer sa travay, pou nou deside *whether* sa sonm i et. Me nou'n bezwen fer provizyon. Akoz sa lendikasyon ki nou annan.

I posib i pou mwens. E alors nou bezwen fer sa provizyon akoz sa lendikasyon. *Now* sa sistenm i pa ankor ganny fer. Me i pou ganny fer *once* nou idantifye nou kontrakter, *whoever the contractor* ki pou fer.

I pou en sistenm ki pa en *simple platform* kot i pou annan en kantite koneksyon, ant *Planning Authority, SRC*. I annan bann platform – bann landrwa kot menm pa ankor menm *digitalise* ziska ozordi. Kot nou bezwen al fer serten travay laba. *Digitalise* li pou kapab antre li lo sa platform.

So, it is quite an extensive – en pe travay entansiv ki bezwen ganny fer. Wi, sa *additional sum* dan *maintenance* i enkli *maintenance* sa platform. Me osi *hosting*. Akoz i pou en *cloud-based system*. E i pou vin en *hosting* ladan. *So, i annan sa de*

konponan ki fer li ariv – ankor lendikasyon ki pou ariv sa. Mersi Mr Chair.

MR DEPUTY SPEAKER

Ou annan klarifikasyon?

HON WALLACE COSGROW

Mersi Mr Chair. Mersi *PS* pou leksplikasyon. Ler zot pe get sa kantite ki – *ok* petet i riske pa ariv sa kantite. Me selman ler zot pe get sa kantite *investment* ladan, eski zot pe mazin konmsi zot vwar li i – *the return on investment* zot krwar i pou annan benefis signifikan pou sa ki zot le anmennen? Mersi.

MR DEPUTY SPEAKER

Panel.

MINISTER DEVIKA VIDOT

Mersi Mr Chair. Mersi Onorab pou ou kestyon. Onorab, annefe mwan mon krwar personnelman ki – e si mon ti kapab ganny mwayen osi mon ti pou demann plis larzan, pou nou kapab investir dan *modernising* nou *investment framework*.

Akoz rannman pou vremen o, par le sans ki i pou amelyor sityasyon lenvestisman dan pei. Non selman pou bann dimoun aletranze osi. Pou kapab vwar ki nou annan pou ofer. Me osi – e sa pou mwan i

enportan pou nou bann biznes lokalman.

Parski ozordi zour bann biznes i pas dan en kantite defi. Kot zot bezwen soumet lenformasyon. Lenformasyon ki par kont i sorti kot biro Gouvernman. Tel parey zot *business registration certificate*, zot *license*. eksetera.

Zot ganny demande a sak fwa ki zot pe al fer en laplikasyon, zot ganny demande pou zot re soumet sa bann dokiman.

Me sa sistenm pou fer li en fason kot swa ou pou *upload*. Ouswa ou pou fer li direk avek sistenm. E ou bann dokiman pou dan en, (mannyer ou kapab dir) parey en *wallet*. Dan ou *profile*, i ava ganny *save*. E la tou bann lezot servis ki ou ava vin *apply* ou servi apre ou pa pou bezwen re soumet sa bann dokiman.

An plis ki sa, sa kliyan i sipoze kapab swiv kote son laplikasyon i ete. Kote ki pe ganny retar. E sa i sipoze fasilite zot lavi en kantite. So, i annan bokou ki nou anvi fer.

E mwan mon ti ava demann ou sipor pour ki nou kapab ganny plis sipor ankor finansyel, pou nou kapab *improve* lanvironnman biznes. Mersi.

MR DEPUTY SPEAKER

Mersi *panel*. Onorab Woodcock?

HON WAVEL WOODCOCK

Mersi Mr Chair. Bonzour Minis ek ou delegasyon. Mon kestyon i swiv en pti pe laliny ki Onorab Naidoo in demande, regardan *ease of doing business*.

Parey ou'n dir *ease of doing business* i pa zis *up to your Ministry*. Me i en travay an kolaborasyon avek lezot MDAs. I osi bann *external stakeholders*. SRC, Planning, Land Registration e osi labank.

Mon kestyon i *one of the biggest challenge* Sesel, sirtou ki bann MSMEs pe fer resorti se pou zot ganny *credit*. Pou zot ganny akse avek finansman pou zot biznes. Ouswa pou sa *start up*, oubyen pou *inject* dan zot biznes.

Mon kestyon *is* ki ou Minister in fer? Eski in annan sa sinerzi ouswa in annan, bann rankont, bann diskisyon avek bann labank? E ki en pe bann provizyon zot in fer pou ede, pou fer ki kredi i *available* pou bann *business*? Sirtou bann *start up* ouswa bann pti biznes ki anvi investir dan zot biznes?

Apre lo kote *current challenges*, i annan sa size *availability of unaffordable*

operating space for MSMEs. Ou'n dir ... *one - affordable space.* Me ti annan diskisyon dan lefase.

Annefe serten prezantasyon ki ou'n fer. Regard lespas swa *regionally*, ouswa par distrik, pou bann *micro enterprise centres*. Lespas pou bann *MSMEs*. Si ou kapab donn en pe lenformasyon, ki travay ki'n ganny fer pou idantifye bann teren, rezyonalman ouswa dan bann distrik pou sa *micro enterprise centres*? Mersi bokou.

MR DEPUTY SPEAKER

Mersi Onorab. *Panel?*

MINISTER DEVIKA VIDOT

Mersi Mr Chair. Mersi Onorab, pou bann kestyon. Mon ava abord ou dezyenm parti kestyon. An se ki konsern bann *micro enterprise centre*, avek ou permisyon Mr Chair, si nou kapab adres sa size letan *IEA* avek *ESA* aköz se zot bann lazans ki ou pou kapab ganny larepons pli direk.

An se ki konsern *access to finance*. Onorab, wi, nou okouran poudir sa I en defi mazer pou bann biznes. E wi, nou pe fer konversasyon avek labank tre kouraman. Nou fer li dan en fason – nou zwenn

bann reprezantan tre o nivo, sa bann labank.

Nou osi esey zwenn avek zot reprezantan ki sorti aletranze. Parski i annan labank osi ki annan bann brans aletranze. E avek en bi pou nou kapab amelyor lanvironnman finans.

Parey ou konstate bann labank i bann antite prive. Zot pa neserman pran lord avek Gouvernman. Me selman ki nou kapab fer, lo nou kote nou santi nou i enportan ki nou sey anmenn sa konversasyon kot nou antre dan milye. Nou azir konman entermedyer *between* kliyan. Vedir nou bann biznes. E avek labank.

E dan bann diskisyon ki nou'n fer nou'n dakor pou nou abord serten defi. E nou pe fer li an trwa faz si ou le. Dabor nou anvi abord fasilite ouswa lafason ki bann biznes zot antreprann zot tranzaksyon finansyel avek labank.

Alor nou'n vwar i annan en mankman dan term ledikasyon finansyel. E sa i lo tou le de kote. E alor avek labank zot in pare. Zot in dakor pou zot siport nou. E nou osi nou pou siport zot dan serten program sansibilizasyon. Kot la i pou annan ledikasyon. I pou annan program.

I pou annan kanpanny kot nou pou ed bann biznes konpran pli byen zot responsabilite anver en labank. Ou koman en kliyan, ki responsab an term ki kantite letan ou bezwen pou fer ou bann *deposit*. Lenportans pou zot *bank* zot bann larzan ki zot fer. Akoz ozordi zour i annan biznes deor ki pa vwar lenportans pou bank zot larzan.

E pou labank, sa i vin en defi akoz zot pa pe kapab swiv ki mannyer sa kliyan pe fer son tranzaksyon. Me an menm tan osi, labank lo son kote, i annan serten *requirements* ki zot met ater ki petet i sirpas bann biznes.

Lo kote laplikasyon, bann labank i fer resorti poudir laplikasyon ki ganny soumet kot zot i pa o nivo. Ouswa zot napa konfidans ladan. E lo kote bann biznes zot osi zot dir ou poudir defi se ki letan zot anmenn en nide ki nouvo, labank i en pti pe retisan pou siport zot avek finansman.

So nou bezwen ankor *breach* en *gap* ki sa swa par bann program *incubator*. Sa i bann diskisyon ki nou pe fer. Apre byensir kou kapital. Kou kapital ki vreman o pou nou bann biznes.

E se la kot nou pe eksplor avek bann labank ki bann

schemes ki nou kapab met an mars, pou nou kapab, ouswa bann *alternative means of financing*. Savedir bann lezot fason ganny aske avek kredi. Mersi.

MR DEPUTY SPEAKER

Mersi *panel*. Ou annan klarifikasyon?

HON WAVEL WOODCOCK

Ler mon pe koz sa bann *loan from banks*, ti annan sa ki nou apel sa bann *MSMEs Loan Scheme*. E osi *DBS* ti pe donner. *Challenge* ki bann biznes pe fer fas avek, se ki menm si i annan sa bann *scheme* i *still* difisil e konplike pou bokou biznes ganny akse avek sa larzan.

Petet zot kriter ouswa zot paramet ki zot in mete, i fer li difisil pou sa bann biznes ganny aske avek. Eksi zot in - *I do not know* - fer en analiz pou regarde konbyen dimoun. Konbyen pti biznes ki'n ganny asiste anba sa *loan scheme*?

Zot in fer analiz konbyen dimoun apepre pandan en lannen? Konbyen biznes ki'n kapab ganny akse avek sa?

Eski i annan bokou biznes ki pe ganny asiste? Ouswa i annan e pti group ki pe ganny asiste, par lefe ki sa bann kriter, pou ganny akse avek sa

loan is a little bit - en pe mon kapab dir en pe sever. En pe konplike pou sa bann biznes kapab ganny akse avek sa bann *loan*. Mersi.

MR DEPUTY SPEAKER

Mersi Onorab. *Panel?*

MINISTER DEVIKA VIDOT

Mersi Mr Chair. Mersi Onorab. Onorab, anefe sa i en travay ki *ESA* i antreprann. Swa atraver zot *Unit Lentelizans*. I zot responsabilite. Zot fer li zot devwar. Zot regarde ki manner akse avek Finans. E sa i bann keksoz osi ki nou'n diksite avek labank.

Letan nou zwenn avek labank i donn nou loportinite pou nou partaz bann fe. Savedir bann *cases* ki nou nou gannyen kot Minister osi. E mon ankouraz bann biznes ki pe fer fas avek difikilte pou vin devan.

E koumsa nou kapab prezant zo bann *case* osi ek labank. E la nou kapab diskite lo bann ka, bann fe ki pe arrive. So labank i pli ganny en konpran. Mersi.

MR DEPUTY SPEAKER

Mersi *Panel*. Onorab Uranie.

HON ROCKY URANIE

Mersi Mr Speaker. Mr Speaker, avan ler mon konmanse, mon ti a kontan petet zis dir ou, parey yer en pe dan menm laliny ki Onorab Cosgrow in dir ou, parey yer ler i ti pe fini ou'n ganny sans fer ou deliberasyon. Ou'n dir nou sa ki ou ti anvi. Ou'n koz lo bann *best practices* an *Commonwealth*.

Mon ti a kontan dir ou petet pa swazir keksoz ki pli *convenient* pou ou ler ou get *Commonwealth best practices*. Fer sir ou pe met tou sa ki bann *best practice* ki sipoze annan, isi dan nou Lasanble. Pa swazir sa ki *convenient* pou ou.

So mwan mon kestyon i Minis, in *current challenges bullet 9*; "*Identification of collaborating agencies. Public and private sector to partner with and support startups a new concept.*"

Bon mon pe rode la, ki problem ki zot pe gannyen, pou zot kapab idantifye sa bann lazans *public* oubyen *private sector* pou zot kapab *partner with*.

Eski i annan mankman *incentive* pou sa bann *partner*? Oubyen i annan bann *trust issues* oubyen bann paramet ki zot pa pe dakor avek? Ki pe fer ki sa bann dimoun pa pe dakor pou *partner* avek zot? Mersi.

MR DEPUTY SPEAKER

Panel mon ava envit zot pou donn en larepons.

MINISTER DEVIKA VIDOT

Mersi Mr Chair. Mersi Onorab pou ou kestyon. Onorab, sa *challenge* la, mon a donn ou en legzanp. Par egzanp i annan serten kad biznes, ouswa bann lide biznes ki bann antreprenner i anmenn devan. Me par kont ki napa en kad. En *proper licensing framework*.

E dan labsans *provisional license* ki ankor pe ganny drafte kot biro *Attorney General*. La bann lazans konsernen zot tant pou – zot pa oule pran responsabilite. So se ka kot nou pe dir nou vwar en mankman.

I difisil. I difisil pou ganny kolaborasyon bann lazans pou dir, *ok* be nou a travay ansanm pou nou kapab regarde ki manner pou les sa dimoun demar son biznes. Mersi.

MR DEPUTY SPEAKER

Mon pou aprezan envit Onorab Hoareau pou kestyon.

HON JOHN HOAREAU

Mersi Mr Chair. Bonzour Mr Chair. Bonzour Minis ek ou lekip. Dabor Minis, mon oule felisit ou pou devlopman sa *Investor Map* avek kolaborasyon

UNDP. Sa in ouver potansyel Sesel avek lemondn biznes eksteryer.

Minis, mon ti a kontan ou dir mwan prezan eski in annan evalyasyon pou zisteman vwar ki lekspresyon *of interest*. *Expression of interest* ki a fasilite in kapab zenere? E si ou kapab donn nou en pe *statistic* mon ti ava byen kontan.

Eski ou panse osi ki devlopman lenfrastruktir pe mars avek ou plan dan sa domenn? Mersi.

MR DEPUTY SPEAKER

Mon ava envit *panel* donn larepons.

MINISTER DEVIKA VIDOT

Mersi Mr Chair. Mersi Onorab, pou kestyon. Dayer mersi pou felisitasyon. Kredi i al pou tim ki'n travay vreman vreman dir lo la. e byensir remersiman spesyal pou *UNDP* ki'n ed nou. I en partener kle. In ed nou bokou pou nou kapab met sa zouti ater. Sa zouti i en zouti *marketing*.

E zisteman nou servi loportinite o moman ki nou kapab fer bann levennman aletranze. Nou *La Turquie*. E an plis nou'n fek al *Abu Dhabi* pou *World Investment Forum*. Sa i bann landrwa kot nou

kapab *showcase* nou *SDG Investor Map*.

So, sa i ed nou bokou, akoz nou ganny nou en zouti ki la. ki fasil e ki nou kapab partaz avek nenport dimoun ki enterese.

E pou *COP* osi ki pe vini *SIB* pou osi prezan. Zot pou ale zot pou fer serten levennman. Kot ankor zot pou promouvwar bann loportinite lenvestisman dan pei. Me byensir i pou annan bann levennman en pe targete.

So, i pou annan serten konponan kle ki zot anvizaze fer. E ou a kapab demann plis leksplikasyon avek *CEO* en pe pli tar. An se ki konsern bann lenfrastriktir par lefe ki sa *inventor map* ti ganny devlope lo la baz kot konsiltasyon, bokou konsiltasyon ti ganny fer. Avan ki zot in kapab *emerge* avek sa prodwi final.

E alor konsiltasyon an term lenfrastriktir kwa ki bezwen, kwa ki annan, tousala in ganny pran an konsiderasyon. Avan ki zot in kapab sorti avek sa rezilta. Pou dir be ok nou annan loportinite dan tel landrwa.

Alor swa sa lenvestisman pou vin an form lenfrastriktir pou kapab siport sa sekter. Ouswa lenfrastriktir in ganny idantifye me selman nou pe rod

lezot konponan lenvestisman pou fer sa sekter leve. Mersi.

MR DEPUTY SPEAKER

Mersi *panel*. Onorab Pillay.

HON SEBASTIEN PILLAY

Mersi. Bonzour *panel*. Bann teknisyen ki la e tou dimoun ki a lekout e tou koleg Onorab. Mon pran laparol bomaten tout an rekonesan *Order 7* e *Order 8* nou *Standing Orders* - zis pou fer referans avek serten komanter ki'n ganny fer par mon bann koleg lo lot kote latab.

Mon apresye bann *Statement* ki'n ganny fer lo *Commonwealth best practice* a legar Deputy Speaker. E nou apresye ou bann komanter lo *Commonwealth best practice*.

Me nou ti a kontan osi demande ki *Commonwealth best practice* i ganny aplike dan tou son sans. Zis parey sa *best practice* ki dir ki bann dimoun ki *chair* Parlman oubyen Lasanble Nasyonal zot pa bann *leaders* politik dan zot parti.

Avek sa Mr Chairman, mon ti a kontan remerisi Minis pou son lentrodiksyon. E *PS* pou bann lenformasyon ki in donn nou.

Me selman Minis, petet si ou ti a permet mwan i annan serten kestyon mon ti a kontan

klarifye. Avan mon pou al direk lo sa – pa serten me en kestyon mon ti a kontan klarifye.

E mon pou al direk apre lo sa size sa R20 milyon ki ou pe mete lo Minister. Akoz parey ou'n dir napa vreman gran logmantasyon dan ou Bidze apard ki sa R20 milyon.

Mon ti a kontan konnen ou ti donn nou serten *commitment* vizavi klima lenvestisman. E serten sa *commitment* sete diversifikasyon bann diferan kalite baz lenvestisman pou biznes. E ou ti koz lo diferan landrwa kopra, lavannir.

Mon ti a kontan petet si ou kapab donn nou en kont randi ki zistans ou'n arive avek sa?

E lo size sa R20 milyon Mr Chairman mon ti a kontan ganny serten presizyon. E mon apresye travay ki'n ganny fer par bann teknisyen ziska la.

Me selman mon note ou ava apresye osi Mr Chairman ki dan Bidze Departman Lenformasyon e Kominikasyon e Teknolozi, i osi annan en gran konponan, an se ki konsern zot apel li "*Government process transformation and electronic service delivery channels.*"

E li son Bidze i R60.2 milyon. E nou pe al depans ankor 20.7 milyon dan en lot Minister. Kestyon ki mon

annan se premyerman lo size sa R20 milyon, lekel ki nou pe *tender* sa proze avek? Lekel ki pe vin fer sa proze?

Ki bann prosedir ki nou pe servi pou ki sa R20 milyon i ganny depanse pou ki nou ganny sa proze pou realize? E pou ki i anmenn sa transformasyon pou biznes parey mon tann *panel* pe koz lo la

E dezyenmman Mr Chairman, avek ou permisyon, konmsi eski in annan diskisyon ant zot ek *DICT*, pou vwar ki mannyer nou pe depans an tou la 80 ekek milyon. *Notwithstanding* ki ladan nou annan nou en konponan pou saler bann travayer anba Departman *DICT*.

Mr Chairman, ki mon pa le *mislead* person. So konponan pou sa saler dan *government process transformation* li i 20.6 milyon kot i konsern *DICT*. So si mon tir sa 20.6 milyon i reste 40. Savedir nou pe depans 60 milyon dan sa *government process*.

E la mon pe vwar *cost* diferan Minister Mr Chairman. Nou pe vwar en pti bout ki pe ganny mete pou en *digitalization* or en keksoz koumsa.

So silvouple eksplik nou ki bann diskisyon ki'n annan e bann lenformasyon presi lo tou sa R20 milyon ki manner i pou ganny depanse? Mersi bokou Mr Chairman.

MR DEPUTY SPEAKER

Mon envit *panel* pou larepons?

MINISTER DEVIKA VIDOT

Mersi Mr Chair. Mersi Onorab pou kestyon. Mr Chair, avek ou permisyon *PS* ava adres kestyon lo *investment portal*. Li ava eksplik Onorab lo prosedir e travay ki nou'n fe avek *DICT* pou nou ariv kot nou ete ozordi.

An se ki konsern devlopman bann Lendistri plizoumwen zepis, koko, kannel par egzantp, mon kontan konstate ki Onorab i port bokou latansyon lo la. I fer mwan bokou plezir.

E mon santi parfwa ki ou santi petet Lendistri pa pe marse. Ouswa petet napa lenterere. Zis pou fer Onorab – zis pou mwan *remind* Onorab i annan deza de letid ki'n ganny fer. Pou etabli *feasibility* sa bann Lendistri. Pa enn me de. E tou le de i donn konfirmasyon potansyel sa bann Lendistri pou Sesel.

Lo kote Minister prensipalman anba *portfolio* Lendistri nou responsab. Nou

pran li nou responsabilite pou etabli en *roadmap map* lo ki manner sa bann Lendistri pou ganny devlope. E nou'n fer sa. E nou zwenn avek bann partener kle parti prenan ki kle.

E an se ki konsern sekter par egzantp lavannir, kannel, dimyel se Minister Lagrikilitir ek Lanvironnman ki parti prenan kle. Zot ki annan sa resours anba zot Minister. E alor zot responsabilite, definitivman, pou fer sir poudir sa Lendistri i marse.

Me avek sipor Minister Lendistri. E mon kapab asir ou Onorab ki lenterere dan sa sekter ti annan. E i ankor reste. Pa zis lokalman me osi sorti aletranze.

Zis sa semenn nou'n zwenn ankor avek en etranze ki anvi vin etabli en lizin Sesel. Ki anvi fer valer azoute. E zis pou *remind* ankor poudir sa bann sekter ki nou anvi antre ladan nou pa anvi zis *process* matyer de baz e eksporte koumsa. Me non, nou anvi regard plito valer azoute. Savedir anmenn plis larises pou pei dan plas eksport nou bann resours.

Alor mon ti a kontan pran sa loportinite parski mon'n ekout ou lenterervansyon o debi Bidze. Dan ou larepons Bidze, kot mon ti a demande ki Onorab ou donn en pe plis

respe pou sa sekter. Donn en pe plis respe pou sa bann dimoun ki dan sekter. E ki ozordi zot pe fer biznes dan sa sekter.

Ki swa zot pe kiltive ouswa zot pe tir kannel, ouswa ki pe eksporte. Annan en pe plis respe pou sa bann dimoun ki'n deside poudir aköz nou viv dan zil tropikal, i pa akseptab nou pe aste delwil koko ki sorti aletranze. Ouswa nou pe aste dile koko ki sorti *Malaisie* ouswa *Thailand*.

Zot santi poudir be nou annan koko otour nou. Annou fer en fason pou nou process e nou ava kapab konsonm nou bann prodwi lokal.

Pou sa antreprenner ki li in deside pou li swazir poudir i pou met lavannir ki'n grandi Sesel. E ki pe pouse Sesel dan son bann prodwi, dan son *face wash*, dan son savon.

E ki i pe kapab vann lo marse lokal. Alor mon ti pou vreman kontan si Onorab i valorize en pti pe plis nou resours natirel. Aköz mon santi mwan en pti pe dekouraze parfwa. E pou bann biznes osi mon santi zot en pe dekouraze.

Si Onorab ou abitye. Ou satisfè letan ou antre dan laboutik ou vwar bann pti poban *Robertsons*, sa bann lapoud kannel ou satisfè pou aste, mon garanti ou poudir

bokou dimoun i pa satisfè. E se pou sa rezon i annan en kantite Seselwa ki pe montre lentere pou zot antre dan sa bann biznes.

E laspirasyon Seselwa nou pe vwar lentere deplizanpli zot anvi fer prodwi lokal. E sa byensir i anliny avek nou stratezi pou *import substitution*. Kot nou pe dir sa ki nou pa bezwen enporte, nou pa enporte. Nou fer lo lokalman.

E alor mwan tan ka mwan Mr Speaker, mon vreman fyer. Mon vreman fyer pou vwar progre. Mon vreman fyer pou mwan vwar letan Seselwa pe servi nou bann resours natirel pou zot fer zot prodwi avek. E mon felisit zot e mon dir zot nou pou kontinyen siport zot. Mersi.

MR DEPUTY SPEAKER

PS, pou koz lo sistenm teknoloji la 20 milyon e ki diskisyon nou annan avek *DICT*?

PS MICHEAL NALLETAMBY

Mersi Mr Chair. Mr Chair, nou nou pe pous sa *digitalization the whole of the investment process*, ki nou kapab fasilite fer biznes. Mon'n fer plizyer lannen pe travay lo sa *ease of doing business*. E anmenn – e pandan bokou lannen nou'n

reste en pe *manual* dan sa *process*.

So, sa fasilite i donn nou en loportinite pou nou kapab fer li ariv pli fasil. E a long term redwir *actual* kou ki i koute pou fer biznes arrive an term administrasyon.

Dan sa konteks nou'n annan en *MOU* ki Gouvernman ti sinyen avek *UAE* lannen pase. E ladan i annan bann servis *including digitalization* Gouvernman. E de la ler nou'n annan sa, nou osi nou'n entrodwir nou lentere dan sa *investment portal*.

E atraver sa *MOU*, Gouvernman Abu Dhabi in idantifye e propoz en firm ki kapab fer sa travay. Me sa *firm* li in donn nou en propozisyon. Se sa ki mon'n dir nou'n annan lendikasyon sa kou ki kapab arive.

Napa personn ki'n ganny swazir an se moman pou fer sa travay. Nou nou'n annan sa lendikasyon. E se sa ki nou'n servi pou bidzete dan nou Bidze la sa lannen.

Nou'n fer en travay. Nou'n etabli en Komite Evalyasyon pou gete ki mannyer nou pou bouze. E *DICT* e Minister Finans i site lo sa komite. E rezilta ki nou'n gannyen se propozisyon ki'n ganny fer *technical proposal* i satisfezan.

It meets nou bann *requirements* ki nou pe mete.

Me lo kote kou, i ankor annan – akoz napa en *previous* travay ki'n ganny fer dan sa laliny koumsa napa en pozisyon ferm pou dir i rezonnab. Tro ser, pri ti kapab pli bon marse.

So nou ki nou'n fer nou'n bidzete dapre en lendikasyon. Nou *still* annan en travay ankor pou fer lo determinasyon sa kou.

An term sa *broader digitization process* 60 milyon sa *DICT* mon mazine a pli kapab eksplike. *But* i kouver mon krwar bokou plis ki sa *digitalization investment portal*. I annan bann lezot servis Gouvernman ki pa neserman relye avek sa *investment portal*. Mersi Mr Chair.

MR DEPUTY SPEAKER

Ou annan klarifikasyon lo pwen ki'n leve Onorab?

HON SEBASTIEN PILLAY

Mersi Mr Chairman. Mon annan klarifikasyon lo pwen ki'n leve. Mon remerci Minis pou son repons. Mon apresye son ki - lefe ki mon apresye ki ki i swiv mon repons lo deba Bidze. E mon apresye ki in pran mon bann komanter e

mon bann kritik en fason pozitiv.

Mon bezwen *remind* li ki enn bann rezon aköz mon pa'n kriy ou pou en *PNQ* dan Lasanble, aköz mon'n sey donn ou maksimonm letan, pou realiz bann lekspektasyon ki ou ti met dan Lasanble. Aköz ou ti eksplik nou bann problem ki ou annan pou devlop bann lezot lendistri.

E a plizyer repriz mon ti'n kapab kriy ou e demann ou ki zistans ou'n arive. Me mon'n prefere donn ou letan. Aköz mon'n enterakte avek sa bann operater. E mon en dimoun ki aste en kantite sa bann prodwi. Ou kapab demann bokou zot. Mon asiste bann lafwar. E mon rode. Mon regarde ki mannyer mon kapab donn zot plis sipor.

Me malerezman i annan ki mon bezwen dir ou fransman - e pa pran sa an mal, zot pa satisfè avek zistans ki ou Minister i arive. Me *it is up to you* pou pran sa ki mon pe dir ou e pou ou realize ki ou bezwen fer.

Mr Chairman petet ou ava apresye avek mwan konman en Manm Lasanble ki'n la bokou letan, ki in toultan en konsern Lasanble ler ou annan en diferan konponan *IT* ki ganny met *across* diferan Minister ki pe koz *digitalization*.

Nou'n deza dan Gouvernman, nou'n fer li. E souvandfwa nou'n vwar ki kree en problem ler en platform pe ganny met ansanm. Kot sa ki *DICT* in prepare, ek sa ki in vin avek sa nouvo platform, i pa kapab *match* ek kanmarad. E nou'n depans en kantite larzan pou fer li.

Mwan mon *believe* lo si nou pe fer sanzman dan pei, nou bezwen fer keksoz diferaman e fer li pli byen. Ou dir mwan poudir Gouvernman *Abu Dhabi* ki pe deside. Ki'n propoz en Kontrakter.

Mon apresye sa larepons ki ou'n donn mwan. Me selman presizyon ki ou pa'n donn mwan, se i pa kler pou mon *whether or not* zot pe al depans sa 20 milyon menm. Oubyen sa pou kout pli bon marse? Sa ki mon pa kler. Aköz dan larepons ki ou'n donn mwan i pa kler sa ki ou'n dir mwan.

So, mon ti a kontan petet si pa ou oubyen Minister Finans i kapab ed nou, pou nou ganny presizyon. Aköz R20 milyon ler ou pe koz *digitalization*, bann akter la deor ki pe fer sa bann aktivite *software*, pou santi ki nou nou osi kapab *tender* pou sa keksoz. Me i paret ki Gouvernman in al direk *outside of the country*.

Mon konpran sa *MOU*. Mon ti a kontan zis ki i annan en *level playing field* pou tou bann akter. Kot si i annan en potansyel pou zot kapab ganny biznes ek Gouvernman, zot osi zot kapab gannyen. Mersi Mr Chairman.

MR DEPUTY SPEAKER

Mon ti ava demann *PS* pou donn en presizyon aköz sa 20 milyon i dan Bidze? Mersi.

PS MICHAEL NALLETAMBY

Mr Chair, mersi. Onorab, mersi pou ou kestyon ankor. Parey mon'n dir napa en lendikasyon, en proze parey oparavan.

E menm nou'n koz ek *DICT*; *DICT* i aktyelman asiz lo sa Komite Evalyasyon depi lo komansman. E zot in toultan travay bokou lannen. Depi 2018 nou'n diskite sa *investment portal* avek *DICT*, including *DICT*.

DICT in dir nou poudir, pou le moman i napa en referans - en pwen referans pou dir nou sa sonm ki nou pe koz lo la i sifizan. I tro pti git ou tro bokou. Me nou nou'n ganny lendikasyon avek en konpanyen, ki'n ganny propoze atraver sa *MOU*.

Parey mon'n dir o komansman pli boner - sa larzan nou'n mete baze lo

lendikasyon. I kapab bokou pli ba li. Nou pa konnen.

Me selman lendikasyon ki nou annan vi ki nou napa lezot referans nou pou bezwen fer provizyon pou sa. Nou pa kapab fer provizyon pli ba, apre finalman nou pran en kontra ki nou pa kapab ni konmanse. Aköz nou napa finansman.

Wi, mon pa pou kapab dir ou i pou kout bokou pli byen. Pli bon marse. Mon pa pou kapab dir osi i pou pli ser. E menm mon pa kapab dir poudir sanmenm sa larzan ki la.

Me provizyon ki nou'n fer se dapre lendikasyon ek bann konsiltasyon ki nou'n fer *locally* ek sa ferm ki'n ganny propoze.

Mr Speaker sa *investment portal* i pa pe ganny fer an izolasyon avek bann lezot *projet*. *DICT is the main body* pou *digitalization*. E i annan en *Digital Economy Steering Committee* ki zer tou sa bann prosedir ki pe pase, chaired by *Ministry of Finance and co chair* by *Minister Vidot*.

Sa bann prosedir ki nou pe koz lo la la, bann *digital platform and all*, tousala i ganny pe ganny diskite la. E i annan sinerzi ki pe ganny idantifye avek sa bann... i pa pe ganny fer an izolasyon ki zis *Minister* pe vin ek en *investment*

portal zis plas la. Mersi Mr Chairman.

MR DEPUTY SPEAKER

Onorab Romain?

HON GEORGES ROMAIN

Mersi Mr Chair. Bonzour Minis ek ou delegasyon e bonzour tou koleg Onorab. Minis, mon ti a kontan premyerman remersye ou pou ou bann gidans. Ki ler nou'n fer kontak avek ou pou ou ed nou zabitan dan distrik. E sa nou dir ou mersi.

Mon kestyon Mr Chair, i retourn en pti pe ankor dan menm laliny ki *PS* in fini koz lo la. Lo sa 20 milyon. E mwan lenpresyon manner mon'n konpran li i mon mazine ki ou pou bezwen travay ansanm avek tou bann antite. Ki ler en dimoun pe anrezistre en biznes parey *SRC, Licensing, Public Health*.

E prezan pou mwan mon mazine sa, e byensir parey *PS* in fer resorti ki pou bezwen annan bann data. Ki pou bezwen ganny stor dan sa sistenm.

E si mon'n konpran byen, *PS* i dir zot ki pou *host* sa sistenm. E alors mon kestyon, mon krwar *PS* in fer en masyon osi ki zot ankor pe travay lo sa sistenm.

Mon kestyon Mr Chair, i kan ki nou ekspekte sa sistenm pou vin an loperasyon? E apre ler sa sistenm i pou an plas, kan kantite letan nou pe ekspekte ki ler en dimoun i anrezistre pou en biznes, ler i pas *through* sa sistenm ki kantite letan nou pou ekspekte i pou pran pou sa dimoun ganny tou son bann dokiman neser? Mersi Mr Chair.

MR DEPUTY SPEAKER

Mon envit *panel* pou en larepons.

PS MICHAEL NALLETAMBY

Mr Chairman, mersi. Dan sa *portal* pou le moman, nou annan sa bann antite konsernen ek bann prosedir konsernen ki pou ganny entegre ladan.

E lanrezistreman konpanyen e non biznes, laplikasyon pou *license*, laplikasyon *Planning* ki egziste *digitally* ozordi, me i an izolasyon, i pou ganny anmenn lo sa sistenm; konekte lo sa sistenm.

Laplikasyon *occupancy certificate*. *License* bann aktivite maritim ki reste parey ozordi. E i napa en sistenm *digital*. Laplikasyon pou sanksyon tranzaksyon later pou bann etranze.

Laplikasyon pou *GOP*. Sa i konsern *both Employment* e Imigrasyon. Permi lenportasyon e *bill of entry*. Laplikasyon nimeron idantifikasyon kot *Tax*. Savedir koneksyon avek *SRC*. Sistenm *SRC*. Sa ti pou anmenn – i fasilite li.

Now, nou osi fer travay avek bann diferan antite. An preparasyon pou nou kapab fer sa bann *digitalization*. Ozordi i annan sa bann long prose ki zot pase letan ki pase. E nou'n travay ek zot pou zot revwar tousala. E redwir li dan sak lot lenstans.

I pe anmenn nou kot parfwa kot ti pran 14 zour nou kapab pran 5 zour, pou tret en laplikasyon. So, i annan bokou benefis. Mon pa pe konsider son kou pou le moman, akoz nou annan sa ki nou annan la. Me i annan bokou lezot benefis osi ki sa *portal* i anmennen.

Ozordi i annan en kantite pe assize pe esper en laplikasyon vini. E de la ki pou al met konsiderasyon ki kriter, ki standar pou aplike. Me sa *platform* pou fer tousala davans.

So, sa dimoun ki pe asize, i nepli bezwen fer sa travay li. I annan lezot keksoz ki nou al fer lo *enforcement and ensuring standards* i ganny aplike dan

loperasyon menm. So, son benefis i o dela. Se zis sa platform li menm. Mersi Mr Chair.

MR DEPUTY SPEAKER

I ti le konnen kan apeare zot pe mazin sa sistenm i kapab vin *online*?

PS MICHAEL NALLETAMBY

Nou ti pe antisipe ki *by second quarter*, lafen *second quarter* 2024 sa platform si tou keksoz i mars byen. Mersi.

MR DEPUTY SPEAKER

Onorab Herminie?

HON WILBERT HERMINIE

Bonzour Mr Chair. Bonzour Minis avek ou *panel*. Mwan mon kestyon i kontiny kot Onorab Pillay in kite. Vre nou bezwen sa *portal*. Napa fason pou nou kapab *increase* nou *ease of doing business* san li. Me selman nou pa pou fer zistis osi si nou pa demann kestyon *around* sa *sum*. Akoz i en *significant* son *amount*.

Akoz osi tou nou annan bann *service provider*, bann dimoun teknik deor isi Sesel, ki ti a kontan partisip dan sa *process*. Prezan mwan mon kestyon, i si ou kapab donn nou en pti pe plis detay. Ou dir koumsa ou'n ganny en

kotasyon. Donn nou sa trwa pli gro sif ladan ki pou fer sa 21 milyon. Sa i enn.

Epi eski ler zot ti pe fer sa resers pou swazir sa *provider*, eski zot in met li *open tender* lo *local market*? Or osi si ti annan *expression of interest of local market*?

Mr Speaker epi osi tou lo *Commonwealth best practice* i dir *equal application of Standing Order* pou tou Manm. Si nou pe *apply Commonwealth best practice*, nou bezwen fer li dan son totalite. Mersi Mr Speaker.

MR DEPUTY SPEAKER

Mon ava envit *panel* pou klarifye ankor lo sa lokasyon 20 milyon. *Panel*?

PS MICHAEL NALLETAMBY

Mersi Mr Chair. Parey mon'n dir pli boner, napa personn ki'n ganny swazir *yet* pou fer sa travay. Sa lendikasyon sa propozisyon ti sorti kot en lakonpanyen ki'n ganny propoz ek nou, anba sa *MOU UAE*. Li ler in ganny propoze, in fer en *proposal* lo kwa dapre nou bann bezwen, kwa ki kapab ganny fer.

E in donn nou en sif an gro. Mon napa tou bann detay. In donn nou en propozisyon en sif an gro, ki'n ariv dan sa anviron 20 milyon ekek Roup

ki nou pe koze. Nou pa ankor swazir okenn - Parey mon ti dir pli boner nou annan *still* ankor travay pou nou fer.

Whether it is sifizan, ouswa i devret bokou pli ba, sa travay aköz nou bann teknisyen menm dan *DICT* ki nou pe travay avek, pa kapab zot osi idantifye sa. So nou pa kapab dir i sifizan ouswa non. Mersi Mr Speaker.

MR DEPUTY SPEAKER

I ti le konnen *what is the three highest component of that project*?

PS MICHAEL NALLETAMBY

MR DEPUTY SPEAKER, malerezman mon pa'n anmenn sa detay ek mwan la. Mon kapab *provide* selman apre.

MR DEPUTY SPEAKER

Mon ava aprezan apel Onorab William.

HON WAVEN WILLIAM

Mersi Mr Chairman. Bonzour Minis avek ou lekip. Mr Chairman, mon ti a kontan refer *Minister to major achievements bullet point number 1*. Epi refer li to dernyen *bullet point* anba *challenges*.

Mon anvi ki Minis i endik avek Lasanble, *out there* letan

ou pe get bann diferan bann distrik bann aplikan, ouswa bann dimoun ki annan lentere pou fer biznes.

Mon vwar poudir nou pe koz en kantite lo *the ease of doing business*. Me selman fransman mon konnen petet pa tou ki tonm anba ou Minister vizavi bann *challenges*.

So, mon anvi konnen letan zot in fer zot bann demars, zot bann evalyasyon enkli bann lezot Lazans. So, *what are the proactive approaches being done right now?* Pou vreman sanz en pti pe *the narrative with regards to the ease of doing business?*

E prezan lo *the bullet of challenges*, mon pe vwar ki i kapab annan bokou bann zenn avek bann nouvo lide la deor. Me selman letan mon vwar ki poudir Gouvernman li menm li i mank ase resours, me mon vwar ki zot pe dir ki zot mank sipor avek bann sekter prive oubyen bann lezot lazans, pou ed siport sa bann *new startups*.

So eski zot in fer en letid, ouswa zot in fer en *meeting* avek bann diferan parterner? Pou vwar si zot bezwen petet al donn en pti pe lankourazman an term bann *scheme*. Mon pa konnen. Zis pou kapab ankouraz sekter prive?

Akoz si keksoz pa sanze mon santi poudir nou pou zis koze, me selman *the action* li menm li pou kapab;- enn, pous Sesel pli devan avek bann nouvo lide, ki bann zenn i annan la deor - antreprenner.

So mon santi poudir be nou nou pou *lag behind*. So, *what are the proactive approaches* ouswa zot pe mazine la pou zot vin avek devan? Mersi.

MR DEPUTY SPEAKER

Mon ava envit panel pou en larepons.

MINISTER DEVIKA VIDOT

Mersi Mr Chair. Mersi Onorab pou kestyon. Onorab, wi, nou konstate poudir sa i en defi. E en pti pe parey mon ti eksplik lot Manm Onorab en pti pe pli boner. Letan i annan bann nide biznes ki nouvo - inovativ.

E napa en kad ki'n deza met an plas, ki deza an plas pou sa bann dimoun kapab fer sa bann biznes. Nou vwar poudir nou mank sa kolaborasyon avek bann lazans ki konsernen, pou zot kapab dir *ok* annou vwar ki mannyer sa i kapab al pli devan.

So alor ki nou'n fer, nou pe travay lo en kad legal, ki pou apel en *provisional license framework*. E kot sa i ava donn

sa posibilite pou sa biznes ganny evalye vitman. E malgre i pou napa en *license* spesifik, me i a kapab fer sa aktivite antretan ki lenstriksyon ava ganny donnen avek sa nenport lazans konsernen.

Pou dir li be travay lo en kad legal pou kapab siport sa aktivite. Me pou le moman dan lenterim, sa biznes pou kapab kontinyen sa *provisional license*. Mersi.

MR DEPUTY SPEAKER

Mon ava envit Onorab Loze.

HON JOHAN LOZE

Mersi Mr Speaker. Minis, Sesel *we are typical case of an insular economy*. Lamazorite nou aktivite ekonomik i pran plas antre nou menm. Nou *trade* antre nou, ki pa vreman en faktè determinen pou anmenn growth ekonomik dan pei.

Prezan ou'n sit de letid ki'n ganny fer. E apre ou'n eksplike konmkwa ki sa lendistri ki sa de letid in targete, i pou plito *import substitution*. Prezan mwan Minis mon kestyon i vin lo kestyon letid stratezi e bann prozeksyon ou Minister, *post COVID* eski zot in anvizaze fer okenn letid, pou determin Polisi pou ava gid bann Seselwa pou antre dan

hard currency earning industries.

Potansyel, direksyon. Akoz nou tou nou konnen avek *COVID the economic meltdown* ki'n arive. So, ou pou pous nou dan en direksyon kot nou pe *trade* pa zis antre nou, Me pou anmenn plis *hard currency earnings* dan pei. So eski zot in annan okenn panse dan sa bann direksyon?

Mr Speaker, be *Commonwealth best practice* Loze i ganny *drag lo Floor* li ler pou disiplin. *LDS* zot disiplin trankil antre zot laba dan en kwen. Personn pa konnen pa tande pa trouve. Sa *Commonwealth best practice*. Mersi.

MR DEPUTY SPEAKER

Mon ava envit *panel* pou reponn son de kestyon silvouple. Mersi.

MINISTER DEVIKA VIDOT

Mersi Mr Chair. Mersi Onorab pou kestyon. Onorab, zisteman wi letid ki'n ganny fer in demontre antre dan sa bann sektè pou ede avek *import substitution*. Me osi pou siport diversifikasyon bann lezot sektè ki nou pe met bokou lanfaz lo la. E ki deza nou *mainstay of the economy*. E se *Tourism*.

So an devlopan sa bann sektè, nou ava kapab osi entegre lo avek Sektè Tourizim. Me si nou pe koz diversifikasyon nou regard li en pe otreman. So, i pou annan benefis dan tou le de kote. Pou ede *currently* avek ki mannyer lekonomi i ete. An term sipòrt lekonomi Tourizim.

Me osi byen i pou ede avek *import substitution*. Pou idantifye bann lezot sektè kot nou kapab *earn hard currency* parey ou'n dir, travay ki nou'n fer se atraver nou *Investor Map*. Nou *SDG Investor Map*, kot nou'n fer bokou analiz.

Bokou konsiltasyon, in ganny fer par bann teknisyen, kot la nou'n kapab idantifye. So nou'n ganny nou en *blueprint* ki nou kapab swiv kot bann sektè in ganny idantifye.

E la prezan anba Minister, i annan Lazans konsènen ki zot zot responsabilite se *market* sa bann *investment opportunity areas*. So, *market* sa bann landrwa, swa sa bann sektè kot i annan potansyel. E ou a kapab demann bokou plis keston pli tar letan *SIB* i vin devan Lasanble. Mersi.

MR DEPUTY SPEAKER

Ou annan klarifikasyon Onorab?

HON JOHAN LOZE

Minister, mon konnen ou'n dir mwan *SIB* i ava vin pli tar. Be selman ki mon ti pepanse. Si mon kapab met devan ou deza, *SIB* i fer – dan lefase mon pa konnen si zot in fer bann *investor forums*, kot zot ale aletranze. Be nou pa'n zanmen fer enn. Nou'n deza fer lokalman. Be nou pa'n zanmen deza fer enn lokalman pou bann antreprenè, *small, medium sized entrepreneurs*. E kot la ou dir mon ou deza annan en plan program en *Investor Map*.

So, mon pe mazine si posibelman nou kapab fer en *forum* rakle zot tou *in a room*. Bann ki enterese ki kapab. Sertenman ki kapab - ki annan mwayen ki son labank pou finans li. Rakle zot. E la zot devwal loportinite ki annan. Ou pa pou kapab fors en dimoun sezi loportinite.

Be selman met a la porte. Kominike. Koumsa apre person pa kapab dir ou Minister pa'n dir zot ki annan, apre ki napa. So si en tel keksoz koumsa i posib, mon krwar i ava ede pou nou pous nou kannot en pti pe pli devan. Mersi.

MR DEPUTY SPEAKER

Minister, ou le reponn lo la?

MINISTER DEVIKA VIDOT

Wi. Totalman dakor Onorab. Mersi bokou. E si mon pa tronpe, sa i form parti plan *marketing* pou *SIB* pou lannen ki pe vini. Mersi bokou.

MR DEPUTY SPEAKER

Mon annan de keston ki konsern bann zabitan Mont Buxton. Premye i konsern diversifikasyon ekonomik. Mon anvi demann *panel* si i annan lespas dan zot Bidze, pou konsider konman en priyore stratezik pou travay avek bann investiser ki anvi al dan en *area* diversifikasyon lekonomi.

Swa kannel, lavannir, dimyel, lenportasyon lalkol. Pou travay avek en investiser spesifik, konman dizon en proze. E pou vwar ki mannyer zot kapab akonpany en dimoun e apre servi sa konman en *benchmark*. Pou dir vwala kwa ki marse, ouswa swa ki pa kapab marse. Sa i mon premye. Pou idantifye investiser pou travay avek li lo en proze spesifik.

E mon dezyenm pwen, konsernan bann lezot loportinite lenvestisman. Eski zot annan lespas dan zot Bidze, pou konsider konman en priyore stratezik pou

investigate bann *other forms of investment?*

Akoz i annan dimoun Sesel ki annan kapital, ki pa le neserman met dan *savings*, ouswa dan *bonds* ouswa dan *shares*. Me i kapab investir dan bann pti biznes konman nou vwar *Dragons' Den* en proze koumsa. Eski i annan lespas dan zot priyore stratezik pou konsider sa? Mersi.

MINISTER DEVIKA VIDOT

Mersi Mr Chair. Premye parti ou keston ouswa propozisyon, i enn ki mon krwar i fer bokou sans. Annan de fwa nou bezwen servi nou en proze pilot, pou nou kapab vwar si en keksoz pe marse. E zisteman i annan deza en *industry player* ki nou travay etrwatman avek.

E kot an mezir i pe ale, nou pe regard son bann *challenges* e nou pe sey siport li o maksimonm. Pou li kapab devlop son biznes. e zisteman nou annan en lot osi ki nou'n idantifye ki annan bokou potansyel. E nou pe al konmans travay ek li pou fer sa.

So definitivman. Me selman pou nenport lezot dimoun ki annan okenn lentere, laport ouver se atraver *SIB*. So zis les zot bann lentere konnen kot *SIB* e la zot ava

ganny ransennyman
konsernen.

Lo kote bann lezot form finansman. Definitivman i annan serten travay ki nou pou fer lannen prosenn, kot nou pou rakle bann – nou pou rod bann dimoun ki nou konnen i annan abilite pou zot donn finansman.

E nou'n konmanse deza kot nou pe esey donn *training* bann *startups* pou zot kapab *market* zot bann nide osi. Akoz sa osi dan li menm i vin en *skill*. Ki manner ou pou *pitch* ou bann nide.

Ou kapab konvenk en *investor* ki sa ki ou annan, sa ki ou pe vin avek i en keksoz ki pou anmenn larzan. E alor ki sa dimoun i kapab antre partner dan biznes. So tousala i dan nou plan. Mersi.

MR DEPUTY SPEAKER

Mersi *Minister*. In ariv ler aprezan pou nou pran en vot lo alokasyon *Ministry of Investment, Entrepreneurship Industry* ki trouve lo pas 511 a 519, pou en sonm 37 milyon R182 mil. Mon demann tou bann Manm ki an faver pou endike silvouple? Mersi.

Mon ti ava demann pou nou pa kont vot Lopozisyon akoz nou pa pran vot an debout. Mersi. Okenn Manm ki

kont? Mersi. Vot lo *Ministry of Investment Entrepreneurship and Industry* pou en sonm 37 milyon R182, i annan 24 Manm ki'n vot an faver.

1 Manm in *abstain*. E okenn Manm pa'n vot kont. Donk sa vot in pase.

E zis avan nou pran *break* nou pou rebran 11er. Mon ava remersi panel ki'n zwenn nou bomaten. E bann zofisye ki'n la dirize par Minis pou *Investment Entrepreneurship and Industry* Minis Devika. Mon panse ki Mrs Sherley Marie pe reste pou lot sesyon. Me mon krwar Madanm Rouillon pe reste li osi? Li i pe ale. Nou ava dir li bonn kontinyasyon lazournen. E nou ava remersi zot pou partisipasyon.

Avan mon *adjourn* mon le zis rapel Lasanble ki anba *Order 8* i dir *authority of presiding officers during proceeding*. E *Order 8(5)* i dir desizyon Speaker ouswa Deputy Speaker lo en *point of order shall be final*.

Nou'n vwar en *pattern* par Lopozisyon depi bomaten pou demann 2 kestyon. Apre trwazyenm pwen se pou ensilte mwan. Zot kapab kontinyen fer sa manner zot anvi. I pa fer mwan nanryen.

Mon konnen zot annan en rankin avek en laenn kont

mwan personnelman Gervais Henrie.

(APPLAUSE)

MR DEPUTY SPEAKER

E mon pou kontinyen demann kestyon lo bann *headings* letan i konsern mon distrik. E zot kapab *walk out* ki manner zot anvi i pa fer mwan ouswa travay Lasanble nanryen. Mersi. Nou *adjourn*. Nou re zwenn 11er.

(BREAK)

MR DEPUTY SPEAKER

Welcome back tou dimoun. Nou kontinyen dan nou Staz Komite *Appropriation Bill, 2024*. Prosen antite ki nou pou egzamin son Bidze se *Seychelles Investment Board* ki trouve lo paz 541 a 547. Nou ava demann madanm *parliamentary reporter* pou apel *panel* silvouple. Onorab Pillay.

HON SEBASTIEN PILLAY

Bonzour ankor en fwa Mr Chairman. Mr Chairman, mon ti kontan demann ou lendilzans, vi ki nou *Standing Order* i silans lo sa size. Me mon'n regard *MacGee's Parliamentary practice* ki en *reference document* an se ki

konsern pratik parlamanter, sorti *New Zealand*.

E ou'n fer referans avek sa dokiman yer. Mon ti a kontan ou permisyon pou fer en komanter, san ki mon anmenn okenn largiman *as a means of a personal explanation*.

MR DEPUTY SPEAKER

Non, mon pa pou permet ou fer sa aköz sa i ti en *ruling* ki mon ti bezwen fer lo en kestyon –

HON SEBASTIEN PILLAY

Pa lo *ruling* Mr Speaker.

MR DEPUTY SPEAKER

... partisipasyon Deputy Speaker dan –

HON SEBASTIEN PILLAY

Pa lo *ruling* Mr Chairman.

MR DEPUTY SPEAKER

Non. letan mon pe koze silvouple ekout mwan. So, mon pa pou permet annan en deba pandan *Committee Stage* lo sa size. I reste – *panel please take your seats*. I reste prerogativ *ABC*. I reste prerogativ *the Assembly, the Council* pou diskit sa size. Selman Onorab ou ti dan sizyenm Lasanble zanmen ou'n lev en *issue* letan Onorab Prea ti dan sez e demann kestyon lo Bel Ombre.

Akoz ek mwan Gervais Henrie ou annan problemn ki mon demann kestyon pou Mont Buxton? *This is your problem.* Ou problemn i avek mwan Gervais Henrie! Ou pa ti fer avek Onorab Prea. *So, what is the difference?*

HON SEBASTIEN PILLAY

Mr Chairman, mon le met lo rikord ki a de repriz, mon'n ganny met deor dan Lasanble Nasyonal, dan sizyenm Lasanble. Ou kapab regard rikord. En fwa avek Speaker Pillay. En fwa avek Speaker Prea.

MR DEPUTY SPEAKER

Wi, be napa nanryen pou fer avek Deputy Speaker pe demann –

HON SEBASTIEN PILLAY

Lo menm size ki *Chair* pe demann kestyon. I mon pozisyon toultan. E mon'n ganny pini plizyer fwa pou sa. E mwan mon *maintain* ki si nou sanz sa pratik, demen i pa ou ki pou dan *Chair*. Demen i kapab en lot Speaker. I kapab en lot Deputy Speaker e i kapab servi son pozisyon pou abiz son pouwar.

Se pou sa rezon ki nou nou baz la lo sa baz. Me selman

mon *refute*. Mon *refute* Mr Chairman –

MR DEPUTY SPEAKER

Onorab, tan ki –

HON SEBASTIEN PILLAY

... avek ou permisyon, mon *refute* - mon *refute* sa komanter ki ou dir sa i annan pou fer avek laenn *towards* ou.

(Interruptions)

HON SEBASTIEN PILLAY

Mr Chairman ou -

MR DEPUTY SPEAKER

Mwan mon pou mentenir ou *Caucus* dirize par ou, i annan en rankin ek en laenn kont mwan personnelman Gervais Henrie. Nou fini lo sa pwen.

SEYCHELLES INVESTMENT BOARD

MR DEPUTY SPEAKER

Mon *welcome panel* ki devan nou. Touzour dirize par Minis pou Lenvestisman *Entrepreneurship and Industry*, Madanm Devika Vidot.

E nou ava osi *welcome* Mrs Anne Rosette ki *Chief Executive Officer Seychelles Investment Board*; Mr Lenny Gabriel *Deputy Chief Executive*

Officer Investment Board. E Mrs Shirley Marie ki *Financial Controller* i lo *side table*.

E nou touzour annan le de zofisyé Minister Finans avek nou *Deputy Comptroller General* Mr Commettant avek *Senior Finance Analyst* Manmzel Adrienne. E parey labitid Minisi fer lentrodiksyon e apre nou ouver lasal pou enteraksyon avek bann Manm. *Proceed* Minister.

MINISTER DEVIKA VIDOT

Mersi Mr Chair. Pou lannen 2024 *Board* Lenvestisman Sesel (*SIB*) in ganny li en Bidze total environ R10.3 milyon. Sa i reprezant en logmantasyon environ R1 milyon ouswa 10poursan konpare avek Bidze 2023.

SIB in reprioritiz son bann depans e nou pou vwar ki environ R300 mil in ganny reprioritize. Pou al dan bann depans tel parey *adverts in donation, printing and stationery*. E avek sa bann rediksyon, *SIB* in plito met larzan dan kad promosyon.

Alor environ R400 mil in osi ganny bidzete dan *travel* ek transportasyon. E sa set aköz *SIB* i annan bann plan pou zot egzékite. Ki swa lokal ouswa enternasyonal.

Manda *SIB* i zve en rol kle dan lenvestisman e lanvironnman biznes Sesel. E alor nou pe demann laprouvasyon sa Lasanble, pou aprouv zot Bidze pou lannen 2024, 2025, 2026. Mersi.

MR DEPUTY SPEAKER

Mersi *Minister*. Lasal prezan i ouver pou lenteraksyon avek bann Manm. Onorab Lemiel?

HON SYLVANNE LEMIEL

Mersi Mr Chair. Bonzour ankor en fwa Minis avek ou nouvo delegasyon sorti *SIB*. Mr Chair, selman mon annan en pti keksoz mon le dir ou avan. Mon form parti *Caucus* e mon le fer ou konnen poudir mon napa laenn kont personn. Ni kont ou. Ni kont okenn personn! Mersi.

Mon kestyon, *Seychelles Investment Board* nou vwar lo promosyon avek *events SP1 - other uses of goods and services* anba *facilities for events* in sorti 141 mil pou vin R450 mil. E sa i en logmantasyon.

E letan mon dan sa laliny Mr Chair, mon ti a kontan demande, mon panse ki sa *increase*, petet in vin aköz sa zafer kot enn dan zot priyore stratezik, ti annan en zafer - zot le fer en renouvelman langazman avek bann distrik.

Mon konnen *SIB* zot ti'n anvoy – Anse Royale i enn, kot zot ti'n anvoy bann dimoun, pou vini demann nou kestyon lo kote an sa ki konsern bann *specific areas*. Kot bann dimoun i kapab fer biznes.

Petet ki zot plan an 2024 pou zot kontinyen avek sa legzersis? E ziska ozordi Mr Chair, mon ti a kontan konnen ki zot in *achieve* avek bann ki zot in fini fer. Ki kantite distrik ki zot in touse? E kwa ki zot in kapab *achieve*? E ki dan zot plan pou zot al fer pou sa bann distrik ki'n fini fer sa legzersis? Mersi.

MR DEPUTY SPEAKER

Mersi Onorab. Mon ava envit *panel* pou en larepons.

CEO ANNE ROSETTE

Bonzour Mr Chair. Bonzour tou Onorab. Bonzour tou dimoun a lekout. Bonzour Onorab. Mersi pou kestyon. I vreman pertinan. Akoz i en keksoz ki nou'n travay en kantite lo la. Me selman lannen pase vi ki nou ti annan konstren bidzeter, nou pa ti kapab egzekit sa bann plan distrik.

Epi nou annan osi bann *challenges*. E nou bann *challenges* i vizavi akoz e bokou sa bann proze i depan lo lespas.

E nou'n ganny bokou *challenge* pou nou kapab vwar e rod lespas, pou nou kapab ed sa bann proze ganny realize. Se pou kwa mon krwar Minister i annan en plan avek Minister Later, pou rod en solisyon pou nou problem lespas.

Annefe pou pa tou nasyonal, i en *challenge* nasyonal. So, sa i en keksoz ki o nivo nasyonal i annan bann travay ki pe ganny fer. I annan osi bann lespas ki bann dimoun ti'n idantifye, me i tonm dan ki nou apel domenn piblik.

E sa i annan en travay ki AG pe fer avek *MLH*, pou vwar ki mannyer nou pou kapab *use* sa bann lespas. Ki i kapab ganny servi, me selman pou le moman i pa apartir pou *GOS* ni pou en antite, ni pou person. I dan domenn piblik.

E nou konnen domenn piblik i annan en akt ki i koz lo la. So, ou bezwen vwar ki mannyer nou pou refer sa. Konsernan sa bann aksyon nou'n fini met nou plan. Nou deza annan en *plan of action*.

Nou pa ti kapab fer li sa lannen osi akoz nou ti pe travay lo sa *Investor Map*. E sa *Investor Map* i bezwen anliny osi avek nou bann program dan distrik.

Nou pa kapab pe fer en keksoz dan distrik, me selman

lo nivo nasyonal nou pe dir en lot keksoz. So nou bann stratezi lo nivo nasyonal, i bezwen pe adapte avek sa ki nou pe promouvwar dan distrik, pou fer sir ki nou anliny.

E ler nou ti lans *Investor Map* an Zilyet, nou'n la prezan, met larzan dan Bidze pou 2024. Pou nou kapab fer bann aktivite promosyon. Sa sonm i eleve parey ou vwar akoz i annan osi – nou'n kalkil en *Investor Fair* lokal, zisteman ki nou pou fer lannen prosenn an Zen. Ansanm avek Komite Nasyonal pou aktivite nasyonal. Mersi.

MR DEPUTY SPEAKER

Ou annan klarifikasyon?

HON SYLVANNE LEMIEL

Mr Chair, konbyen distrik zot ti'n fini fer swa legzersis mon ti'n demande? Mersi.

CEO ANNE ROSETTE

Nou'n fini fer dan tou distrik. Ler mon ti vini lannen pase ti reste zis en distrik ki nou pa ti ankor terminen avek. E mon ti dir mon krwar. Me la nou'n fini fer tou. Mersi.

MR DEPUTY SPEAKER

Mersi *panel*. Mon ava kriy Onorab Labrosse.

HON RICHARD LABROSSE

Mersi Mr Deputy Speaker. Mon ti a kontan dir bonzour tou mon bann koleg Manm isi prezan. Tou travayer Lasanble. Tou dimoun ki a lekout e Minis avek ou delegasyon.

Mr Deputy Speaker, mon ti a kontan osi afirm mon sipor avek Minis ki mon vwar ki en zenn dimoun ki pe fer en travay remarkab pou pei. E pou Sesel an zeneral kontinyen sa bon travay Minis.

Minis prezan mon kestyon pou *SIB* ki mwan mon anvi konn en pti pe plis lo *SIB*. Ler mon ekout *CEO* donn en pti kontrandi la. Mon vwar ki zot *main* larzan osi, zot *main* depans ki zot fer, zot plizoumwenn pe al dan promosyon.

E mon ti a kontan konnen, eski *SIB* i annan en fason ki zot in mezire, pou zot konnen ki kantite reveni ki zot promosyon i anmennen pou pei? E dan lekonomi li menm? Mersi Mr Speaker.

MR DEPUTY SPEAKER

Mon ava envit *panel* pou larepons pou sa size.

CEO OFFICER ANNE ROSETTE

Mersi Onorab pou ou kestyon. Wi, nou annan bann *KPIs* ki

manner nou mezire ki nou pe fer. De sa *KPI* e enn i konsernan nou *reach* avek nou bann promosyon ki nou pe fer. nou servi bann analis lo nou sif nimerik. Nou bann sif sosyal. *Feedback* ki nou gannyen avek bann dimoun ki enterakte ek nou. E osi nou mezir *FDI* ki antre dan pei. Mersi.

MR DEPUTY SPEAKER

Ou annan klarifikasyon lo la?

HON RICHARD LABROSSE

Wi Mr Speaker, en pti klarifikasyon. *CEO* eski kekfwa dan ou lespri la oubyen kek dokiman ki annan ek ou. Eski ou annan apepre kekfwa kantite larzan ki I antre dan lekonomi pei apepre? Briyevman. Mersi Mr Speaker.

CEO ANNE ROSETTE

Wi Onorab, mersi pou kestyon. Lannen pase nou *FDI* ti apepre 244 milyon *USD*. Sa lannen nou pe anvizaze ek en *forecast* 294 milyon *USD*.

MR DEPUTY SPEAKER

Mon ava envit aprezan Onorab Vidot.

HON AUDREY VIDOT

Mersi Mr Chairman. *Welcome* nouvo *panel* ki la. Mr Chairman, mon note ki i ok

ankor en fwa pou annan en pwa de mezir ler ou dan sa Sez, kot i konsern alegasyon anver nou kote.

Mon kestyon pou *panel* i baze lo repons ki ou'n donner pou kestyon Onorab Lemiel, mon ti anvi konnen prenon kont ki *Local Government* resaman, zot ancor pe fer bann sanzman bann *DAs*.

E nou pe vwar nouvo ki pe antre. E nouvo ki antre osi li osi i annan son nouvo plan. Ki manner zot pou kapab byensir avek zot Bidze ki zot pe gannyen, pou kapab annan sa enplimantasyon ki zot pa'n kapab fer sa lannen. - me pou lannen prosenn - an referans avek sa travay entans ki zot ti fer avek lotorite bann distrik avan. Kot i konsern bann lentansyon, bann potansyel biznes ki kapab ganny fer dan bann distrik.

Ki manner zot pou vwar zot pou zot kapab *adjust* avek sa bann sityasyon? Oubyen zot pou kontinyen *focus* lo travay ki zot in deza fini fer. Me apre gradyelman vwar ki manner zot pou kapab *liaise* avek bann nouvo ki'n antre? *Thank you*.

MR DEPUTY SPEAKER

Mon a envit *panel* pou donn en larepons.

CEO ANNE ROSETTE

Mersi Mr Chair. Onorab, mersi pou kestyon. I en bon klarifikasyon ki nou bezwen fer, akoz si i annan bann sanzman ki pe arive, i o dela ki nou bezwen avek sa bann reprezantan distrik, si nou bezwen re adapte. Akoz *obviously* se en keksoz ki nou'n fer sa travay nou ti fer li 2022. E la nou 2024. *Obviously, it is a dynamic* sityasyon.

Nou'n konnen apre *COVID* ti annan bokou sanzman. Bokou dimoun ki ti anvi antre dan biznes. E la nou'n remarke ki i annan en pe – konmsi in *relax* en pe. Akoz bann dimoun ti pe re servi sa loportinite pou re antre dan biznes.

So nou bezwen vwar egzakteman. I vedir ki sa bann dimoun ki nouvo la, nou a bezwen asiz ek zot pou re vwar si sa plan i ankor adapte ek sa ki zot, zot pe panse. Si nou bezwen re aziste. Mersi.

MR DEPUTY SPEAKER

Nou ava pas lo lot kestyon. E sa se Onorab Mondon.

HON TERENCE MONDON

Mersi Mr Chair. Minis, mon rekonnet zefor ki zot pe fer pou re pozisyonn *SIB* pou li pli byen delivre lo zot manda. E vin pli kler, pli vizib dan zot rol.

SIB in fer resorti ki i annan en mank partisipasyon Seselwa, ler zot fer en demann pou pozisyon, ouswa pou en lekspresyon lentere. E sa i enn zot defi. Mon kestyon, eski *SIB* i kapab partaz en pe *statistics* lo partisipasyon Seselwa lo sa size?

Eski zot in fer analiz pou idantifye baryer ki egziste? E ki zot in konstate an zeneral. E an menm tan mon dezyenm laliny kestyon, mon mazine i annan en lyen ant partisipasyon avek finansman.

Ki posibilite pou Seselwa akse finansman pli favorab dan en lot pei - en legzanp *UAE*. E eski *SIB* i ankouraz bann linisyativ parey? Mersi Mr Chair.

MR DEPUTY SPEAKER

Mon ava envit *panel* pou en larepons.

CEO ANNE ROSETTE

Mersi Mr Chair. Mersi Onorab. Wi, Onorab nou fer en kantite finansman lentere e *tender*. E nou'n vwar pou bann pli pti proze, wi, ou ganny partisipasyon. Epi i annan dimoun osi ki zot kolekte dokiman, me solman apre zot pa retroun avek. Oubyen zot dir ou zot pa'n konpran - sa pa zot lentansyon.

So pou bann proze ki nou fer par egzanp nou fer *tender* Cote D'or Praslin, nou'n ganny Seselwa. Nou'n fer *tender* pou bann proze nasyonal. Dan tou sa bann nou'n ganny partisipasyon Seselwa.

Bann gro proze, bann ki pli gro sonm parey dan Victoria ... nou konnen i annan bann parti ki enkli en gro sonm.

Ou gannyen ek tou lede, Seselwa ek etranze. Seselwa i enterese pou antre dan aktivite biznes. I annan bann konstren parey ou'n leve. Konstren kredi, epi konstren *obviously* pou zot kapab demontre si zot aktivite pou rantab oubyen pou fezab.

Ki nou pe fer ek Minister. Minis mon krwar in koz lo la detrwa fwa dan medya. Nou pe annan bann sesyon avek bann labank, Lasosyasyon Labank avek labank -*Central Bank*, pou gete kan mannyer nou kapab met tou sa sityasyon, kot nou pe dir nou pe koz lo la tou lazournen ki annan kredi.

So nou'n *set up* trwa rezolisyon ki nou pe travay avek labank. Bann labank avek. Enn se pou marye lekspektasyon bann labank. Akoz nou konnen bann labank. Zot annan en kantite *requirement* ler dimoun i vin kot zot pou *apply* en *loan*.

Epi kan mannyer nou ed bann kliyan kapab depoz bann laplikasyon ki lafen dizour zot pou kapab ganny en sikse lo la. So, sa i en travay. Lo lot kote nou annan en travay rikord kredi.

So pou bann kliyan, *understand* ki ou kredi i enportan, i zis parey ou *manage* tou lezot keksoz. Ou lasante ou bezwen *manage* ou kredi as well. I bezwen en *healthy look of your credit*, so pou gete ki bann keksoz ki zot bezwen fer ki bann labank i demande.

Akoz labank i annan serten spesifik keksoz ki zot rode, ler zot pe *asses* en ka laplikasyon. Epi osi kou kapital. Kan mannyer nou kapab rod bann lezot modalite *lending*. Ki pa neseserman *loan from the bank*. Me bann lezot kalite fason pou ou ganny *debt against your business*. Mersi.

MR DEPUTY SPEAKER

Ou annan klarite?

HON TERENCE MONDON

Mersi Mr Chair. I annan sa konponan akse finansman lo enternasyonal. Parey mon'n donn legzanp *UAE*, ki bann posibilite i egziste? Mersi.

MR DEPUTY SPEAKER

Panel.

CEO ANNE ROSETTE

Mersi Mr Chair, Mersi Onorab. *Sorry* mon pa'n reponn sa bout. I annan en kantite Seselwa ki al rod kredi aletranze. Akoz zot dir ou zot ganny *rate* pli favorab ki zot gannyen Sesel.

Gouvernman i annan en fason ki ed bann bann dimoun anver finansman. Nou annan *Seeds Capital* ki la e Gouvernman i *back up*. Epi nou annan osi bann *loan* avek *DBS* atraver bann *incentive scheme*. Bann *financing scheme*. Parey *Blue fund* oubyen *green bond* oubyen bann lezot.

Bann lagrikiltir ki zot gannyen osi. So nou pa ankor aborde sa fason ki mannyer Gouvernan i antre dan finansman aletranze.

I en keksoz ki nou pe asize nou pe mazin lo la. Nou pe diskite. Me nou pa ankor ariv lo okenn diskisyon konkret. Mersi.

MR DEPUTY SPEAKER

Onorab Cosgrow.

HON WALLACE COSGROW

Mersi Mr Chair. Bonzour tou bann Manm *SIB* ki fek zwenn nou. Minis, boner nou'n ganny antretyen avek staf ou Departman. Nou'n koz en pti pe lo par egzanp sa platform, ki zot

anvizaze entrodwir pou fasilitasyon biznes.

Prezan i annan *SIB* ki li i en fasilitater pou bann dimoun ki anvi investir, e *SIB* li i sa pwen kontak kot sa investiser i vini e i met son proze devan. E *SIB* i fasilite li, pou dan diferan landrwa pou al ganny bann diferan *approvals and all*.

So eski zot in fer petet en letid, ouswa en pti rekonsilyasyon pou vwar ki kantite letan i pran, *from the time* ki en *investor* i vini avek en *project proposal*, met devan *SIB* apre ki in pas dan tou bann diferan landrwa ki annan pou pase. Ki kantite letan i pran pou sa *project proposal* ouswa sa *business idea* ki vin avek vin en realite, vin en biznes lo teren Sesel?

Si zot in fer en pti legzersis pou vwar *on average* kantite letan i pran. Byensir i depan lo groser proze ki kalite biznes. Me selman *on average* ki kantite letan i pran pou en dimoun kapab met en *business idea* ater e fer li marse? Mersi.

MR DEPUTY SPEAKER

Mon envit *panel* pou donn larepons.

MINISTER DEVIKA VIDOT

Thank you. Mersi Mr Chair. Mersi Onorab pou kestyon. So

zis pou mwan eksplike Onorab, lo kote sa *portal* kekfwa i ava ed nou pou kapab ganny larepons ou kestyon.

So letan nou ti pran desizyon ki *digitalization, digitalizing*, nou bann servis ki Gouvernman i ofer avek biznes i bezwen ganny en solisyon nimerik. E sa ti en bann keksoz premye ki nou ti decide letan nou siny *MOU* avek *UAE*, pou dir – e zot ti enform nou poudir sa i en *area* ki zot kapab siport nou bokou ladan. So tou deswit sa lakonpanyen ki zot ti propoze nou'n travay avek, ti vin isi. Ti fer en letid.

E dela zot in fer sa ki ou apel en *scoping*. So, zot in idantifye. Zot in asize avek tou bann lazans konsernen prensipalman *SIB* avek Lazans ki tonm anba mon Minister. Spesyalman *SIB, SLA*. E zot in pran sa bann statistik, zot in fer sa letid. Zot in regarde kantite letan ki pran.

E *CEO* a kapab partaz avek ou statistik egzakt. E an menm tan zot pa'n aret la. Zot in osi abord lo kote par egzanp *Registrar of companies*. E la zot in pran lenformasyon. Zot in fer *interviews* avek *Registrar*. Nou'n fer *meeting* avek zot. Nou'n fer sesyon. Bann *working sessions* avek *Registrar*; avek Departman

Lanplwa. Avek Departman Imigrasyon. Avek Departman *Planning*. So tou sa bann servis ki nou konnen poudir biznes i servi en kantite.

Bann servis ki Gouvernman i ofer. E zot in bezwen *map out the existing system* ki mannyer i ete. E apre nou'n travay lo *proposed improvement*.

So sakenn Lazans in bezwen asize pou dir be ok mwan mon krwar poudir mon kapab fer li sorti 20 zour pou vin 5 zour. Mon kapab sorti 14 zour pou vin 3 zour.

So, in ariv en seri travay ki'n ganny fer ziska ler – pou nou kapab *build up* sa *portal*. E pou fer resorti poudir sa *portal* i pou ganny *hosted*, ouswa en dimoun pou kapab al lo *website SIB* pou kapab ganny akse avek. Mersi.

MR DEPUTY SPEAKER

Klarifikasyon?

CEO ANNE ROSETTE

Mersi Mr Chair. Mersi Onorab. Mersi Minis. Nou depi avan en bon pe letan *SIB* in deza fer louveraz lo sa dele letan. E ti ganny etabli *as part of the ease of doing business*. Paramet ki bann pti ka nou bezwen fer en fason ki nou redwir e nou *churn it ou as quickly as possible*.

E *obviously* i annan bann gro ka. Bann gro proze. Parey ou konnen i annan bann gro proze lenfrastruktir ki sa i pran en pe letan pou fer sa *scoping* pou sak antite reponn, donn zot larepons. Normalman i kapab pran a 30 zour. 30 zour oubyen plis bann gro proze.

E i osi annan bann proze inovativ. So nou bezwen rod ki manner i antre dan nou bann plan stratejik Gouvernman pou devlopman, si sa i en keksoz ki nou pei i bezwen. E sa i pou en konsiltasyon en pe pli gran. Lo en pli gran lanpler. I kapab annan en seri faz ki nou *go through*.

Be definitivman si ou *case i straight forward*, i pa devret pran plis ki 7/14 zour maksimonm. Mersi.

MR DEPUTY SPEAKER

Mon ava aprezan apel Onorab William.

HON WAVEN WILLIAM

Mersi Mr Chair. Mr Chair, mon ti a kontan dir avek Minis baze lo nou partisipasyon dan *EXPO 2020* ziska konmela. Eski zot kapab – mon pa konnen si zot annan sa lenformasyon avek zot. Zis pou nou konpran en pti pe bann investiser etranze. Si i annan nou'n vreman konmsi ganny en pe sa bann investiser

baze lo sa partisipasyon. Akoz ti en gro levennman.

E ki bann defi ki zot vwar poudir Sesel an relasyon avek bann konpetiter otour nou, ki nou pe fer fas avek, ki petet nou bezwen re vwar en pti pe nou lapros.

Epi anba *current challenges* kot i konsern *World Trade Organization*, mon anvi en pti pe konpran, baze zot in met sa konman enn zot bann *challenges*.

Eski zot krwar poudir sa letan letan Sesel ti fer zot bann komitman pou vin en Manm *WTO*, eski ozordi zot pe vwar poudir i annan sa nesesite pou petet revwar. Akoz si sa – Sesel i en pti lekonomi. E nou konstate son vilnerabilite. An menm tan loportinite pou bann investiser lokal pou kapab antre dan biznes.

So petet enn sa rezon zot met sa konman en *challenge* vizavi bann konplent bann investiser Seselwa. So eski zot pe vwar poudir, i annan sa nesesite pou Sesel *lobby* dan bann forum enternasyonal? Pour ki i annan en rekonsiderasyon ouswa en revizyon vizavi bann komitman?

Akoz sinon nou pou annan en lenpak. Akoz letan ou pe regard *trade* ki manner i pe

ale mondyalman, ou pe vwar petet desizyon ti ganny pran sa letan, ozordi petet relevans i pa vremen *meet* nou kalite lanvironnman fer biznes dan en pti lekonomi. Mersi.

MR DEPUTY SPEAKER

Mon ava envit *panel* pou fer komanter lo sa trwa pwen. *Expo* konpetiter rezyonal avek *WTO*.

MINISTER DEVIKA VIDOT

Mersi Mr Chair. Mersi Onorab, pou ou kestyon. Mr Chair, mon pou abord dezyenm parti kestyon e *CEO* ava abord *outcome EXPO 2020*.

So an se ki konsern *WTO*, wi Onorab, nou fer fas avek konplent sorti kot marse lokal. I annan serten servis ki pe ganny ofer lokalman me selman anba *WTO commitments*, nou'n vwar poudir sa sekter i ouver.

E alor etranze osi i kapab antre dan sa bann servis. E nou'n fer propozisyon wi, avek Departman Komers. Parski zot ki prensipalman responsab pou sa bann tel lagreman.

E larepons ki nou gannyen se ki, i difisil an se moman pou fer li. Parske I annan en posibilite ki letan nou pou al lo lasenn enternasyonal pou al re negosye, i kapab ki i pou annan serten konplikasyon

ki pou vin avek. E i kapab fer sa sityasyon pli grav ki i ete an se moman.

Alor ki nou bezwen fer touzour antretan, se vwar ki bann fason kot nou kapab ankouraz Seselwa pou antre dan sa bann sekter. Mersi.

CEO ANNE ROSETTE

Mersi Minis. Mersi Mr Chair. Mersi Onorab. Lo kestyon *EXPO*, wi, nou annan bann relasyon ki nou ankor kontinyelman travay avek, pou bann proze ki zot anvi fer.

Le problem se ki sa bann investiser, sa bann sekter ki zot anvi antre ladan; par egzanp *sports tourism* osi. Nou annan en pe *challenge* lo nivo ki rezerve pou Seselwa.

So, zot bezwen al dan en fason dan bann *partnerships*. Epi lo en lot nivo bann lezot aktivite vremen dan *tourism* ki pa rezerve pou Seselwa. So nou bezwen travay ansanm.

E en keksoz ki enportan note, mon dir toultan dan bann deliberasyon ki mon fer, nou devret kapab konmans konsidere ki mannyer nou partner, pou nou ganny avek bann *non-Seychellois* pou nou kapab ganny en *transfer of knowledge*.

Pou nou kapab servi zot kapital dan en fason ki nou

devlop biznes Sesel. Akoz nou ptipti e nou bezwen realize presyon aletranze pou zot vin investir Sesel i bokou. Nou ganny en kantite solisitasyon *from external* pou zot vin investir Sesel.

E nou bezwen rod fason pou nou gete ki si sa ki enportan nou nou pei. E pa les nenport keksoz antre. Mersi.

MR DEPUTY SPEAKER

Ti annan en pwen vizavi bann konpetiter rezyonal pou Sesel. *Deputy*.

DEPUTY CHIEF EXECUTIVE OFFICER LENNY GABRIEL

Bonzour Mr Chair. Bonzour Onorab. Lo kote bann dimoun dan bann lezot pei dan larezyon, kot *SIB* ki nou fer, nou annan nou *Unit Market Intelligence* ki tou le *quarter* nou pe *benchmark* nou lekor *against* bann lezot pei, pou gete egzaktaman ki bann propozisyon ki bann lezot pei pe fer.

E osi tou pou nou gete ki zot defayans. E ki nou nou defayans. E ki nou nou bann *strengths*, ki zot zot bann *strengths*. E en keksoz ki ou'n mansyonnen. Ou'n demande ki nou nou pli gro defayans Sesel? E se later pou fer biznes.

MR DEPUTY SPEAKER

Mon ava aprezan envit Onorab Pillay pran son kestyon.

HON SEBASTIEN PILLAY

Mersi Mr Chairman. Bonzour staf sorti kot *SIB*. Mon pe regard ou Bidze i pa en gro Bidze. Me ou travay ki ou fer i ekstrememan enportan. E mon pe sey kapab ganny en larepons petet avek ou.

Mon pe regard sa *year-on-year growth in foreign direct investment* mon pa vreman vwar bann lezot *KPIs* ki ou'n mete dan ou dokiman.

Ou bann *performance indicator* ou pe zis dir nou *percentage year on year growth in FDI*, mon vwar ki ou target an 2023 ti \$209.48 milyon. E ou'n fek reponn kestyon Onorab Mondon. Si mon pa tronpe par dir ki \$244 milyon *year to date*.

Mon ti a kontan ou dir nou, dan ki sekter ki nou'n rikord sa \$240 ekek milyon, anba Bidze pou lenvestisman ki zot in fer promosyon lenvestisman. Dan ki sekter ki'n rikord sa larzan?

E ou'n osi dir anba dan sa menm dokiman, ou'n koz lo lenvestisman dan bann *priority sector in USD by millions*. E ou'n dir poudir an 2023 target sete \$166.43 milyon.

Mon ti a kontan konnen ankò en fwa, konbyen larzan ou'n anmase *across* sa bann *priority sectors*? E lekel sa bann *priority sectors*? Mersi Mr Chairman.

MR DEPUTY SPEAKER

Mon envit panel pou donn en larepons.

CEO ANNE ROSETTE

Mersi Mr Chair. Mersi Onorab. Bann *priority sectors* i plito bann sektè *tourism* parey nou pe dir, servis. Epi nou annan osi sektè *trade* epi sektè konstriksyon. Mersi.

MR DEPUTY SPEAKER

Lot kestyon i se ki dan sa 200 – *the figure was 294 million foreign investors*, lekel sektè ki'n rikòrd plis. Son premye kestyon.

CEO ANNE ROSETTE

Parey mon'n dir Onorab, pli gro sektè i Sektè *Tourism* ladan. Selman mon napa sa egzakt konbyen i ete la. Mon kapab prodwir sa lenformasyon apre.

MR DEPUTY SPEAKER

Ou annan klarifikasyon?

HON SEBASTIEN PILLAY

Mr Chairman, mon le met devan Lasanble ki nou ti fer en

travay anba *Mid-Year Economic outlook*. E nou ti propoz en *supplementary budget based on that*. Mon vwar li mon bezwen dir avek tou respe, i pa akseptab ki mon pa kapab ganny lenformasyon from *SIB*, lo ki bann sektè kot lenvestisman in swadizan ganny fer, kot nou'n anmas sa 200 eke milyon Dolar. Anba sa ki Minister Finans ti dir nou, i annan en seksyon ki koz lo *capital and financial accounts*.

E laba i dir poudir as – mon *quote* “*as traditionally been the case foreign direct investment and transactions under other investment remain the main financing sources of the current account*”.

Savedir se sa ki pe ed nou finans nou *current account*. E pou mwan mon konsernen, ki bann endikater ki Lasanble pe gannyen, ki nou pa pe kapab ganny lenformasyon, lo ki kote sa bann lenvestisman pe ganny fer.

So, mon pou re demann mon kestyon ankò baze lo lenformasyon ki ou'n met dan sa dokiman ki ou'n prezant Lasanble Nasyonal. Kot ou apel sa “*Performance measures for program*.” Ok? Premye *outcome indicator* ou'n dir ou pe rod *percentage year growth in foreign direct investment in USD*.

Ou target an 2023 ti \$209.4 milyon. Ou'n dir ou'n anmas \$294 – 244 milyon. Mon le konnen - donn mwan en *breakdown* kote sa larzan in antre dan sekter?

Zot devret kapab dir mwan. Si ou pa kapab Minister Finans i devret kapab dir mwan, kote sa larzan in antre. Akor Minister Finans ki'n dir mwan poudir sa pe finans dan *current account*.

Dezyenmman Mr Chairman, mon le konnen an relasyon avek bann *priority sectors*. Mon konnen sa bann *priority sectors*. Mon'n dan Lasanble en pe letan mwan. Be mwan mon le ou dir mwan ou konman *SIB*, lefe ki ou pe reponn kestyon dan Lasanble, konbyen larzan i annan across sa bann *priority sectors*, pou nou vwar si i pe fer sans in terms of Bidze ki nou pe mete pou promosyon lenvestisman.

Oubyen nou devret pe met plis larzan. Mr Chairman, mon ti a kontan ganny sa bann presizyon. Akoz mon krwar Gouvernman i devret kapab *provide* Lasanble avek sa bann statistik. Mersi Mr Chairman.

MR DEPUTY SPEAKER

Mon ava envit *panel* pou donn klarite lo sa de pwen.

CEO ANNE ROSETTE

Mersi Mr Chair. Mersi Onorab. Onorab parey nou'n dir, sa trwa sekter ki mon'n dir ou me primordyalman Sekter *Tourism*. *The figure again* Sekter *Tourism* mon napa la avek mwan. Ler mon ava donn ou, apre ki nou'n sorti la, nou a fer li ganny donner dan Lasanble *breakdown*. Mersi.

HON SEBASTIEN PILLAY

Mr Chairman, konman en Manm Lasanble mon pe vot lo Bidze. E mon pe vot lo Bidze baze lo lenformasyon e lendikasyon ki Minister Finans i donn mwan. Mon vwar li inakseptab ki en Minister Finans e *SIB* pa kapab *provide* mwan ek sa lenformasyon ki mon bezwen.

Akoz Minister Finans ki'n dir mwan *the assumption* ki mon pe vot Bidze lo la; macro *economic assumption* ki mon pe fer, se ki nou *current account is being funded by* sa bann *FDI*. So mon le konnen kote sa bann *FDI* i ete? Si vreman zot egziste?

Oubyen si eski nou Bidze pe ganny *funded* par *grants* ki nou pe konsider konman *FDI*? So i enportan ki mon ganny sa presizyon. Mon pa kapab ensiste lo en larepons Mr Chairman parey *Standing*

Orders i dir. Mon a respekte ou *ruling* lo la.

Me mon krwar mon *deserve* kapab ganny en larepons dan Lasanble Nasyonal. Pou montre sekte biznes ki nou pe swiv sa bann *figures* e i annan bann endikater kler lo travay ki nou pe fer. Mersi Mr Chairman.

MR DEPUTY SPEAKER

Eski Mr Commettant i kapab *provide* en *additional information*?

DEPUTY COMPROLLER GENERAL JUDE COMMETANT

Thank you Mr Chair. *Thank you* Onorab. Mon krwar sa pwen ki ou'n leve i *actually* en pwen ase enportan. Akoz sa ki ou pe koz lo la, si mon le konpran byen i *basically* bann larzan ki nou *actually* pe anmase. Ki pe siport Bidze li menm.

Ki vin dan diferan form parey ou'n nonmen. I annan *grants*. I annan *tax*. E *foreign direct investment* definitivman i enn ladan. Selman mon krwar kekyon ki ou pe presize lo la, i *basically* sa *breakdown SIB* li ki pe dir sa kantite ki nou'n anmanse.

Yes, i laverite. I sa kantite wi. Ou pe dir ki bann sekte

spesifik ki in al ladan. Sa nou annan sa bann detay. Definitivman mon a kapab sey compile en lalis. Mon a fer Lasanble gannyen.

MR DEPUTY SPEAKER

So basically i ti'n demann de. Dan sa sonm 294 pou lannen 2023 i *breakdown* dan konbyen sekte. Apre *priority sectors* i reprezant ki sonm larzan? So sa de lenformasyon. Alor nou pran parol Mr Commettant pou *provide* Lasanble. Mon ava apel Onorab Woodcock.

HON WAVEL WOODCOCK

Mersi Mr Chair. Mr Chair, mon krwar i enportan pou mwan fer sa *statement* avan mon konmans demann mon kekyon. Menm si I annan en bann ki annan rankin avek ou nou lo sa kote latab nou apresye travay ki ou pe fer dan sa Lasanble.

E mon asire osi ki piblik an deor i apresye travay ki ou pe fer dan sa Lasanble. Akoz si ti dan letan speaker Patrick Herminie, sa bann konportman latitid infantil nou ti'n fini ganny met deor Mr Deputy Speaker.

(APPLAUSE)

HON WAVEL WOODCOCK

Ou annan bokou pasyans. E mon remerci ou pou sa. Mr Chair, annefe mon keston i baze lo *major achievement* an 2022 a 2023 pou SIB. I annan sa trwazyenm *pwen "organized and promoted projects for the Victoria Waterfront on Mahe. Cateau Noir on Praslin and the Regatta site."*

Mon keston i lo size proze Cateau Noir Praslin. Ti annan en pe *challenge* pou ganny *investors* lo Praslin pou partisip dan sa proze, proze zil Cateau Noir.

E konsern ki mon'n ganyen en pti pe dan laliny ki Onorab Mondon in demande, se ki pou bann biznes lo Praslin ganny sa kapital. I fasil pou bann gro biznes ki deza annan sa *cash flow* pou zot antre dan *tender*. Pou ganny later, teren. Pou zot partisip dan proze zil Cateau Noir.

Me keston ki bokou biznes Praslin pe demande, ki annefe mon krwar ki ti annan en meeting ki ti ganny fer Praslin. Kot bokou biznes ti fer resorti sa. Ki Onorab Mondon in tous en pe lo la, se ki *obviously* nou pe ganny en pe *challenges* avek bann labank lokal. Bann biznes pe ganny *challenges* avek labank lokal pou ganny kredi.

Me eski Minister ouswa SIB, ou konnen Gouvernman li menm dan lepase, pou bokou bann proze ki zot in fer lokalman, zot in tap laport bann labank aletranze. Parey ADF (*African Development Bank*) ki osi donn *loan* bann *private companies*.

Eski in annan en konversasyon Gouvernman Sesel avek detrwa sa bann labank, ki *finance* bann diferan *private companies* aletranze, pou ede fast en pe bann biznes lokal, pou ganny akse avek bann labank *regionally*. Kot zot kapab ganny finansman pou zot investir dan bann proze lokalman. Sirtou bann proze ki nou Gouvernman pe *tender out*.

Mon konpran le rezondet aköz ki ozordi bann labank i en pe *strict*. Menm DBS pou donn *loan*. Nou'n vwar bann lenstans dan lapse kot nou'n annan bokou *bad debtors*. Menm DBS e SBFA kot bann nanm bann fantonm ti pe ganny *loan*. Bann *loan write-off*.

Nou'n annan sa bann lensidan. E mon konpran aköz labank i en pe *strict* ozordi. Me *still* mon santi poudir ki i bezwen annan en konversasyon ant Minister, avek bann labank ki en pe pli profon.

Pou zot fer en analiz, pou regarde aköz ki bokou bann pti

biznes, menm bann ki serye pe ganny difikilte pou ganny finansman. Sirtou ler zot pe al antre dan bann *tender* pou bann proze lokal. Mersi.

MR DEPUTY SPEAKER

Mon ava envit panel pou komanter.

CEO ANNE ROSETTE

Mersi Mr Chair. Mersi Onorab. Onorab, i pou annan de faz ou kestyon. Akoz i annan en pe leksplikasyon pou donnen ladan.

Premye faz lo kestyon bann proze. Nou'n fer apepre en 18 lekspresyon lentere ek *tender*, lo bann gro proze. *Cateau Noir* spesifikman, tou dimoun ki'n ganny award or ki ankor pe ganny – in partisipe, lamazorite i Pralinwa. So bann *award* ki nou'n fer deza i Pralinwa. Bann ki dan diskisyon i annan enn spesifikman i Pralinwa. Epi nou annan bann lezot ki nou pa ankor konplete sirtou morso marina.

An se ki konsern sa bann biznes zot menm difikilte labank, se ki nou'n dir parey mon ti eksplike pli boner nou kontinyelman zwenn avek labank preski tou le mwan. Minis, mwan menm ek bann lezot dimoun dan nou Minister,

pou nou kapab rod bann solisyon.

Mon'n nonmen pli boner sa trwa *pillars* ki nou pe sey travay lo la. Lo kestyon groupman finansman aletranze, pou kapab siport bann biznes lokal. Sa i bann mekanizm ki parey mon'n dir ou dan sa trwa *pillar* nou pe konsidere.

I annan bann labank enternasyonal ki'n apros nou. E sa i pa en keksoz ki nou kapab enplimante dan pei. Parey ou konnen bann det ki ganny mete, laplipar sa bann dimoun ki pe apros nou, pe rod *sovereign guarantee*.

E ler ou pe koz *sovereign guarantee*, Minister Finans i la. I kapab petet eksplike. I enkli ki mannyer nou bezwen pe andet nou pei vizavi sa bann *request for loan*.

So nou bezwen en pti pe ou konnen travay ansanm ziska ler nou trouv en solisyon konvenab pou pei. Bann proze nou kontinyelman pe travay lo la. Nou'n annan en kantite dimoun ki enterese. E si dan le fitir nou annan ankor *tender* nou *put out, we hope people will participate fully. Thank you very much.*

MR DEPUTY SPEAKER

Mon pou envit Onorab Hoareau pou kestyon.

HON JOHN HOAREAU

Mersi Mr Chair. Mr Chair, mon le fer remarke ki *best practices* osi; *best international practices* osi, i egzize ki ler ou pe *forego* R1.1 milyon ou pa pas deryer pou ou pran apre.

Mr Speaker, mon kestyon I baze lo *post investment services* ki *SIB* i donnen. Sirtou lo *market intelligence* ki zot fer pou ed bann biznes. Bokou biznes i dir ou ki problem pou zot pers dan *regional e the African Continental Trade Area* se problem ki annan pou fer avek standar prodwi.

Alor pou sa bann biznes kapab *tap into* i bezwen annan serten fon, serten *additional support*, ki Gouvernman i bezwen donn zot. Pou zot ganny aske avek bann standar. Swa lokalman swa enternasyonanman.

Eski *SIB* pe tret sa size o serye? Eski i annan en fon dizon ki zot in met de kote, pou kapab zisteman ed sa bann lakonpanyen ki le eksporte, ki le penetre *regional e African market*? Mersi.

MR DEPUTY SPEAKER

Mon envit *panel* pou donn en larepons.

MINISTER DEVIKA VIDOT

Mersi Mr Chair. Mersi Onorab pou ou kestyon. Sa pwen ki ou'n leve I enportan. Standar, sertifikasyon I asire poudir prodwi.

Espesyalman prodwi ki pe ganny fer lokalman. Dan laplipar leka i pe ganny fer lo en nivo ki pou akseptab. Dizon demen sa prodwi ouswa sa biznes i anvi eksport son prodwi.

I annan travay ki *SBS* en - Biro Standar Sesel pe antreprann. E I annan serten lenvestisman, plan lenvestisman pou amelyor servis. E amelyor fasilite ki nou kapab ofer. Zisteman pou siport devlopman Lendistri.

Me i osi bon pou rekonnèt Onorab ki ozordi zour, nou annan en kantite bann lezot lab prive ki egziste. E ki ofer sa bann servis. E sa i tre ankourazan pou nou. Akoz nou vwar ki sekter prive pe vreman antre dan sa domenn.

E sa I ava kapab *relieve* *SBS* en pti pe. E I kapab *focus* en pti pe plis lo son rol regilatwar konman en Lotorite ki asir konpetans. I kapab zisteman *focus* en pti pe plis lo li prezan regarde si sa bann *labs* I agredite. Regarde si bann tes pe ganny fer byen. E dan

plas ki sa presyon I vin zis lo resours Gouvernman pou kapab deservi sekter prive.

So, sa en pti pe dan plan. I pa pou plito SIB me I plito SBS. Me I annan serten louvraz partenarya ouswa korperasyon ki dan lenterim Minister pe esey siport bann antreprenner lokal. Pou zot kapab akse bann servis ouswa sertifikasyon aletranze.

Me i osi enportan pou fer resorti, letan nou pe mazin leksportasyon, i enportan ki nou bann biznes i protez zot bann dwa propriyete. E sa i annan en provizyon ki tonm anba Departman Komers.

E letan Departman Komers a vin devan, avek zot Bidze en pe pli tar pandan le mwan, zot a kapab zisteman klarifye avek zot. Me i annan en larzan ki'n ganny met de kote. Gouvernman in met en larzan de kote zisteman, pou siport bann biznes kapab anrezistre zot bann propriyete entelektyel.

Pou fer sir ki demen letan zot eksport zot prodwi, zot in fini protez zot bann formil. Ouswa zot bann prodwi ki zot pe fer. mersi. Mr Chair, SIB ava zis klarifye lo kote korperasyon.

CEO ANNE ROSETTE

Mersi Minis. Mersi Mr Chair. Nou'n osi travay avek *trade* lo

nivo *AFCTFTA*. Kan mannyer bann laranzman i kapab edik bann biznesmenn lokal. Pou zot konnen ki mannyer zot kapab servi bann tool ki egziste pou akse *market*. Sirtou dan sa groupman.

E osi avek Lanbasad *de France* nou'n annan bann rankont ki nou'n met bann *businessman* ansanm dan en groupman ki apel *Afrique/France* Kominote. Pou zot osi vwar ki mannyer zot kapab akse *market* an group.

Akoz nou konnen eksportasyon Sesel i en pti pe – I ser. E si ou annan – I depan lo kantite osi. E depan ki rezyon ou le ale. So si ou pe fer sa an group ou kapab redwir *obviously* ou kou. E donn akse enternasyonal nou bann prodwi ki ganny fer isi avek valer azoute. Mersi.

MR DEPUTY SPEAKER

Mersi *panel*. Onorab Hoareau ti dernyen Manm lo floor ki ti'n endike le demann en kestyon lo sa antite. Me par lefe ki SIB in enterakte avek Lotorite distrik Mont Buxton, donk I annan de pwen ki mon le leve avek SIB. An relasyon avek distrik.

Premyerman i annan sa pwennvi zot in dir zot pou re angaz avek bann distrik – mon ava zis antann *way* bann msye

avek bann madanm Onorab parti *US* akoz zot pe *disturb* letan ki mon pe – zot pe fer zot protestasyon. So, mon a les zot sorti.

(US Members walked out in protestation as Mr Speaker was asking his question)

MR DEPUTY SPEAKER

Mersi. Anba *Order 37(8)*, mon *withdraw* mon kestasyon. Donk in ariv ler pou nou pran en vot lo *Seychelles Investment Board* kilo paz 541 - 547 pou en sonm 10 milyon R377 mil. Tou Manm ki an faver endike silvouple? Mersi. Okenn Manm ki kont? Mersi.

Avek sa vot, vot pou *Seychelles Investment Board* pou en sonm 10 milyon R377 mil in pase avek 19 vot an faver. Personn pa'n vot kont ouswa personn pa'n *abstain*.

Donk baze lo la kantite Manm ki annan dan Lasanble Nasyonal sa Bidze in pase par linanimite.

(APPLAUSE)

MR DEPUTY SPEAKER

I reste mwan pou mwan remerisi *panel* ki ti avek nou. Touzour dirize par Minis pou Lenvestisman Entrepreneurship e Lendistri

Mrs Devika Vidot. Mon ava remerisi Mrs Anne Rosette, Chief Executive Seychelles Investment Board. Son Depite Mr Lenny Gabriel. Osi *Financial Controller* Mrs Sherley Marie pou zot partisipasyon. Lasanble i ava *adjourn*. Nou rebran travay 2er apre midi.

(BREAK)

MR DEPUTY SPEAKER

Bonn apre midi tou dimoun. *Welcome back* pou nou sesyon apre midi, kot nou pe kontinyen dan *Committee Stage* lo *Appropriation Bill, 2024*.

E prosen antite ki nou pe al konsider son Bidze se *Industrial Estate Authority*. Avan nou al kriy *panel* Onorab Loze in demann mwan pou en *matter of privilege*. Nou ava *deal* avek sa sityasyon apre nou ava kriy *panel* ki pou zwenn nou. Onorab Loze.

HON JOHAN LOZE

Mersi Mr Speaker. Mr Speaker, mon le konmans mon *matter of privilege* dan sa fason. Mon konmans par *extend* mon remerisman a Onorab *Chief Whip* LDS Onorab Sandy Arissol, ki son *prompt* aksyon in *difuse* en sityasyon bomaten.

Ki ti'n kapab *escalate* dan move direksyon pou *both* nou *Caucus* e en Manm dan son *Caucus*.

Mon le kontinyen Mr Speaker swivan sa remersiman par dir mon'n vin vwar ou se matin. Mon'n swiv tou rekomandasyon ki'n ganny dir fer. Mon'n pas dan tou prosedir swivan lensidan ki'n arive.

Be selman konman en Manm Lasanble, mon pe met lo *Floor* Lasanble Nasyonal, ki an sortan break 10er mon'n ganny agrese e menas fizik, in ganny fer par en Onorab koleg. Lagresyon i apel lagresyon. Mon pa ti pou'n raporte si ti napa kontak fizik. In annan kontak fizik e in annan menas. So mon'n fer mon rapor.

Swivan sa lensidan Mr Speaker mon pe met devan ou. Mon pa pe antre dan detay. Mon anvi konnen ki aksyon ki Lasanble pou pran? Mon swete ki i annan en lenvestigasyon e aksyon i ganny pran.

Akoz personnelman mwan mon pa santi mwan an sekirite. De lensidan. Premye mon ti raporte. Ti napa kontak fizik. Ti napa menas lagresyon. Sa enn ozordi in annan alors mon'n fer mon rapor e mon anvi konnen Mr Speaker ki mezir pou ganny pran avek Onorab Adelaide. Mersi Mr Speaker.

MR DEPUTY SPEAKER

Mersi Onorab pou ou rapor. Dan sa ki ou'n dir bann mo ki mon vwar li i ase serye. I annan konsekan. Lagresyon, menas, kontak fizik. Me ou'n demande ki aksyon ki Lasanble pou pran. Si pou annan lenvestigasyon. E ou'n dir ki in annan de lensidan e ou'n osi site ki ou'n fer rapor.

As we speak ou'n vin vwar mwan e ou ti'n fini pran form. So, sa ki mon kapab dir a sa moman mon pe esper rapor. Akoz parey mon ti dir ou bomaten, pou mwan si okenn keksoz si pa an nwanr ek blan i pa egziste.

So, mon esper rapor e non en lot Onorab in ganny mansyonnen. I pou bezwen donn son versyon. E dela parey ou'n demande ki aksyon ki Lasanble pou pran nou ava bouz dan sa direksyon.

So, I will wait for your report. Onorab in ganny idantifye dan sa lensidan i ava donn son versyon. E nou ava desid sa. Dan sa menm laliny mon pou dir avek Lasanble ki i pa en desizyon ki mon pou anvi pran lo mwan menm.

Akoz si i konsern sityasyon ant le de *Caucus* mon pou anvi a en moman annan en konversasyon. Swa mwan swa Speaker avek le de *Whip* e le de *Leaders*. Akoz nou anvi ki

Lasanble i en landrwa kot nou vini nou travay e nou annan en nivo enteraksyon antre nou. E ki nou pa sot serten limit.

So, i pou enportan ki nou osi annan en konversasyon avek bann *Leaders* pou kapab asire ki poudir tou Manm i konn zot plas kot Lasanble. So, sa ki mon ti annan pou dir.

Mon'n not ou lanmen Onorab Adelaide. Me ou konnen mon pa pou anvi servi *Floor* Lasanble konman sa landrwa pou nou *go back and forth*. Akize. Non mon pa'n fer ouswa non. So, mon prefere esper son rapor. *And then I will give you the right* pou ou fer ou rapor an ekri ou osi.

E koumsa nou kapab *move* sa size de lavan. De Manm ankor in endike ki zot le koze. Onorab Hoareau?

(Off-Mic)

MR DEPUTY SPEAKER

Non, sa enn size nou'n fermen. Sa enn size nou'n fermen aköz Onorab - non Onorab. Annou kit li pou Onorab Loze ki li in *involve* avek sa. Aköz si mon pou donn ou...

Off-Mic)

MR DEPUTY SPEAKER

Wi, ki mon'n dir, nou pou donn loportinite annan en konversasyon avek bann *Whip and the two Leaders*. *So let us do it outside the Assembly not on the Floor*.

Onorab Hoareau mon krwar sa ki ou pe al dir mwan i annan koneksyon avek sa ki mon ti demann ou yer. Silvouple *proceed*.

HON JOHN HOAREAU

Mersi Mr Chair. Mr Chair, yer avan nou ti ale ou Onorab Sebastien ti demann en kestyon lo sa bann *Bills* ki annan *in waiting*. Nou'n fer kominikasyon avek Biro *Attorney Zeneral* e zot in dir nou poudir an se moman zot pa ankor pare pou *publish* bann *Bills*.

Me selman zot in annan en *meeting* yer zisteman pou adres sa sityasyon. Pou gete *what is the way forward* avek sa bann *Bills* ki annan. Zot pou kominik avek Lasanble sipoze ozordi menm.

Oubyen demen bomaten lo *the outcome of the meeting*. E zot pou donn lenstriksyon kan ki zot pou kapab ganny sans pibliy sa bann *Bill*. Mersi.

MR DEPUTY SPEAKER

Mersi pou sa *update*. Mon sel lapriyer se ki zot konsyan

limitasyon letan ki Lasanble i annan devan li. Anvi ki prosesis Bidze e *recess* ki devan nou. Mersi. Onorab Lemiel mon'n not ou lanmen. Me mon pou ensiste lo sa pwen.

Onorab in fini fer son *initial...*

(Off-Mic)

MR DEPUTY SPEAKER

Wi, be si *Chief Whip* si mon pou donn li – Onorab Pillay akoz mon tann ou mwan. Ou pe met ki *manner* nou apel mo an Kreol. Lemozite. Vwala, *that is the word I am looking for.*

Akoz Onorab ki'n ganny – wi, mon tann ou. Akoz Onorab ki'n ganny mansyonnen mon pa pe donn li laparol. Ki *manner* alor - mon'n tann ou pe met lasizani avek ou *Caucus*? Mon'n tann ou.

Mon pa tro lwen avek ou e mon zorey i mars tre byen mwan. *So not on this point.* A sa moman mon a demann madanm Parliamentary Reporter pou kriy *panel silvouple.* Mersi.

INDUSTRIAL ESTATE AUTHORITY

MR DEPUTY SPEAKER

Mon ava *welcome* ki'n fek zwenn nou sorti kot *Industrial Estate Authority.* Eskize pou sa pti retar, me ti annan en *matter* ki nou ti bezwen *deal* avek. Delegasyon i touzour dirize par Minis pou *Investment Entrepreneurship and Industry* Mrs Devika Vidot. I pou akonpanyen par Mrs Thelma Estico ki *Chief Executive Officer IEA.* I osi annan Mr Barry Asary ki *Deputy Chief Executive IEA.* I lo *side table.* Mrs Nadia Bijoux *Accountant.* Apre i annan Mrs Cecile Fred ki *Human Resource and Budget Management Officer.*

Konmsi i annan en non mon pe manke lo *side table.* Mon krwar i annan en non ki mon'n manke probableman dan mon – *welcome* e nou annan de zofisyé Minister Finans ki avek nou. Mr Commettant *and* manmzel Adrienne sorti kot Minister Finans. Nou ava demann Minis pou fer lentrodiksyon e apre nou ava pran enteraksyon *from the Floor.* Mersi.

MINISTER DEVIKA VIDOT

Mersi Mr Chair. Bonn apre midi Mr Chair. Tou bann Manm ki Onorab. E tou dimoun a lekout. Lotorite *Zone Endistriyel (IEA)* i sa antite ki responsab pou devlop e zer

bann *zone* endistriyel, e bann lokasyon mikro antrepriz.

Manda *IEA* se pou fasilite devlopman bann *zone* endistriyel atraver kreasyon en lanvironnman favorab. Ki gide par Polisi e stratezik Gouvernman, kot i konsern *zone* endistriyel bann lokasyon mikro antrepriz.

Bidze pou 2024 pou *IEA* i anviron R57.4 milyon. E sa Bidze i fer provizyon pou en son R44.7 milyon ki vize ver bann proze kapital.

Avek sa Mr Chair mon ti a kontan ki tou Manm Lasanble Nasyonal i siport *IEA* avek sa Bidze ki nou pe propoze. Pou ki nou kapab kontinyen travay e deliver pou lakominote biznes. Mersi.

MR DEPUTY SPEAKER

Mersi Minister. Donk, aprezan nou pou konmans enteraksyon avek bann Manm *on the Floor*. E sa sesyon nou pou ale ziska 3er. I lo paz 528 a 533. Onorab Norbert Loizeau.

HON NORBERT LOIZEAU

Mersi Mr Chair. Mr Chair, pou konmans mon a dir ou felisitasyon pou sa gran lakonplisman ki ou'n *achieve* dan ou lavi. Pou ki ozordi ou Deputy Speaker.

Mr Speaker, mon anvi felisit Onorab Henrie enn mon koleg ki nou'n konmans ansanm, pou sa gran lakonplisman ki ou'n arive. Olye desann anba ou'n plito mont anler. E mwan mon fyer de sa.

(APPLAUSE)

HON NORBERT LOIZEAU

Mr Speaker, mon anvi demann *panel* devan, vi ki dan *current challenges* mon vwar i annan en travay ki pou ganny fer lo *location of beacons*. Taso mon pansé. E si Minis ti kapab dir nou dan sa legzersis la, eski zot pou vwar osi konbyen later ki ti'n ganny lease avek bann endividi. E apre in ganny re vann avek en lot developer pou milyon Roupé. Parey nou okouran. Eski sa osi pou form par dan sa legzersis?

E osi Minis, mon anvi demann ou vi ki ti annan en pe larzan ki pa ti ankor antre par bann dimoun ki ti'n ganny *lease* bann later. Me ki pa ti'n peye, eski zot in reisi rekiper tou? Si non ki zot pe fer pou zot kapab adres sa? Mersi.

MR DEPUTY SPEAKER

Mon ava demann *panel* pou adres sa de pwen.

MINISTER DEVIKA VIDOT

Mersi Mr Chair. Mersi Onorab, pou keston. Wi anba *current challenges* an se ki konsern *locating beacons in industrial zones*. An relasyon ek *encroachments*, e apre Onorab ou'n fer referans avek sa bann later ki pa'n ganny devlope apre ki in re ganny vann.

Mon ava pas laparol avek CEO i ava donn ou en pti pe statistik. Lo la kantite *lease* ki swa zot in *breach*. zot bann - sa ki nou apel zot *development covenant*.

Savedir zot in *breach* sa provizyon dan zot lagreman kot zot ti sipoze pe devlope, me zot pa'n devlope. E alor la i annan en serten prosedir legal ki ganny swiv. E CEO osi i kapab donn nou detay lo bann det.

Parey ou osi i kapab donn nou detay lo bann det. Parey ou ava rapel Onorab letan nou ti antre dan lofis ti anna en kantite aryeraz ki pa ti ankor ganny kolekte. E nou ava kapab donn ou en miz azour lo sa bann sif. Mersi.

CEO THELMA ESTICO

Bonn apre midi Mr Speaker. E bonn apre midi tou bann Manm Onorab. Bonn apre midi tou bann dimoun ki a lekout. Mersi Onorab pou ou keston.

An se ki konsern bann ka legal ki nou'n annan, pou bann dimoun ki'n kapab *breach* zot bann lagreman. So nou annan pou le moman, nou annan nou an term *tenant* nou annan nou 19.

So, mon pou donn ou en pti pe plis detay. Nou annan nou 19 bann *ex-tenant* kot ka in ganny anvoye kot AG. Nou annan nou 10 ka ki'n ganny transfer - ki annan problem - ki'n anvoy kot *Rent Board*.

Nou annan 7 ka ki'n ganny konplete. E ki'n anvoy kot *Rent Board*. E nou annan nou de ka ki zot an defo avek peyman. So sa en pti pe nou bann statistik ki nou annan an se ki konsern ban defo avek peyman.

Me an se ki konsern det, pou lannen 2020 nou ti annan 30 milyon konman aryeraz. E pou lannen 2021 nou ti annan nou 20 milyon. Sa ti'n redwir pou 20 milyon. E pou lannen 2022 sa in redwir par 14 milyon. E pou sa lannen ziska Septanm 2023 i 10.7 milyon.

Savedir sa bann zefor ki nou'n fer. E nou ankor pe fer zefor ...

(APPLAUSE)

CEO THELMA ESTICO

...pou ki nou kapab vreman rekipper bann larzan ki nou annan an deor. E depi ler mon'n pran lofis, nou'n asize ansanm avek *Accounts*, avek lekip ki nou annan. Me nou'n kapab zwenn bann dimoun osi ki annan aryeraz en pe letan.

So nou'n fer bann *meeting on a one-to-one basis*. Me sa in mars ase byen. Me nou'n vwar li i pozitiv. Me bann dimoun pe vin devan dousman dousman, pe fer zot *re payment plan* avek *IEA*. Mersi.

MR DEPUTY SPEAKER

Ou annan klarifikasyon?

HON NORBERT LOIZEAU

Mr Chair, mon anvi zis demande sa bann rekipperasyon la i date – i nouvo? Bann ka ki nouvo, swa bann ka ki date plizyer letan?

CEO THELMA ESTICO

Bann ki date en pe letan. Me selman pou nouvo nou napa byen byen. Me nou pe pran ban mezir kot nou fer sir. Nou'n met en mezir an plas, kot nou annan bann peyman ki vini. Depi zero a 30 zour.

Nou konmans fer bann *follow up*. Apre letan i sot 30 zour osi nou annan bann *reminders* ki ganny anvoye. Letan i sot plis ki 30 zour ankor

i annan bann *reminders*. Apre son trwazyenm *reminder*.

So nou fer sir ki bann prosedir legal i konmans ganny fer. Pou ki nou pa repet menm lerer nou'n fer dan lepase. Kot nou vwar det i akimile.

(APPLAUSE)

MR DEPUTY SPEAKER

Mon a pas laparol prezan avek Onorab Samynadin.

HON KELLY SAMYNADIN

Mersi Mr Chair. Bonn apre midi Minis ek ou delegasyon e tou dimoun a lekout. Minis, dan zot stratezi priyoriter, zot in dir ki zot pou konplet travay *survey* lo tou bann *parcel industrial estates*. E zot pou osi etabli determinasyon lo propriyete. Ensi ki an sa ki konsern *encroachment*. Atraver sa Bidze mon ti a kontan konnen ki *status* sa proze pilot Au Cap *One District One Project*?

E kan ki sa proze i ekspekte konmanse? An vi ki sa dimoun ki pe okip sa later avek son pti biznes, in ganny demande pou bouze *by* Avril lannen prosenn? Mersi.

MR DEPUTY SPEAKER

Panel?

MINISTER DEVIKA VIDOT

Mersi Mr Chair. *CEO* ava donn plis detay. Mersi.

CEO THELMA ESTICO

Mersi Onorab pou kestyon. An se ki konsern taso *and all encroachment*, nou sipoze ganny nou en *surveyor* tre byento. Sa i dan nou Bidze. nou'n mete. Nou'n fer provizyon. E nou dan faz pou nou al fer *advertisement* pou sa.

Me nou'n fini aste lekipman. Nou'n fini ganny nou nou transport osi ki asosye avek nou bann aktivite. Me an se ki konsern pou proze distrik Au Cap, me sa i an progresyon.

Byento *tender* pou ganny lanse pou ki nou kapab materyaliz sa proze dan distrik Au Cap. Mersi.

MR DEPUTY SPEAKER

Mon ava apel Onorab Lemiel.

HON SYLVANNE LEMIEL

Mersi Mr Chair. Mon pou konmanse Mr Chair, par deplor sa bann aksyon ki'n arive dan Lasanble ozordi. Aksyon ki'n arive avek Onorab Loze Mr Chair, pa ti zanmen merit arive.

Mannyer nou pe progese dan sa Lasanble pli ale, nou pe konmans regrese *instead of* avans pli devan Mr Chair! In ler pou nou vin en pti pe pli toleran.

Konman bann Manm avek kanmarad, in ler pou nou vin pli toleran. Eski nenport ki keksoz ki arive isi nou pou le vin bour ledwa anba nennen kanmarad? Nou pou le vin bour ledwa anba lazou dimoun? I pa normal sa Mr Speaker!

Nou lo nou kote nou deplor sa bann keksoz ki'n arive. E mwan konman en madanm, i annan de nou madanm lo sa kote, nou pa santi nou an sekirite avek sa bann kalite aksyon.

Ou pase dan koridor nenport ki keksoz i kapab arive. Nenport ki dimoun i kapab fer ou en keksoz. So, mon demande ki aksyon nesese i ganny pran avek okenn Manm ki agres en lot Manm!

Mon demande ki aksyon nesese i ganny pran. E mon pe fer sorti nou pwen ozordi Mr Speaker *as Chief Whip*.

(*comments and murmurings off-mic*)

HON SYLVANNE LEMIEL

(Les mwan koze! Zot in koze apre zot a koze)! Mr Speaker, mon pe fer sorti mon pwen ki, otan ki en aksyon pa ganny pran avek sa bann aksyon ki pe arive dan sa Lasanble, lo kote Manm *US* letan nou koze nou dir en keksoz, ki *LDS* i pran li

personnel e zot le vin lager, mon le ki - mon pe fer Lasanble osi konnen ki e piblik an zeneral konnen ki, nou lo kote *US* nou pa pou partisip dan sa zafer Bidze, ziska ler en aksyon i ganny pran. E en desizyon i ganny pran! Mersi Mr Speaker!

MR DEPUTY SPEAKER

Mersi. Onorab Lemiel aköz ou'n *defy* en lord ki mon ti'n donner, mon pou demann ou pou kit lasal silvouple. E pa retournen ziska demen bomaten. Mersi.

(APPLAUSE)

MR DEPUTY SPEAKER

Prosen entervenans ki lo mon lalis se Onorab Richard Labrosse.

HON RICHARD LABROSSE

Mr Speaker, *good afternoon*. Selman i malere bann keksoz parey nou konman bann nouvo Manm, bann nouvo politisyen nou pe *witness* dan nou pei tou le zour. So nou ti a kontan en pe plis legzanp silvouple.

MR DEPUTY SPEAKER

Onorab. Onorab, *hang on a minute*. Mon pe demann *Caucus LDS* ki reste dan lasal. *US in walk out*. Sa i zot problem. Nou reste lo travay ki la. e mon pe demann zot pou

refrain from okenn lezot komanter ki napa nanryen pou fer avek Bidze ki devan nou.

Akoz nou annan en travay. E nou sipoze en Lasanble serye. Nou sipoze en *Caucus* ki serye. Mersi. *Proceed* avek ou kestyon.

HON RICHARD LABROSSE

Ok Mr Speaker, mon ava pran ou lord. Mr Speaker, dabor avan mon konmanse, mon ti a kontan osi felisit Mrs Estico. Mon krwar premye fwa i vin dan Lasanble konman nouvo *CEO IEA*.

E mon pe ekout ou, mon vwar poudir ou annan sa bon lenerzi pou kontiny kot Mr Collie in kite. Ki li osi nou rekonnet son zefor ki in fer pou anmenn sa lorganizasyon kot i ete ozordi.

Mr Speaker, ler nou pe koz e Bidze mon ti a kontan si Minis ti kapab donn mwan en re asiran lo bann proze ki pe arive lo kote landrwa endistriyel Providence. Nou konnen ti annan en proze mon krwar ti dan Bidze lannen pase, pou fer bann pti semen pou *facilitate* bann dimoun ki annan bann pti landrwa; par egzanp garaz mon konnen (Ek bann lezot biznes) pou ariv en pti pep li pre kot zot ek sa kondisyon letan

spesyalman ler lapli i tonbe I en pti pe deplorab laba.

E mon ti a kontan konnen si dan sa Bidze i annan en keksoz pou kontinyen ek sa proze. Akoz ti'n konmanse.

E Minis, apre mon lot kestyon mon pou demann ou ankor la. Nou annan nou pti landrwa endistriyel dan Plaisance kot bann pti biznes i ganny zot pti dipen la, eski i annan en plan pou li pou fer kek renovasyon re organiz en pti pes a landrwa? Mersi Mr Speaker.

MR DEPUTY SPEAKER

Mon a envit *panel* pou zot komanter.

MINISTER DEVIKA VIDOT

Mersi Mr Chair. Mersi Onorab pou ou kestyon. Onorab, sa bann proze semen. Si ou fer en pti vire Providence ou pou vwar i annan en pe devlopman ki pe pase dan Providence. Ou pa pou vwar larzan pou *Zone 6* par egzantp. Ouswa semen *Zone 19*, *Zone 20* dan Bidze lannen prosenn.

Sa i akoz nou anvizaz fini sa bann proze sa lannen menm. So, ou pa pou vwar li dan Bidze 2024. Nou pe pous for pou ki nou kapab finaliz sa bann proze. Sa bann proze ki parey

mon ti fek fer resorti lo medya tou resaman.

Bann proze ki *design* ti'n ganny fer depi 10 an pase. Finalman nou pe kapab met li an aplikasyon. Nou pe enplimant sa bann proze. E nou pou fini sa bann proze pou ki nou kapab rann Providence en landrwa kot laplipar bann *access* rezerve - bann semen i ganny koltar epi i annan drenaz. So, sa i en komitman ki nou'n fer.

E nou anvizaze mentenir e gard nou komitman. So, mon vremen satisfè ki *by* lafen lannen, nou pou'n kapab fini. E parey ou konnen letan lapli pe vini.

So par egzantp lo *Zone 6* nou anvizaze by semenn prosenn, nou konmanse met koltar. So nou a kapab fini avek sa letap. Mon pou pas laparol Mr Chair avek *CEO* i ava donn detay en pti pe lo *maintenance*. Ki i annan dan Bidze pou lannen prosenn. So, i ava koz en pti pe lo la. Mersi.

CEO THELMA ESTICO

Mersi Onorab pou kestyon. An se ki konsern *maintenance* i pa pou zis Plaisance. Nou'n met dan Bidze pou nou kapab annan en pe *maintenance* preski lo detrwa nou bann *workshop*.

So sa i pou enkli Plaisance. I pou enkli Union Vale. I pou enkli Grand Anse e byensir osi Providence. So nou annan en pe *maintenance* lo nou bann *workshop* pou nou fer. Pou nou kapab *improve* en pti pe kondisyon ki nou okouran i annan en pti pe problemm avek. Me nou pou *sort out* dan Bidze. Mersi.

MR DEPUTY SPEAKER

Onorab Bastienne *you are next*.

HON DESHIELA BASTIENNE

Mersi Mr Chair. Bonn apre midi Mr Chair. Bonn apre midi Minis ek ou delegasyon. Bonn apre midi tou dimoun a lekout. Minis, parey ou konnen *IEA* dan Preseverance i annan enn de later *lease* ki la. I pa ankor ganny devlope. E i annan ou a krwar i pe ganny servi konman en *dumping site*.

Mon krwar nou'n deza fer sa konversasyon. Vi ki par egzant kot Minister Later, kot *land bank* i konsernen zot annan sa Polisi ki ou bezwen pe devlop sa later dan sa lespas 5 an.

Eski kot *IEA* zot pe mazin fer en tel Polisi kot later *lease* i osi ganny sa dele letan pou li kapab devlope? Akoz pou le moman i anna bokou bann pti antreprenner ki pe sey rod en

landrwa. Bann pti antreprenner ki serye ki pare pou zot devlop en landrwa.

Me zot pa pe gannyen akoz i annan serten dimoun ki'n ganny kare later ki zis kit la. E mon ti a kontan demann ou osi ki dizon letan ou met sa Polisi an plas, apre sa dele letan sa later pa ganny devlope zot deside rebran. E repas avek en lot dimoun ki lo lalis espere.

Eski prezan sa bann dimoun zot sa bann antreprenner zot pou bezwen prodwi ase levidans, pou zot kalifye pou zot ganny sa later avan ki zot ganny sa later lease pou zot pa repet menm keksoz. Mersi.

MR DEPUTY SPEAKER

Mon en vit *panel*, larepons.

MINISTER DEVIKA VIDOT

Mersi Mr Chair. Mersi Onorab pou kestyon. *Lease*, eski i annan bann provizyon an plas ki *allow* nou - letan nou'n *lease* en later pou nou rebran sa later? Onorab, wi. I annan deza sa ki nou apel *development covenants* dan nou *lease*.

E lo kote *IEA*, lo kote tou nou bann later ki tonm anba *management IEA*, nou'n fer le neser pou fer sir poudir okenn morso ki pa ankor ganny devlope, i annan prosedir ki

nou'n swiv, pou kapab pran aksyon legal. Ouswa pou nou kapab ariv lo en konpromi avek sa dimoun.

So si i annan later ki pa ankor ganny devlope, e aksyon pa ankor ganny pran petet i pa tonm anba ziridiksyon *IEA*. Akoz i annan later lo Perseverance ki osi tonm direktman anba Minister Later.

Sa bann ki tonm anba *management IEA*, nou'n fer sir poudir aksyon i ganny pran avek zot. E la pe zis swiv prosedir legal e i zis en kestyon letan ziska ler nou kapab pran sa bann later.

An se ki konsern fer provizyon pou fer sir poudir menm fot pa ganny repete. Zisteman, ozordi avan bann dimoun i kapab kalifye pou ganny later, zot ganny demande pou zot prodwi dokimantasyon, pou demontre ki proze ki zot pe al fer. E nou regarde si sa proze wi i pou ale avek *permitted use*. I ale avek bezwen pei.

An plis ki sa, nou regarde nou demande si zot kapab donn nou dokimantasyon ki pou garanti ki zot kapab devlop sa later. Par egzanp bokou zot zot *provide* en let ki sorti kot labank. Kot labank i dir sa dimoun i mentenir son kont dan en fason ki akseptab.

Be i annan posibilite pou li kapab *raise* sa larzan. So, sa i en pe bann konsiderasyon ki nou fer konmela, pou fer sir poudir menm fot pa ganny repete.

Nou osi fer sir poudir dele ki nou donn zot pou zot soumet zot plan kot *Planning*, i ganny sipervize. E nou fer swivi lo la. pour ki – dan le pase ki'n arive later in ganny donnen. Me napa swivi pou fer sir poudir plan pe ganny soumet kot *Planning*. E devlopman pe aktyelman arive. Mersi.

MR DEPUTY SPEAKER

Mon ava aprezan envit Onorab William, poz son kestyon.

HON WAVEN WILLIAM

Mersi Mr Chairman. *Minister*, byenveni avek ou nouvo lekip. *Minister*, mon pe vwar anba dernyen *bullet point*. Petet premyerman mon ti a kontan felisit ou avek ou nouvo lekip, pou lord ki zot pe met e fasilite bann akse anler *industrial estate*. Bann travay ki zot pe fer.

Mon anvi ki ou konfirman ki par sa *bullet point*, ou pe fer nou konpran poudir ti annan en konpletman *disregard of the regional plan of the industrial estate*. *Current challenges* dernyen *bullet point*. Ki fer ki

ozordi nou annan sa bann dezord. Mersi.

MINISTER DEVIKA VIDOT

Mersi Mr Chair. Mersi Onorab pou ou kestyon. Wi, definitivman. Parey ou kapab konstate ozordi zour Providence nou apel li *industrial estate*. Savedir i sipoze annan aktivite endistriyel ki deroule lo sa zone.

Me parey ou kapab konstate i annan bokou aktivite ki pa relye avek Lendistri. E deplizanpli in vin en landrwa ki pli komersyalize.

I annan serten travay ki nou pe fer. Nou realize poudir letan in bouze. Victoria i annan – anvil parey nou dir i annan limitasyon osi an se ki konsern provizyon lokasyon pou biznes devlope.

So nou rekonnet poudir ti annan en mankman e Providence in kapab *cater* pou sa en pti pe. Me selman nou bezwen fer sir i annan en balans tou kou.

Nou bezwen fer sir sa bann dimoun par egzanp ki pe sey fer aktivite ki en pe endistriyel dan landrwa rezidansyel. Ki zot zot pe ganny demande pou arête. Zot napa landrwa pou ale. Me lespas dan zone endistriyel pe plito ganny pran par bann aktivite komersyal.

So, i pa pe balanse. Alor i annan en travay ki *EIA* pe fer. E *CEO* a kapab donn ou plis detay. Mersi.

CEO THELMA ESTICO

Mersi Mr Chair. Mersi *Minister*. Mersi Onorab pou kestyon. An se ki konsern se ki *IEA* pe fer, i annan en *zoning committee* ki'n ganny set up. E sa komite pe travay lo en plan stratezik pou *land use*. E pou zone endistriyel. E sa pou ede kan i annan bann *change of use*. E *inclusion of use*.

Sa plan I pou en zouti evalyasyon efektiv. I pou fer bann desizyon ki pou asire ki bann uses I anliny avek nou Polisi Endistriyel. E parey nou nou pe anvizaze I pou fer plis plas pou *manufacturing*. Dapre sa ki nou nou anvi fer. Ki nou annan *comme* plan. I pou limit bann aktivite komersyal, me I pou fer plas pou bann ki endistriyel. Mersi.

MR DEPUTY SPEAKER

Mon ava envit Onorab Michel Roucou pou kestyon.

HON MICHEL ROUCOU

Mersi Mr Chair. Bonn apre midi a tous. Minis, mon kestyon i koumsa, si ou kapab dir nou apepre lekel bann aktivite ki zot pe ganny plis

demann. Si mekanik ouswa pou sarpantye?

Lekel bann aktivite ki zot pe ganny plis? E ki – dan ou Bidze la, ki bann provizyon ki kapab in ganny mete, pou fer sir poudir bann ki pe esper en bout later pou sanmenm sa bann aktivite. Ki i annan sa lespwar pou zot demen.

Zis parey mon kapab mazin Daniel Fred, Aaron Laval, Ricky Jeannevol ki demen zot osi zot a kapab benefisye anba la pou zot kapab ganny en pti bout. Mersi.

MR DEPUTY SPEAKER

Panel, proceed.

MINISTER DEVIKA VIDOT

Mersi Mr Chair. Mersi Onorab. Letan nou regard lalis demann Onorab, nou vwar poudir i annan bokou plis demann an term poursantaz. Pou bann aktivite tel parey garaz, sarpantye, konstriksyon.

E sa i swivi en pti pe par *manufacturing*. So, I annan en kantite demann pou bann aktivite koumsa. Me selman anliny avek stratezi pei nou bezwen osi konsyan poudir nou pe esey ankouraz bokou plis prodiksyon lokal.

Akoz i enportan pou ki konman en pei nou ariv nou lo en nivo ouswa nou eseye.

Malgre pa 100poursan, kot nou redwir nou depandans lo lenportasyon.

So Gouvernman pou ankouraz dimoun pou zot al en pe plis dan sa bann sekter. Kot nou kapab vwar bann prodwi lokal pe ganny prodwi. E ki nou kapab garanti konsonpsyon lokal.

E si demen i ariv en keksoz ankor. I ariv en – parski nou en zil. I annan bann eksternalite ki nou napa kontrol lo la. I enportan ki nou pou kapab *at least* mentenir nou bann *supplies*, pou en pe letan. Ziska ler nou a kapab *rely* lo lenportasyon ankor.

So nou pe met bokou lanfaz lo la. me malgre sa nou vwar ki demann i reste pli o lo bann keksoz parey garaz. E bann zafer *marine repair* eksetera. Mersi.

MR DEPUTY SPEAKER

Ou annan klarifikasyon Onorab.

HON MICHEL ROUCOU

Mersi Minis, pou larepons. Selman petet pou bann – parey ou’n dir i annan bokou plis garaz, zis parey mon mazin dan mon distrik i annan enn de parey bann Francis Barra. Zis pou donn zot en pti pe sa lespwar.

Eski i annan kek diskisyon petet ki ou annan avek parey dizon avek lenfrastruktir.

Ki demen zot ava annan sa lespwar ki petet zot osi zot ava konnen ki poudir pou annan zour ki petet pou annan en landrwa ki zot a kapab pou zot fer zot biznes. Mersi.

MR DEPUTY SPEAKER

Proceed panel.

MINISTER DEVIKA VIDOT

Mersi Mr Chair. Mersi Onorab. Nou annan en plan Onorab pou nou fer parey en *warehouse* si ou le. Ki pou kapab *cater* pou plis ki en biznes kip e fer bann zafer parey *repair*. E pou annan de kalite.

Pou annan *marine* osi byen ki *auto*. E se dan sa menm laliny ki nou pe ale kot en bout later i kapab deservi plis ki en dimoun. Si nou pe fer bann keksoz koumsa. Bann aktivite koumsa.

Me parey mon'n fer re sorti nou kontinyelman ankouraz bann biznes pou zot mazin kwa ki zot kapab fer pou anmenn en pe plis valer azoute osi pou nou pei. Mersi.

MR DEPUTY SPEAKER

Mon ava envit Onorab Monthy pou son kestyon.

HON PHILIP MONTHY

Mersi Mr Chair. Bonn apre midi Minis. Bonn apre midi *CEO* avek ou lekip. Minis nou konnen ki anba ansyen Gouvernman in annan en ta koripsyon an se ki konsern alokasyon later lo *zone* endistriyel.

Anba mon Gouvernman *LDS*, mon oule ki sa i pa egziste. Eski ou kapab dir nou ki prosedir i annan an plas pou alokasyon later lo *zone* endistriyel?

E eski tou sa bann prosedir aktyelman pe ganny respekte ler alokasyon later - parey mon'n vwar zot in mete - *Zil Eve, Zone 20 extension* Perseverance in ganny *allocate*.

E apre an pasan osi si ou ti kapab zis donn mwan en pti - vi ki *US* pa la Mr Chair, nou annan en pti pe letan. I annan sa proze *One District One Project* ki ti dan plan pou distrik Cascade. Mon ti vwar en *design*. Zot in met zot pe rod finansman prive. Konmsi *public private partnership* pou lans sa bann proze.

En pti pe dan sa laliny ki zistans sa pe arive. Sa *public private partnership* pou lans sa bann proze *One District One Project*. Akoz i ti vreman en proze enteresan ki mon ti pe

espere pou distrik Cascade.
Mersi.

MR DEPUTY SPEAKER

Mon a envit *panel* pou adres sa de pwen.

MINISTER DEVIKA VIDOT

Mersi Mr Chair. Mersi Onorab pou kestyon. Onorab prosedir pou alokasyon konmela i *comme swivant; permitted use* sa later i ganny idantifye. Savedir ki kalite aktivite ki kapab ganny antreprann lo sa later i ganny idantifye.

E bann dimoun ki lo *waiting list* ki zot in met devan konmkwa sa i zot lentere zot ganny kontakte. E zot ganny demande pou zot partisip dan prosedir.

Zot ganny serten dokiman ki diriz zot lo ki mannyer pou fer zot laplikasyon. E de la zot ganny en dat pou zot soumet zot laplikasyon.

I annan en komite endepandan ki evalye sa bann proze sa bann *proposal*. E apre sa rekomandasyon i ganny fer avek *IEA* e i pas kot Minister.

Me selman an se ki konsern seleksyon, sa komite antyerman i diriz seleksyon. E zot fer zot rekomandasyon.

Lo nou kote kot Minister nou zis fer sir poudir i annan *oversight in terms of* fer sir

poudir prosedir pe ganny swiv. Prosedir ki pe etabli dan *land allocation Policy* i pe ganny swiv. E tou keksoz pe al byen.

Lo kote *One District One Project* ki *IEA* pe fer se ki nou pe deside pou nou antreprann de proze pilot pou nou kapab demar sa seri proze ki nou annan. Sa i akoz nou napa pe fer se ki, nou pe deside pou nou antreprann de proze pilot pou nou kapab demar sa seri proze ki nou annan.

Sa i akoz nou napa en Lalwa ki diriz *PPP* parey nou dir. *Public Private Partnership* partenarya ant Gouvernman avek sekter prive.

Alor nou pe formil parey en *template if you will*. Alor nou pe lans sa atraver de proze pilot. Malerezman Cascade pa tonm ladan. O debi i pou Perseverance e Au Cap. Me apre sa nou ava bouz en pti pe partou lo Mahe. Mersi.

MR DEPUTY SPEAKER

Ou annan klarifiksyon Onorab?

HON PHILIP MONTHY

Zis en pti klarifikasyon lo mon premye kestyon. Sa komite endepandan Minis, savedir napa okenn dimoun ki sorti kot *IEA* ki sorti kot sa komite? I konpletman bann dimoun endepandan ki pran sa

desizyon. Zis en pti klarifikasyon?

(APPLAUSE)

CEO THELMA ESTICO

Mersi Mr Chair. Mersi Onorab. Zis pou klarifikasyon. Annefe sa komite i en komite ki annan bann dimoun ki sorti an deor. Me nou zis annan en reprezantan kot nou *IEA* ki nou *legal person*, ki asiz konman sekreter lo sa komite.

MR DEPUTY SPEAKER

Mon ava aprezan envit Onorab Woodcock pou pran son kestyon.

HON WAVEL WOODCOCK

Mersi Mr Speaker. Anba *major achievements in 2022 and 2023* I annan “*updated Eve island land application register and Eve Island use plan.*” Apre lot pwen *allocated “land to tenants on Ile Perseverance light industrial zone, Eve Island and Zone 20 extension.”* And osi lot *achievement se “establish an action plan for tenants who had violated the lease agreements.”*

Mr Chair, mon bezwen konmanse par remersye e felisit *Minister Devika Vidot e in fact CEO IEA the former one* Mr Collie ki’n ale - nouvo CEO pou sa travay ekselan ki zot in fer, pou met lord dan sa bann dezord ki ti annan lo Eve Island.

HON WAVEL WOODCOCK

Zabitan Praslin i vremen apresye. Finalman apre tou sa lannen, semen pe ganny etabli. *Utilities*, delo, drenaz pe ganny mete. E osi en lafen in ganny mete avek sa bann *land speculation* ki ti pe arive lo Ile Eve.

E la resaman 25 later in ganny *allocated* avek bann *businessman* Pralinwa. E i annan ankor plis ki en 20tenn later pe al lo *tender* byento. Mersi bokou Minis.

Minis, ler mon get dan Bidze, mon vwar pou Ile Eve ankor en fwa sa lannen, nou annan en gro alokasyon R30 milyon. E mwan mon byen apresye sa. Ankor en fwa mon dir mersi bokou pou sa lokasyon bidzeter. Si ou kapab donn nou en pe detay, en pe lo *scope of work*. Ki kalite travay ki pe al ganny antreprann pou sa R30 milyon pou 2024?

E mon lot kestyon i en pti pe dan laliny ki Onorab Monthy in demande regardan sa *One District One Project*. Si ou kapab donn nou en pe detay lo sa proze ki zot pe anvizaze fer. Mwan mon ti pe prezimen poudir sa i pou en *micro*

enterprise centre. Or petet en diferan proze.

Par lefe ki Praslin nou'n idantifye. Mon'n apresye sipor ki ou'n donn nou, pou sa proze *micro enterprise centre* Grand Anse Praslin, o bor lekol primer ki li osi pou konmanse byento.

Konsep in fini diskite. Nou tou nou *input*. Mon'n donn mon *input*. DA in donn son *input*. Nou ti fer vizit ansanm avek ou e osi avek CEO. Si sa *micro enterprise centre* zot ti osi annan lentansyon pou annan enn *regionally*?

Or si sa *One District One Project* i *something entirely different*. I bann diferan proze dapre spesifisite bann distrik. Si ou kapab donn en pti pe detay lo sa *One District One Project*. Mersi.

MR DEPUTY SPEAKER

Mon ava envit panel pou sa larepons.

MINISTER DEVIKA VIDOT

Mersi Mr Chair. Mon pou pran premye kestyon, an se ki konsern alokasyon. Alokasyon Bidze pou Eve. Onorab i annan en kantite travay ki reste pou nou fer lo Eve. E travay ki reste i prensipalman fer semen drenaz i fasil. Me se pas sa bann itilite, savedir elektrisite, delo, *sewage*.

E espesyalman elektrisite i kout bokou. Li menm li ki i konpri en konponan dan Bidze ki ase sibstansyel. So, sa alokasyon i pou al pou zisteman fer sa.

An se moman mon panse *by now* i annan bann *crossings* ki pe ganny fer lo semen. Nou pa ankor fer *paving*. Pa ankor fer ... ouswa met konkret.

Parske zot pe fer *crossings* pou fer sir poudir *network utilities* pe ganny fer provizyon. Pou ki letan in ariv ler pou fer pase sa bann *cables* eksetera, nou pa pou bezwen kas semen.

Se sa ki nou ti anvi fer lo Ile Eve. Akoz si nou pa ti'n met en poz avek sa proze, ozordi nou ti pou'n vwar nou annan semen. Me selman ou ti pou bezwen al kase pou kapab al fer pase kab elektrisite, tiyo delo eksetera.

So sa 30 milyon i pa ase annefe, *ok*? Nou pe bezwen fer li par faz, *ok*? I pa pou ase, me selman pou 2024 i pou sifizan pou kapab fer pa mal progre lo Zil Eve. Mon ava pas laparol avek CEO. I ava donn ou en pti pe detay lo *One District One Project*. Mersi.

CEO THELMA ESTICO

Mersi Mr Chair. Mersi Onorab pou ou kestyon. An se ki konsern bann MEC lo Praslin,

originally lo Zil Eve ti annan en landrwa ki ti'n fini *designated* pou en proze. *MEC* *apparently* pou sa proze in annan en sanzman. Vi ki *apparently* avek konsiltasyon ki'n annan sa bout later ki ti'n ganny *designated* prezan i pou fer en konstriksyon *STP*.

E prezan i annan en lot landrwa, pou le moman Grand Anse ki'n ganny *designated* pou sa *MEC* ki nou pou annan. E sa in fini ganny idantifye. I annan bann travay ki pe deza ganny fer lo la. I annan bann plan ki'n ganny fer.

Me nou an progresyon avek sa. Me le moman ki nou ganny plis lavansman lo la. Me nou pou enformen. Me selman *building* i pou bezwen ganny demoli. I pou annan *rock armoring* ki pou bezwen ganny fer. So, i annan en pe travay entans ki pou bezwen ganny fer lo sa propriyete ki'n deza ganny idantifye.

Me nou'n vwar li dan Bidze pou 2025. Me selman nou pou gete ki mannyer keksoz i pou bouze avek dan le fitir. Me selman pou le moman sa enn. Me parey Minister in dir lo konmansman, me apre nou ava get lezot bann landrwa osi ki pou provizyonnen pli tar, pou bann devlopman bann lezot *MEC*. Mersi.

MR DEPUTY SPEAKER

Mon pou aprezan envit Onorab Mondon pou son kestyon.

HON TERENCE MONDON

Mersi Mr Chair. Mr Chair, mon profite pou remerbye ansyen *CEO EIA* Mr Collie, pou travay remarkab ki in akonpli pou sa 3 an ki in okip sa lofis. Minis, mon kestyon i relye avek proze sant antrepriz Anse Marie Louise. Ki Lotorite *IEA* ki ti soumet pou finansman anba *Indian Grant* an Desanm 2021.

Prenon kont sityasyon avek sa *grant* Minis, mon pa krwar ki sa proze pou ganny realize dan sa prosen 2 an. Mon kestyon alor, an vi ki sa proze i promouvwar prodwi Kreol e konplimant devlopman tourizm dan larezyon, eski *IEA* pou kapab antreprann sa proze lo li menm? Mersi Mr Chair.

MR DEPUTY SPEAKER

Mon ava envit *panel* pou donn larepons.

MINISTER DEVIKA VIDOT

Mersi Mr Chair. Mersi Onorab. Onorab, wi, nou ti soumet sa proze pou nou kapab ganny finansman anba *grant*. Me malerezman sa pa'n materyalize. Alor ki nou pou bezwen fer. Nou pou bezwen fer

li dan laform partenarya Gouvernman ek sekter prive.

Be selman parey mon'n eksplike tou dabor nou pe lans de proze pilot, pou nou regarde modalite. Si i marse. Si pa marse. Ki nou annan paramet ki nou pe swiv. Me petet akoz nou pe al lo de proze pilot.

Tou dabor se akoz nou anvi vwar petet landrwa pou nou *improve*. Ok, i annan en kad ki nou pe swiv. Me selman nou ava vwar kote ki nou kapab *improve*. So nou konmans lo de dabor. Apre nou a kapab fer lezot dan bann lezot distrik. Mersi.

MR DEPUTY SPEAKER

Ou annan klarifikasyon?

HON TERENCE MONDON

Eski in fini determinen lekel distrik pou ganny sa de proze? Si Takamaka i pou ladan? Mersi.

MINISTER DEVIKA VIDOT

Yes. Nou pe konmans avek Au Cap apre Perseverance.

MR DEPUTY SPEAKER

Dernyen entervenans ki'n demande pou entervenir lo sa *heading* se Onorab Porice.

HON DOYACE PORICE

Mersi Mr Chair. Bonn apre midi Minis ek ou delegasyon. Bonn apre midi tou mon bann koleg *MNAs*. Minis mon pou felisit ou avek ou lekip osi *ex CEO* Mr Collie, avek sa nouvo ki la, pou sa bann bon travay ki zot in fer lo Ile Eve. Mon pou kontiny en pti bout lo Ile Eve.

Minis mon krwar i reste en pe porsyon later lo Ile Eve, pou pti biznes. Kan eski zot pou fer distribisyon dezyenm group later? Mersi.

MR DEPUTY SPEAKER

Mersi. Mon envit *panel* pou larepons.

MINISTER DEVIKA VIDOT

Mersi Mr Chair. Mersi Onorab. Nou anvizaze fer sa lannen prosenn. Mersi.

MR DEPUTY SPEAKER

Bon, sa in anmenn nou lafen ban enteraksyon lo sa heading *Industrial Estate Authority (IEA)* ki trouve lo paz 528 a 533 pou en sonm 57 milyon R469 mil. Mon demann tou bann Manm ki an faver pou endike silvouple? Mersi.

Okenn Manm ki kont? Mersi Madanm Deputy. Vot pou lo Bidze *Industrial Estate Authority*, pou en sonm 57 milyon R469 mil. I annan 20 Manm ki'n vot an faver.

Personn pa'n *abstain*. Personn pa'n vot kont.

Baze lo la kantite Manm ki prezan dan Lasanble ki zis *Caucus LDS* sa vot in pase par linanimite. I reste mwan pou remersi *panel* ki ti'n zwenn Minis pou sa enn sesyon. Anfet tou bann non ki mon'n dir.

Tou bann dimoun ki ti la pli boner. E sa i konpri *Chief Executive Officer* Mrs Thelma Estico. *Deputy Chief Executive Officer* Mr Barry Assary. Mrs Nadia Bijoux ki *Accountant* avek Mrs Cecile Fred ki *Human Resource and Budget Management Officer*.

Nou a remersi zot e eskiz zot parmi nou. Antretan ki nou ava esper lot delegasyon sorti kot *Seychelles Licensing Authority*. Mersi e bonn kontinyasyon lazournen pou bann ki pe kit nou.

(CEO and her delegation were excused from the House)

SEYCHELLES LICENSING AUTHORITY

MR DEPUTY SPEAKER

Mon ava dir byenveni dan Lasanble Nasyonal delegasyon ki fek zwenn nou sorti kot *Seychelles Licensing Authority*. Mr Michael Nalletamby, *welcome back. Principal*

Secretary for Investment Entrepreneurship and Industry Mr Ronny Antat; *Chief Executive Officer Seychelles Licensing Authority*, ki mon krwar li osi i pe fer son premye *appearance* devan Lasanble Nasyonal depi son apwentman. Mon krwar son premye.

So nou ava dir li *welcome and congratulations for the appointment*. I annan osi Mrs Pettrina Victor ki *Accountant*. Mon ava envit Minis Devika Vidot ki ankor avek nou pou fer lentrodiksyon e apre nou ava pran kestyon. E pou *SLA* i lo paz 548 a 558. *Minister*.

MINISTER DEVIKA VIDOT

Mersi Mr Chair. Mr Chair apre desizyon Gouvernman pou transfer Lotorite *Licensing Sesel* anba sa *portfolio* Minister Lenvestisman Lantreprenarya ek Lendistri, sa lotorite in vin pli *focus* lo son bi. E son bi prensipal se pou asiste zefor Gouvernman pou fasilite fer biznes dan Sesel.

Sa transfer in fer li posib pou ki i *Licensing* i diversifye son fonksyon. E ofer plis lasistans avek bi vin pli – ofer plis servis dan en fason vin pli *friendly* avek bann kliyan. Amelyor zot servis ki zot donn bann kliyan e osi anliny avek

amelyor bann prosedir laplikasyon *license*.

Sa transfer i apropiye akoz *Licensing* i zisteman partaz sa vizyon avek Minister pou promosyon biznes. Fasilitasyon biznes e promouvwar diversifikasyon dan lanvironnman biznes.

Bidze ki pe ganny propoze pou sa antite pou 2024 i en sonm R26.27 milyon. E sa i reprezant en logmantasyon anviron R7 milyon konpare avek Bidze 2023. Mon ti a kontan demann tou Manm Lasanble, pou ki zot kapab kontinyen donn nou sa sipor e vot pou laprouvasyon Bidze *Seychelles Licensing Authority*, pou ki nou kapab kontinyen sa bon travay ki nou'n konmanse. Mersi.

MR DEPUTY SPEAKER

Aprezan mon pou envit lasal pou poz bann kestyon lo Bidze *SLA*. Premyerman mon ava kriy Onorab Francois Adelaide.

HON FRANCOIS ADELAIDE

Mersi Mr Chair. Bonn apre midi Minis avek ou delegasyon. Les mon dir lepep Seselwa napa nanryen pou zot enkyet. Napa nanryen ki'n arive. Be apre zot a tann mon repons e zot menm zot a zize. Minis, mwan mon kestyon i vreman senp *in*

regards to Licensing. Bomaten nou ti pe koz lo *ease of doing business*.

E mon konnen poudir mon an kontak pre sirtou avek bann drayver e la vi ki nou pe koz lo *going digital*. Nou annan sa *drive ek license*. Petet ki ou annan pou dir nou avek sa *drive ek license*, pou li vin elektronik pou ki i pli fasil pou en Seselwa deplase? E pa ganny problemm avek lapolis. Akoz bokou bann mekontantman par ler i vini. I pa vedir ki nou pa anvi mars avek. Be par ler ou bliye ou konnen *human error*.

E bann dimoun i ganny en pti gin problemm lo semen. Petet donn nou en pti lespwar la. E bann dimoun deor a tande. Mersi.

MR DEPUTY SPEAKER

Mon ava envit *panel* pou pran sa kestyon.

MINISTER DEVIKA VIDOT

Mersi Mr Chair. *CEO* ava donn detay.

CEO RONNY ANTAT

Bonn apre midi a tous. Mersi Chair. Mersi Minis. *Thank you* Onorab osi pou sa kestyon. Zisteman Onorab inovasyon i en keksoz ki nou pe pran o serye anba sa Minister.

Anliny avek sa i annan bann demars ki nou pe fer pou aktyelman fer sa *driving license* li menm vin *digital*. Nou pou konmans avek bann *soft launch* si ou le dir *before the end of the year*. E *by* lannen prosenn nou pou lans en pli gro proze kot ou pou kapab fer tou keksoz absoliman *online* avek ou *driving license*. Mersi.

MR DEPUTY SPEAKER

Prosen entervenans lo lalis Onorab Naddy Zialor.

HON NADDY ZIALOR

Mersi Mr Chair. Bonn apre midi Minis avek tou dimoun ki lo panel. Mon pe regard dan *budget book*; enn bann *major achievements 2022-2023*, se zot in lans premye faz pou met servis *SLA online*. Pou sa mon ti a kontan felisit zot. Parske nou pe bouz ver en *e-government*. Mon mazine i fasilite bokou lavi bokou nou sitwayen.

Sepandan dan zot *current challenges*, zot in fer konpran ki i annan en *lack of SOPs* ant bann *agencies* ki *involve licensing, regulating* avek *administrative*.

Dan sa loptik, mon pe petet demann avek ou Minis ki zot plan kour term e long term

pou fer sa realize? Parski la mon mazin en senaryo an partikilye lo Praslin letan nou ti pe vizite, i annan bann dimoun ki annan bisiklet ki zot vwar zot bezwen fer doub administrativ. Pou ki zot kapab ganny zot *license*.

So dan sa loptik mon mazine ki mannyer nou kapab fasilite zot lavi. Parski zot bezwen liaise avek lapolis. Sorti dan en distrik al dan en lo, t kan i annan de stasyon lapolis ki kapab fasilite sa prosedir. Pou ki vremen nou met servis en pti pe pli pre avek nou popilasyon. Mersi Mr Chair.

MR DEPUTY SPEAKER

Mon ava envite panel pou donn en larepons.

MINISTER DEVIKA VIDOT

Mersi Mr Chair. Mersi Onorab pou kestyon. Dan kour term, ki *SLA* in fer se ki in bezwen travay avek bann lazans kot ti pe ganny en pe plis *challenges*. Lo administre *regulate* bann *license*. E de la zot in kapab travay ansanm e kree sa bann *standard operating procedures*.

Savedir zot in agree lo fason ki mannyer pou travay avek kanmarad. E prensipalman i annan de lazans ki zot in fini fer sa avek. Sa se

Departman Tourizm e osi Minister Lasante.

So dan kour term sa i fason ki nou bezwen fer. *Still manual* lo lagreman lo papye. Me long term solisyon ki nou bezwen al anver se solisyon nimerik. Se sa ki pou anmenn sa kolaborasyon antre bann lazans. San menm bezwen antre dan bann konplikasyon Lagreman ouswa bann prosedir ki bezwen ganny dokimante. Akoz tou sa la pou ganny fer otomatik.

E bomaten mon ti pe diskite lo sa *investment portal*. Sa i pou en fason kot nou pou kapab met bann Lazans konsernen lo sa *portal*. Pou ki nou kapab nou tou pe koz menm langaz.

So letan en laplikasyon i ganny soumet kot *Licensing*, otomatikman Minister Lasante dizon si li ki bezwen donn en pwennvi lo la, i pou pe ganny averti. I pou kapab pe donn son *input* lo la. E kliyan osi lo son kote i pou kapab vwar kote son laplikasyon pe ale. So, sa i fason ki nou pe al ladan. Mersi.

MR DEPUTY SPEAKER

Mon pou envit aprezan Onorab Romain pou pran ou kestyon.

HON GEORGES ROMAIN

Mersi Mr Chair. Bonn apre midi Minis ek ou *panel*. Minis, bomaten osi mon'n fer resorti kot ler nou ti pe koz lo *ease of doing business*. Nou tou nou konnen *Licensing* i parmi kle dan *ease of doing business*.

E mon'n vwar dan zot nonfinancial *assets* kot i annan R3 milyon, pou striktir reparasyon batiman. E mwan menm mwan detrwa fwa mon'n al laba i pa vremen en landrwa ki *welcoming* ler ou antre dan sa biro.

E toultan ou antre ou bezwen pran en pti tiket pou asize. I vremen – pou sa louvraz ki zot pe fer I ...e alors mon kestyon Minis, ki vremen zot pe mazin fer pou sa lofis li menm li, ki kapab akeyir dimoun dan en fason pli konfortab?

E zot menm zot bann travayer zot kapab desarz zot louvraz dan en fason pli responsab? Mersi Mr Chair.

MR DEPUTY SPEAKER

Mon ava envit *panel* pou donn en larepons.

CEO RONNY ANTAT

Mersi Chair. Mersi Onorab. Zisteman Onorab zis pou fer Lasanble osi, lepep okouran ki depi komansman sa lannen, i annan plizyer bann proze ki nou pe fer *internally* dan *SLA*.

Kot nou pe re aranz bann diferan fasilite.

Par egzanp nou annan bann *new partitioning* ki pe arive. Bann nouvo fason kot nou pe *accommodate* staf pou zot kapab ganny en pti lofis pou asiz ladan. Fer sir ki nou prodwi sa *condusive environment*.

I zis ki an se moman nou pa ankor ariv lo sa bout anba. Akoz *at the same time*, nou pa kapab ferm sa landrwa. *Then* i pou vin en lot konplikasyon.

Me selman anliny avek sa 3 milyon, nou'n gannye la dan Bidze i pou konpletman re aranz anba. Nou konnen i en konsern ki en bon pe dimoun ler i vini i annan sa konsern *privacy*.

Spesyalman si ou pe *deal* avek bann *trade licenses*. So i annan provizyon ki'n ganny fer pou osi pou nou ankadre serten porsyon dan bann landrwa kot i annan – *trade licenses* kot i annan *issue*.

Anplis pou nou kapab met enn de bann fasilite, par egzanp *even* lo kote ki mannyer nou fer nou bann *advertisement and all that within SLA*.

Ki bann kliyan ler zot la zot osi pe ganny bann nouvo lenformasyon. So tousala i dan bann prosedir ki nou pou met

an plas pou lannen prosenn. Mersi.

MR DEPUTY SPEAKER

Mon pou aprezan envit – Onorab Romain ou annan klarifikasyon?

HON GEORGES ROMAIN

Mersi Mr Chair. Mersi *CEO* pou larepons. Mon vremen apresye. Mon ti a kontan travay i ganny fer. Me par kont mon anvi osi dir, kanmenm sa lanvironnman i koumsa, zot staf i vremen donn en bon servis. E mwan mon vwar mon ganny en bon servis. E dimoun osi i dir pareyman.

Me selman par kont ler sa louvraz pou konmanse, mon pe mazine ki provizyon ki zot pou fer pou kontinyen kapab donn sa servis? Akoz definitivman mon mazine kefwa pou bezwen ferm sa landrwa. So eski provizyon? Mersi Mr Chair.

MR DEPUTY SPEAKER

Mon envit *panel* pou klarifye.

CEO RONNY ANTAT

Thank you Chair. Onorab, zisteman anliny avek nou renovasyon nou osi anba diskisyon avek Departman Transpor, nou pe fer aktyelman provizyon pou nou desantraliz

serten servis, pou tir anvil, pou nou get posibilite met zot eksteryer, kot nou pou *provide* plis staf. Parey la ou kapab realize nou'n re konmans ofer servis peyman kot *VTS*.

So, i anliny avek *provide* plis sa servis ki dan plas pou fer dimoun kontinyelman vin anvil dan sa sel lokasyon. So nou pe *slowly* nou pe desantralize. E anliny avek tousala osi, nou annan proze pou fer pran enn nou bann lofis pou fer vin en *digital hub*.

Kot nou pou plizoumwen promot e asiste dimoun, pou kapab *basically* servi nou bann provizyon *online*. Dan sa sans i osi pou nou *provide* plis sa servis avek kliyan. Fer pli efikas, ki dan le sans ki osi pa neserman ki en dimoun i bezwen vin debout dan laliny pou bezwen vin anvil. Mersi.

MR DEPUTY SPEAKER

Lot Manm ki le entervenir lo sa heading se Onorab Labrosse.

HON RICHARD LABROSSE

Mersi Mr Speaker. Bonn apre midi Minis ankor en fwa ek delegasyon *Licensing*. E mon pou osi felisit Mr Antat pou ou apwentman. E ou fer nou fyer konman en zanfan Plaisance. Kontinyen kit nou paviyon flote.

Mr Speaker, mon kestyon i lo *current challenges*. Mon vwar ki premye *bullet point*, zot pe fer resorti ki zot pe ganny serten kontrent avek sours finansyel pou revwar *Licensing Act* e son regilasyon.

Mon ti a kontan kekfwa si ou ti a kapab donn nou en pti pe plis briyevman kwa vreman ler zot pe koz zot pe ganny kontrent avek resours finansyel.

Aprè mon dezyenm kestyon *CEO* ek Minis, ki mon ti a kontan met devan, eski kot *Licensing* zot ankor annan sa kot nou dir, i annan serten biznes ki ganny rezerve zis pou Seselwa egzaktaman? Kot etranze pa sipoze antre ladan? Mersi.

MR DEPUTY SPEAKER

Mon envit *panel* pou donn en larepons lo sa kestyon.

CEO RONNY ANTAT

Mersi Onorab pou konpliman e *as well* pou kestyon. Premyerman sa kontrent finansyel ti enn ki ti baze lo sa *previous Bidze*.

La an se moman i *actually* en keksoz ki nou'n fer provizyon pou dan sa nouvo Bidze. E nou'n enkli li dan sa Bidze ki la.

So *hopefully* avek laprouvasyon, *that would not be*

a problem anymore. E dezyenmman, nou ankor *still* annan bann biznes ki rezerve avek Seselwa.

They go through sa ki nou apel en *economic needs test* ki *go through SIB*. Kot la i *provide* zot avek bann kondisyon pou si zot osi bann etranze zot kapab fer sa bann tel aktivite. Mersi.

MR DEPUTY SPEAKER

Mersi, *panel*. Sa ti dernyen entervenan ki ti'n endike. Anr ou ti annan en lot kestyon adisyonnèl? Akoz pou kek rezon mon'n *tick* ou non. Ou pa ti ankor demann ou kestyon. *Ok, sorry* Onorab. *Please proceed*.

HON MICHEL ROUCOU

Mersi Mr Chair. Bonn apremidi Mr Antat - enn mon koleg lekol. E bonn pare midi Mrs Victor enn zabitan mon distrik, en zanfan Mont Fleuri.

Mr Speaker, Onorab Romain in tous lo mon premye kestyon. Be selman mon annan en kestyon ki mon anvi demann avek *CEO* atraver ou Mr Chair. I annan bokou -. I annan en kestyon ki mon ti demann avek Minister pou Transpor. I annan bokou vol espesyalman an term lo kote bann *scooter*, ki pe ganny arive dan pei an se moman.

E mon ti a voudre konnen *Licensing* li menm li, ki travay zot pe fer an term *enforcement*. Pou fer sir ki nou dekouraz sa bann tel aktivite ki pe ganny arive.

E ki sa i ava anmennen ki plis bann dimoun ki annan sa fasilite transpor, ki zot ava santi zot an sekirite. Mersi.

MR DEPUTY SPEAKER

Mon ava envit *panel* pou sa kestyon.

CEO RONNY ANTAT

Mersi pou ou kestyon Onorab. Zisteman ryen a dir, i annan bokou kliyan, bokou Seselwa ki *call*, kot serten bann sityasyon kot nou vwar i annan bann serten aktivite ilegal ki arive kot zot demann nou lasistans.

Nou toultan pare pou asiste avek nenport provizyon lenformasyon ki zot vwar li – zot neserer zot bezwen. *As long* ki *of course* i reste dan *boundary of the Access to information*.

Vedir ki nou pa kapab devwal bann lenformasyon ki ganny konsidere konman personnel. Me selman nou *go to the extend*, pou nou kapab asiste avek okenn lenformasyon ki pou asiste en dimoun pou kapab rekiper son bann byen.

E anliny avek sa osi, *I am happy to say* i kote *Licensing* sa

lannen, nou'n pran en desizyon. Kot nou'n fer transformasyon kot nou pe *focus* plis lo *spot check* ki lenspeksyon. So dan sa fason nou annan en pli gran *presence* dan diferan lokasyon. Kot nou menm nou kapab pase. Nou vwar bann tel aktivite kot nou kapab pe *deal* avek.

I annan serten aktivite par egzanzp kot nou travay plizoumwewen avek bann lotorite *enforcement*, parey lapolis. E mon bezwen dir ki nou annan vremen en bon antandi ek kanmarad. Kot nou asiste kanmarad avek bann tel sityasyon. Mersi.

MR DEPUTY SPEAKER

Mon pou envit en dernyen Manm. Se Onorab Naidoo.

HON SATHYA NAIDOO

Mersi Mr Chair. Bonn apre midi Minis ek ou delegasyon. An relasyon avek zisteman size *enforcement*, mon le konnen ki travay ki'n ganny fer depi ler ou'n antre kot *Licensing*?

I annan pa mal biznes ki pe *operate* san en *license*. I annan plizyer garaz dan pei menm ki pe *operate* san en *license*. E sa bann biznes i vremen rantab. Zot fer bann profi ase enorm lo bann

konsonmater. E ler *license* pa pe ganny *issue*.

E i annan bann lezot responsabilite tel ki *tax* ki pa ganny peye. Alors ki travay ki zot pe fer avek bann diferan *stakeholders* pou zot kapab adres sa sityasyon ki zot annan pou *deal* avek? Mersi.

MR DEPUTY SPEAKER

Mon envit panel pou donn en larepons.

CEO RONNY ANTAT

Onorab, mersi pou ou kestyon. Zis pou fer en klarifikasyon. Nou aktyelman pa pe ganny problemm avek garaz. Me i plizoumwewen avek mekanisyen ki pe *act* konman bann garaz ki pe fer bann aktivite ilegal.

E anliny avek sa, nou bezwen fer kler ki sa aktivite an se moman i pa aktivite ki *licensable*. Ki fer li en pe problemmatik even lo nou kote pou provide *enforcement* lo la.

Akoz anba sa sityasyon, enn ler nou pe fer sa bann *investigation* - sorry - ler nou pe al fer *investigation* pou get sa bann tel aktivite, nou bezwen fer sir ki nou ganny sa ki nou apel *admissible evidence*. Ki pou nou kapab sarz sa dimoun si nou bezwen.

Me pou ganny sa *admissible evidence*, pou prouve ki sa dimoun pe akte konman en garaz ler i en mekanisyon, *it gets a little bit tricky*. E selman ryen a dir, i annan plizyer vizit ki nou'n fer dan plizyer lokasyon. Ansanm avek lapolis, avek sanniter, avek tou bann lotorite konsernen.

Nou'n sey get fason ki sa bann antite zot pran bann aksyon anba zot Lalwa. Akoz annandler i pli senp pou zot pran aksyon. Ler nou pe get lo licensing parey nou'n dir oparavan, parey nou'n mete dan nou bann *challenges*, ki nou lanmen annan de ler i anmare. Akoz nou Lalwa ek nou bann regilasyon.

Me i annan bann lezot antite ki zot kapab adres bann tel *act* en pe pli vit. *So I think that-* mersi.

MR DEPUTY SPEAKER

Mersi *panel*. Sa larepons in anmenn nou lafen nou enteraksyon avek *Seychelles Licensing Authority*. Ki zot bidze i trouve lo paz 548 a 558. E Bidze ki pe ganny propoze pou *SLA* i 26 milyon R670 mil. Mon ava demann tou bann Manm ki an faver sa Bidze pou endike silvouple? Mersi.

Okenn Manm ki kont? Mersi Madanm Deputy Clerk. Vot lo *Seychelles Licensing Authority* pou en sonm 26 milyon R670 mil, 20 Manm in vot an faver. Okenn Manm pa'n *abstain*. Okenn Manm pa'n vot kont. E baze lo la kantite Manm ki prezan dan Lasanble Nasyonal, e sa i selman *Caucus LDS* sa vot in pase par inanimite.

(APPLAUSE)

I reste mwan pou remersi *panel* ki'n – Minis Devika Vidot – espere, en moman. *Panel* ki sorti *SLA* ki'n zwenn Minis Devika Vidot pou apre midi ki ti konpri *Chief Executive Officer* Mr Ronny Antat, *Accountant* Mrs Pettrina Victor. Osi Sekreter Prensipal pou *Investment Entrepreneurship* avek *Industry* Mr Michael Nalletamby.

Nou prosen antite ki nou pou konsider son Bidze sa i *Enterprise Seychelles Agency* ouswa *ESA*. Nou program ti'n planifye ki zot pou vini 4er. E nou sipoze enterakte ek zot ziska 5er edmi. Me ki nou pou fer, nou pou *adjourn* la. Nou pou rebran travay 4er mwen zen kar.

So 15 minit avan ki en manner nou a kapab fini

bokou pli boner. Zot konpran e dakor avek sa ki mon pe dir. So nou ava *adjourn* la. Nou ava rebran travay 3er 45.

(BREAK)

ENTERPRISE SEYCHELLES AGENCY

MR DEPUTY SPEAKER

Welcome back tou dimoun. E nou pou kontinyen dan Staz Komite nou *Appropriation Bill, 2024*. E prosen antite ki nou pou enterakte avek se *Enterprise Seychelles Agency*. Nou ava demann Madanm *Parliamentary Reporter* pou apel delegasyon. E zot Bidze i lo paz 520 a 527.

Mon ava dir bonn apre midi e la byenveni dan Lasanble Nasyonal delegasyon ki sorti kot *Enterprise Seychelles Agency* ki'n zwenn Minis Devika Vidot Minis pou Lenvestisman Lantreprenarya avek Lendistri, nou delegasyon *ESA* i konpri Sef Egzekitif Manmzel Lisa Low Toy. E osi i annan Mrs Ursula Marengo *Accountant* e Mrs Lindy Cupidon ki *Human Resources and Budget Management Officer*.

Nou touzour annan nou de zofisye Minister Finans avek nou Mr Commettant avek

Manmzel Adrienne sorti kot Minister Finans. Donk, nou pou envit Minis la fer lentrodiksyon. Apre lasal lasal ava ouver pou kestyon so ava ouver pou kestyon sorti kot bann Manm.

MINISTER DEVIKA VIDOT

Mersi Mr Chair. Manda Lazans Lantrepriz Sesel *ESA* se pou enplimant bann Polisi e stratezi Gouvernman relye avek bann biznes, avek servis ek ek sipor nesaser.

Alokasyon total ki pe ganny propose pou *ESA* pou 2024 i R11.6 milyon. ki reprezant en logmantasyon anviron 2.4 milyon konpare avek Bidze 2023.

Sa i reprezant en logmantasyon anviron 23poursan. Ki relye prensipalman avek logmantasyon dan *program business development*. E i annan en aktivite spesifik ki nou anvizaze antreprann lannen prosenn. E sa I en *EXPO* ki pou konekte bann biznes *L'Afrique* avek bann biznes – e ki enkli biznes lokal avek bann *suppliers* ki sorti *La Chine*.

Lot logmantasyon i dan *wages* parske nou'n kapab transfer. Sa se zis en lazisteman dan Bidze kot nou'n transfer bann travayer laboutik

Artizan Des Zil. Kot oparavan ti ganny *catered for anba goods and services*.

E la zot pou ganny anploye permanan avek *ESA*. Mr Speaker mon demande ki tou ban Manm Onorab i siport e aprouv Bidze pou *ESA*. Mersi.

MR DEPUTY SPEAKER

Mersi Minister. Donk, prezan lasal i ouver pou kestyon sorti kot bann Manm. E premye entervenman mon pou apele se Onorab Hoareau.

HON JOHN HOAREAU

Mersi Mr Chair. Mr Chair, mon napa en kestyon *as such*, me selman mon annan en mo remersiman pou Minis avek son lekip *ESA* osi. Ki pe donn Beau Vallon *waterfront* -. en nouvo laparans kot pou annan plizyer bann kiosk ki pe ganny konstrir la an se moman.

E sa osi pou anmenn en nouvo vizaz. En nouvo *boost* pou biznes dan Beau Vallon. So de lapar bann dimoun Beau Vallon, mon pou remersye zot pou sa.

E osi mon vwar la lo bann *new approved spendings*, ki i annan *recruitment* pou en *lease officer*. I annan *recruitment* pou sekirite. I osi annan provizyon pou *waste collection* lo

waterfront. So, mon espere ki avek sa bann *new approved spending* ki nou ava vwar en nouvo vizaz la Beau Vallon lo *waterfront*.

Ki sa landrwa i ava reste prop la premyerman. I ava dan sekirite pou *both* viziter avek bann lezot *tenants*. E bann dimoun ki pe sirkil dan sa landrwa. E osi nou ava vwar ki landrwa ava ganny byen amenaze avek bann koleksyon bann *lease* pou fer sir ki i zer sa landrwa dan en fason byen, dan en fason kot i annan lord. Mersi.

MR DEPUTY SPEAKER

Nou envit panel fer en komanter lo sa sizesyon *or? Proceed*.

MINISTER DEVIKA VIDOT

Mersi Mr Chair. Non, nou napa vremen an plis pou azoute. Eksepte pou dir mersi Onorab, pou lefe ki in rekonnèt travay vremen dir, ki tim *ESA* in fer, pou nou kapab realiz proze. E proze pe al ganny lanse byento. Mersi.

MR DEPUTY SPEAKER

Mersi *panel*. Donk, prezan mon ava envit Onorab Woodcock.

HON WAVEL WOODCOCK

Mersi Mr Chair. Minis, mon apresye ki *Seed Capital* in

ganny *reinstate* depi 2022. E 2023 osi ti annan alokasyon 5 milyon. E pour 2024 osi pou annan ankor alokasyon 5 milyon pou *Seed Capital* pou bann *small medium enterprise*.

Mon kestyon i en pti pe lo regardan sa lokasyon ki zot pe fer. Pou sa lannen ti annan annefe en sesyon ki ti ganny fer pou envit bann pti biznes pou *attend*. Pou zot ganny en pe plis lenformasyon lo sa *Seed Capital*.

E sa ki mon ganny en konpran se ki sa lannen target sa *Seed Capital* i pou bann *innovative businesses*. Me selman *challenge* ki nou pe gannyen i annan en ta bann pti biznes, ki pe fer fas avek bann defi pou zot ganny sa finansman, sa kapital.

E lannen pase *Seed Capital* ti target bann sekter spesifik. Si mon pa tronpe lannen pase ti pe target *agriculture and fisheries*, mon krwar. Sa lannen i pou *innovative businesses*.

An vi ki ozordi bann pti biznes pe ganny difikilte pou ganny akse avek kapital finansman, petet *going forward* si ler zot pe donn sa *Seed Capital* pou *startup*, si zot pa kapab konsider bann sekter ki spesifik, pou serten bann rezyon ou distrik.

Akoz petet i annan serten sekter ki pa pe neseserman ganny sa sipor, sa finansman pou zot antre dan zot biznes.

I annan en kantite bann zenn *businessmen* lo Praslin, bann *businesswoman* lo Praslin, ki pe fer en kantite. Zot pe seye, me selman en ler zot vwar zot pe bat ek en miray akoz zot pa pe ganny sa sipor. Sa lasistans ki zot bezwen. Mersi.

MR DEPUTY SPEAKER

Mon a envit panel pou repons.

CEO LISA LOW TOY

Bonn apre midi Mr Chair. Bonn apre midi tou Manm Onorab e tou dimoun ki pe ekoute dan lakour. Mersi Onorab pou ou kestyon. Onorab annefe *Seed Capital* depi lannen pase i pe target bann sekter priyorite Gouvernman.

Me selman enn bann kriter osi ki nou pe regarde se bann biznes inovativ. Me selman en keksoz ki nou'n remarke sa lannen, sa i espesyalman bann laplikasyon ki nou pe gannyen sorti lo Praslin ek La Digue.

Se ki vre parey ou pe dir, menm si Gouvernman sa Polisi *Seed Capital* i pe adres bann sekter priyorite avek bann biznes inovativ. Nou pe vwar

laplikasyon ki nou pe gannyen lo sa de zil, i pou bann lezot biznes ki nou nou konsider li konman *common businesses*.

Petet akoz pou zot zil i en pti pep li pti. E i bann defi ki sa bann biznes pe rankontre spesifikman lo sa zil. E bann servis ki zot, zot anvi donner pou zil, me Selman ki pa neserman pe ganny kouver anba *Seed Capital*.

Me selman sa i en keksoz ki nou'n note akoz apre sak *opening of Seed Capital ESA* i bezwen fer en rapor tou bann *findings* ki'n ganny fer; ki'n ganny trouve pandan sa lannen.

E sa i deza en *finding* ki nou'n fini vwar. Ki nou'n konmans fer sa diskisyon avek bann antite konsernen. Pou nou regarde si i en keksoz ki Gouvernman i kapab regard ladan, espesyalman pou sa bann zil parey Praslin ek La Digue.

Si nou kapab fer en lot lankadremman ki pou kapab asiste sa bann ti biznes lo sa zil. Akoz parey mon pe dir ou, vremen nou vwar zot laplikasyon i bon. Me selman i tonm dan kategori *common businesses*. E i pa neserman pe *meet* kriter anba sa bout inovativ.

MR DEPUTY SPEAKER

Mon pou aprezan apel Onorab Romain.

HON GEORGES ROMAIN

Mersi Mr Chair. Bonn apre midi Minis ankor avek ou nouvo delegasyon. Mwan mon kestyon Minis i viz ver kot La Retraite kot devlopman bazar, ti annan - ansanm ek *ESA*, kot mwan menm mon mon'n ganny sans asiste *meeting*. Ki *ESA* ti'n ganny responsabilite pou devlop sa landrwa.

E alors mon pe regarde si i annan okenn mezir kekfw ki annan ki pe mete dan sa Bidze pou 2024, ki pou annan en kontinyasyon, pou nou kapab travay lo sa landrwa.

Akoz *ESA* ti'n ganny sa responsabilite pou vin avek bann plan. Pou kapab met ban pti biznes kot bann dimoun dan distrik a kapab benefisye. Mersi Mr Chair.

MR DEPUTY SPEAKER

Mon ava envit *panel* pou donn en larepons.

MINISTER DEVIKA VIDOT

Mersi Mr Chair. Mersi Onorab pou kestyon. Mon mazin ki difikilte ki *ESA* ti pe rankontre an se ki konsern sa proze. Ti vin an relasyon avek later. *Ownership* later. Ti annan en

kantite ale, vini e ki plan pa'n zanmen kapab vreman ganny fer. Akoz ti annan bann diskisyon lo ki kote taso. Pou bezwen re fer *survey*, eksetera. E alor SFA in deside pou re regard sa proze li menm. Mersi.

MR DEPUTY SPEAKER

Onorab Michel Roucou.

HON MICHEL ROUCOU

Mersi Mr Chair. Minis, si ou kapab dir avek nou konsernan *grant* li menm li, ki ESA i fer bann pti biznes gannyen. Si ou kapab dir nou konbyen bann pti biznes ki'n benefisye avek? E osi konbyen ki dan *queue* ki pe espere?

Apres osi nou'n vwar pou 2022, ki annan en sonm pou aryeraz ki ESA in anmanse. Si i kapab dir nou ankor ki kantite aryeraz i reste ankor ki ESA i bezwen anmase? Mersi.

MR DEPUTY SPEAKER

Proceed panel.

CEO LISA LOW TOY

Bonn apres midi Onorab. Mersi pou ou kestyon. Si mon al pou ou premye kestyon pou *Seed Capital* an 2017 nou ti annan nou 100 aplikan ki ti ganny *Seed Capital*.

2018 - 85.

2019 - 95.

2020 - 27. 2021 pa ti fer pou rezon COVID. 2022 nou annan nou 13 ki ti gannyen. E pou sa lannen nou fek fini fer *closure of Seed Capital*. So, i ankor dan staz evalyasyon. Mon pa pou kapab dir ou kantite aplikan ki'n *successful*.

Lo dezyenm parti an term aryeraz mon pou napa *statistic* spesifik, ki kantite aryeraz i annan *outstanding* pou le moman. Me selman an term sa ki nou'n kolekte, nou annan nou sa sonm 156 mil 685.

Me selman sa ti ziska Septanm. Ti pou sa lannen. Ti *from* Zanvye 2023 ziska Septanm 2023. Me selman i aryeraz depi 2022. Me selman mon kapab fer ou ganny lenformasyon ki kantite aryeraz ki nou annan *outstanding*.

MR DEPUTY SPEAKER

Ou annan klarifikasyon Onorab?

HON MICHEL ROUCOU

Savedir ou pe dir mwan la CEO, savedir zot pa ankor konnen egzaktman konbyen ki'n *apply* pou, savedir zot pa ankor konnen egzaktman konbyen ki'n *apply* pou sa lannen la, en? Lo kote *grants*?

CEO LISA LOW TOY

Lo kote *Seed Capital* nou annan nou 96 aplikan. Me selman parey mon'n dir ou, nou fek konmans prosedir evalyasyon. So nou pa ankor konn sif konbyen ki'n kalifye.

MR DEPUTY SPEAKER

Mon ava aprezan apel Onorab Richard Labrosse.

HON RICHARD LABROSSE

Mersi Mr Speaker. Bonn apre midi Minis ankor en fwa avek lekip *ESA*. Mr Speaker zis met dan ou latansyon *CEO ESA* i sorti Plaisance. E sa i fer ki i annan de *CEO* ki'n pas kot nou ozordi. I montre ou ki nou en bastyon ki apartyen bann dimoun entelizan dan sa pei.

Mr Speaker, mon kestyon pou lo laliny aryeraz en pe ki'n ganny demande la, *CEO* oubyen Minis mon ti a kontan si zot ti kapab konfirm avek Lasanble, si an se moman zot annan zot en mezir vreman serye an plas. Kot i konsern peyman bann fasilite ki *ESA* i lwe ek bann dimoun. Pou fer sir ki nou pa vwar nou ankor pe tay deryer pou anmas aryeraz.

E mon dezyenm kestyon Mr Speaker, i en pe rol *ESA* parmi la popilasyon la deor. Menm parfwa dan distrik osi parfwa dimoun i demann nou en pe. E la mon ti a kontan

konnen si dan sa Bidze, zot pe met en pti larzan pou fer en pti pe sansibilizasyon anver zot rol, e osi zot lorganizasyon?

E vi Minis ki mon'n dir ki en abitan ki pe ansarz *ESA* ki sorti dan mon distrik, mon'n vwar dan ou *current challenges* ou pe koz lo lespas. E mon fer sir ki mon bann zabitan pe travay an konfor.

E alors dir nou si i annan en travay ki pe ganny fer, pou kapab revwar en pe bann lespas pou mon staf, pou son staf e ensi ki li. Mersi Mr Speaker.

MR DEPUTY SPEAKER

Mon ava envit *panel* pou en larepons.

CEO LISA LOW TOY

Mersi Onorab pou ou kestyon. Pou konmanse an term aryeraz, depi ki mon'n antre dan lofis sa lannen mon'n fer li en priyorite pou mwan vwar ki kantite aryeraz. Akoz i ti en pti pe soka pou vwar poudir bann *tenants ESA*, zot benefisy avek *subsidized rent*. Me selman nou ti vwar poudir ki i annan *tenants* ki son aryeraz ti en nivo en pti pe bokou.

So ki nou pe fer ansanm avek nou seksyon lentelizans biznes ki nou annan, tou le mwan nou anmas *statistics* kantite aryeraz ki nou annan.

Bann *tenants* ki an retar avek zot peyman. E nou seksyon *property* i *follow up* avek sa bann *tenants*.

Nou annan zot deza ki nou'n fini antre lo en *repayment plan* avek nou. I annan ki pe fer – zot fer sir poudir zot konform avek sa *repayment plan*. Zot pe fer li byen *monthly*. Me i annan *unfortunately* ki nou pou vwar nou tanzantan nou pou bezwen pe tay deryer zot. Pou fer sir.

Me selman an zeneral mon kapab dir poudir mon satisfè ziska prezan, an term konversasyon avek konformite ki sa bann *tenants* ki ti annan aryeraz. Zefor ki zot pe mete pou zot fer sir poudir ki zot *clear* zot bann aryeraz ki zot ti annan.

Ou dezyenm keston an term rol *ESA*, parey Minis in fer sorti dan statement, rol *ESA* se i sa lazans ki enplimant bann Polisi e stratezi Gouvernman relye avek biznes. E pou osi asiste devlopman bann biznes avek bann sipor e servis neser.

Me selman enn bann pli gro defi ki mon kapab dir ki lazans nou pe fer fas avek, se ki i ankor annan bokou konfizyon deor parmi manm piblik. E menm bann biznes lo ki rol *ESA*.

Akoz parey nou tou nou konnen poudir *ESA* se *SIDEC* ki ti sanze apre ti vin *SENPA*. E *SENPA* ti vin *ESA*. E pandan letan ki ti *SIDEC* avek *SENPA*, son manda prensipal i ti regard *cottage industry* e artisan.

E bokou fwa menm ziska prezan ou pe ganny ou sa bann *cottage businesses* avek bann artisan ki ankor pe vin kot nou ki zot krwar poudir manda *ESA* i ankor parey. E menm larestan biznes.

E menm parfwa serten antite Gouvernman menm en pti pe konfize an term rol *ESA*. E i fer ki nou ganny pa mal defi an term par egzant operasyon. Ki mon krwar nou bezwen zve en rol en pe pli enportan lo sansibilizasyon.

So parey ou'n vwar en nou ban priyorite pou 2024 se fer bann sesyon ledikasyon lo ki rol *ESA*. Ansanm avek Minister osi. I annan en parti sa dan zot Bidze. Se ki pou asiste nou pou pa zis *ESA*, me selman bann Lazans anba Minister li menm *MIEI*.

Akoz baze lo *feedback* ki nou gannyen i annan bokou, bokou dimoun deor pa pe vremen konnen ki rol sa bann Lazans ki tonm anba Minister.

E sa i form par dan *ease of doing business*. I pou osi asiste avek sa prosedir kanpany

ease of doing business. Mon krwar mon'n mank ou trwazyenm kestyon Onorab. Si zis ou ti kapab re –

HON MICHEL ROUCOU

Mon krwar ti pou Minis sa enn trwazyenm. Mon'n vwar ki dan zot *current challenges* zot in fer sorti ki zot annan en pe problemm lespas. Mon ti pe gete si Minister, zot pe mazin kekfw pou re vwar en pe *reallocate* ESA. Mersi.

CEO LISA LOW TOY

Ok Onorab. Wi, nou annan – nou pe fer fas deza avek en kontrent lespas. Parey zot konnen, poudir nou lofis i ganny trouve *Camion Hall*. Nou lo *first floor Camion Hall*. E *Camion Hall* li menm li, i ti en batiman ki ti'n ganny *design* pou bann laboutik. Pa neserman ganny fer *for office spaces*.

E ki nou pe sey fer la. Nou'n remarke par egzanp, nou ti annan en kantite pti partisyon ki ti pe ganny servi konman lofis. E nou ki nou pe sey fer, an vi ki nou annan pti git lespas se ki nou pe revwar.

Actually, nou'n konmans sa konversasyon avek Lazans lenfrastruktir ki zot in vin fer en vizit. Pou nou regarde ki manner nou kapab sanz sa

bann striktir sa bann ptipti lofis. Pou nou fer plis open spaces. Ki kapab petet asiste nou petet avek en pti pe plis lespas pou nou staf.

MR DEPUTY SPEAKER

Mon pou aprezan apel Onorab William.

HON WAVEN WILLIAM

Mersi Mr Chair. Bonn apre midi nouvoveni dan lekip *Minister*. Mr Chair, mon kestyon i *comme swivant*; mon anvi refer Minister avek *strategy priorities 2024/2026 bullet point number 3*. Kot i pe koz lo fer provizyon pou loportinite pou *business* pou *showcase* zot bann prodwi avek servis.

Letan mon pe analiz en pti pe fason fer, mon vwar ki bann prodwi lokal, lavant dan marse lokal li menm li, par lefe ki i annan plizyer ki pe fer preski menm keksoz, petet lavant pa mars tro tro byen.

E mon vwar poudir bann sit osi ki ganny idantifye pou fer bann aktivite i apepre parfwa menm landrwa.

So, mon anvi konnen si letan pe fer bann aktivite zot enform bann lotel ki bann touris. I annan plizyer lotel - Mahe, Praslin ki bann touris i kapab ganny mobilize pou

desann pou vin regarde, ki bann lavant i kapab ganny fer.

An menm tan lo kote lorganizasyon, eski lavenir zot pe mazin al en pti pe dan bann rezyon. Akoz ki i arive se ki letan nou pe koz desantralizasyon, nou vwar poudir laplipar bann aktivite i ganny fer dan Victoria.

Me par egzantp si zot pe fer li lo en baz rezyonal, konmsi ti ava donn en pti pe mon kapab dir lankourazman, dan bann rezyon. An menm tan pous bann lezot dimoun.

Petet an menm tan si ou kapab fer nou konnen dan ki sektor ki plis demann pou bann pti biznes avek *micro enterprise*, demann pe vini. Konmsi i ti pou enteresan pou konnen.

An menm tan petet mon konnen zot napa sa lenformasyon anyel, konbyen dan bann ki konmanse ki fermen? Ki petet pa ganny *capture* pou kapab donn serten lasistans. Mersi.

MR DEPUTY SPEAKER

Mon envit panel pou larepons.

CEO LISA LOW TOY

Bonn apre midi Onorab. Mersi pou ou kestyon. Nou ava konmans avek premye an term prodwi lokal avek bann *events*. Annefe nou fek fer enn as part

of lasemenn *GW Global Entrepreneurship Week*. Nou fek fer en *fair* Praslin. Kot bann lotel ti ganny sans pou zot partisipe.

So bann letablisman touristik osi ti ganny sans pou zot partisipe. Me selman mon not ou pwen pou par egzantp desantraliz en pe sa bann aktivite ki nou fer. E fer li par rezyon.

So, sa i ava en pwen ki nou ava met an konsiderasyon letan nou pe fer nou kalandriye aktivite pou lannen 2024.

An term sektor, mon pou napa sa lenformasyon aktyel avek mwan la an term lekel bann sektor ki bann biznes pe montre en pti pe plis lenter ladan. Me selman i bann lenformasyon ki nou kapab fer zot gannyen apre. E an term statistik osi.

Annefe si ou pou regard dan *strategic priorities* dernyen pwen. Enn nou bann priyorite 2024-2026 se pou nou kapab fer en *census*. Pou nou regarde ki kantite *small medium enterprises* ki nou annan dan pei. E ki bann diferan sektor ki operasyon.

Sa osi sa *survey* pou ed nou kapab konpran depi bann biznes in anrezistre, ki kantite ki la ki ankor aktiv. Ki kantite

ki'n fermen. E ki bann defi ki zot in fer fas avek.

Par egzanj bann ki'n fermen ki bann defi ki zot in fer fas avek ki'n fer ki zot in fermen. E bann ki ankor aktiv ki bann keksoz ki zot in fer petet diferaman ki fer ki zot ankor *successful* ziska prezan.

E menm sa zot osi ki bann defi ki zot pe rankontre. E sa bann lenformasyon i ava ed nou Lazans pou nou kapab fer mont devan kot Minister, pou Gouvernman prezan kapab fer bann Polisi. E devlop bann *framework* ki ava kapab asiste sa bann biznes.

MR DEPUTY SPEAKER

Mon ava envit Onorab Kelly Samynadin pou poz son kestyon.

HON KELLY SAMYNADIN

Mersi Mr Chair. Bonn apre midi ankor enn fwa Minis ensi ki nouvo delegasyon *ESA*. Minis, mon premye kestyon i ganny trouve latab *P1 "governance management and administration."* Mon vwar en logmantasyon dan *basic pay*. Sorti 1 milyon 617 pou ariv 2 milyon 617. Si nou kapab ganny en leksplikasyon lo la.

E apre anba *committee allowances* i annan en logmantasyon sorti 27 mil and

2023 pou ariv 252 mil an 2024. Si nou kapab osi ganny en leksplikasyon lo la. Mersi.

CEO LISA LOW TOY

Bonn apre midi Onorab. Mersi pou ou kestyon. Onorab sa premye pwen ki ou'n fer sorti, i parey dan *opening Statement* ki Minis in fer. Sa i konsernan sa 5 travayer laboutik, ki oparavan zot ti anba *goods and services* ki zot ti lo en kontra.

E ki nou ti vwar poudir an term benefis menm si zot ti pe travay avek *ESA*. E zot ti pe konsidere konman travayer sekter piblik. Me selman akoz zot ti lo sa Kontra zot pa ti pe ganny bann benefis ki lezot travayer sekter piblik i gannyen.

So, la sa lannen nou'n ganny *approval* pou nou kapab anploy zot. So se pou sa rezon ki ou pou vwar poudir i annan sa logmantasyon. Akoz la zot pe ganny transfer anba *program 1*, anba seksyon resours imen. E osi prenon kont poudir Korperasyon *Cleaners* in *dissolved*. E nou pe *absorb* sa de *cleaners* ki pe travay avek nou ki ti anba korporativ.

Allowances akoz Bidze 2023 ti napa provizyon pou *allowance* pou pey bann manm. E ki lo Komite Evalyasyon *Seed Capital*. So, sa lannen nou'n fer

provizyon pou nou kapab pey sa bann Manm.

MR DEPUTY SPEAKER

Mon ava envit Onorab Loizeau pou kestyon.

HON NORBERT LOIZEAU

Mersi Mr Chair. Bonzour Minis ek ou nouvo delegasyon. Mr Speaker ler *CEO* in eksplik nou ki bann staz ki *ESA* in pran pou li ariv *ESA* ozordi. In koz lo *SIDEC*, ki mwan mon en dimoun ki'n benefisyè anba *YES Scheme*, ki ti tonm anba *SIDEC*. E mon ti peye.

E par kont anba sa *Scheme* ti en *Scheme* ki ti ed bann pti biznes pou konmanse. *Maximum* R50 mil me par kont ti annan dimoun ki pa ti dan biznes, akoz zot ti konekte. Zot osi zot ti ganny sa larzan manner zot ti pou al fer biznes.

I annan ki ti menm ganny plis ki 200-300 mil par sa bann 50 ki ti donnen. Me ler problemm ti leve e sak fwa ti ariv en problemm non ti ganny sanze. E la i ti vin *SENPA*.

E anba *SENPA* osi parey nou konnen I annan plizyer keksoz ki'n arive. Ki apre non I sanze pou kouver sa. In vin *ESA*. E avek sa saga *SBFA* ki ti arive dan sizyenm Lasanble, nou ti trouve ki I annan dimoun

ki ti pe zis pran larzan malapropo. San fer biznes.

Eski *CEO* I kapab dir nou *ESA* la li or Mr Commettant I kapab dir nou, eski zot in reisi anmas tou sa bann larzan ki'n zis ganny donnen? Akoz mon krwar ti annan en moman ki Labank Devlopman ti pe fer sa travay.

Eski sa larzan in ganny retournen pou antre dan nou lekonomi? E konbyen ki zot in reisi anmase avek sa bann dimoun ki zis pe pran sa bann larzan san fer nanryen avek? Mersi.

MR DEPUTY SPEAKER

Mon ava envit panel pou en larepons.

MINISTER DEVIKA VIDOT

Mersi Mr Chair. Mersi Onorab. Onorab si mon pa tronpe sa case *SBFA* an se moman i Ankour. E alor I annan ban prosedir legal ki pe ganny swiv, pou fer sir poudir bann dimoun ki sipoze peye e la prosedir ava ganny swiv. E le neserer a ganny fer.

Me selman an se ki konsern *Seed Capital* prezan, i annan serten provizyon ki nou'n fer ki nou'n met an plas. Pou fer sir poudir de lavan pou napa sa bann kalite labi e...

Parske nou'n konstate dan bann rapor ki'n ganny fer anba *Seed Capital* menm kot i annan serten labi ki'n ganny pase anba sa bann *scheme*. Mersi.

MR DEPUTY SPEAKER

Mersi *Minister*. Mr Commettant i le azout en keksoz lo sa size.

DEPUTY COMPTROLLER
GENERAL JUDE
COMMETTANT

Thank you Mr Chair. Thank you Onorab. Zis pou fer sorti en pti pwen, sa travay parey i pe dir pou get bann larzan ki ti outstanding pou kolekte. Sa i en travay ki actually an se moman pe ganny fer par DBS. I en travay ki ankor kontinyel.

MR DEPUTY SPEAKER

Mon ava envit Onorab Arissol.

HON SANDY ARISSOL

Mersi Mr Speaker. Bonn apre midi, bonswar preski tou dimoun. Mr Speaker, i enportan pou note poudir kanmenm I 4:18 apre midi, nou lo kote LDS nou ankor la pe travay; pou asire ki saler nou bann travayer ki dan Bidze i ganny vote; pou nou siporte, pa zis koz lo la, parey bann gran prometer pti doner ki'n *walk out* dan nou Lasanble Nasyonal.

An menm tan *best practices* i egzize ki ou pran ou responsabilite. Ou travay. Ou pa taye oubyen *walk out* letan i annan travay dir pou fer. Sa osi i *best practices* ki nou bezwen adopte.

Mon anvi siport Onorab John Hoareau an relasyon avek sa proze Beau Vallon. Me an menm tan mon le ki sa proze Beau Vallon i en proze ki deroul byen anba nou administrasyon.

Tou bann zenn ki'n vin devan ki'n fer zot laplikasyon, zot ganny bon gidans. Zot ganny gide byen pou asire ki i ganny fer dan tou transparans. E tou sipor anba Minis Vidot avek Ms Low Toy ki ansarz ESA.

Mwan mon keston ki mon anvi demande, se larepons ki CEO ESA in donn nou an relasyon avek bann rental. *Rental* depi dan sizyenm Lasanble, nou ti annan en problem *rental* kot ESA. *In regards to* bann lokater ki lwe bann landrwa la. I paret i menm dimoun ki annan problem peyman. Menm dimoun ki an retar.

Be mwan mon anvi zisteman demann avek ESA, eski in annan en evalyasyon ki'n ganny fer, zis lanmenm la kot *Camion Hall* zis pou asire ki bann dimoun ki pe lwe sa landrwa la, i bann dimoun ki pa

bann gro – akoz *ESA* ti ganny – sa bann landrwa ti ganny fer pou ed bann pti biznes, pou zot kapab grandi vin mwayen. Pou zot vin gro biznes.

Me la sa ki enportan pou nou konnen si *ESA* pe fer en evalyasyon pou gete, si sa bann dimoun ki pe *rent* la kot *Camion Hall*, eski ki zot ete zot ankor pti biznes? Zot in vin mwayen biznes?

Oubyen bann dimoun ki annan pli gro biznes e zot annan enn de landrwa partou partou. Kot zot pe lwe. E zot zot pe pey en pti *rental* kot *ESA*. E sa i fer ki lezot dimoun dan distrik ki anvi bouz devan pou li ganny en landrwa pou li lwe, pou li vann son prodwi lokal - pa enporte. E i leve 4er bomaten pou li organize pou li ganny en landrwa.

Alor eski *ESA* pe fer en travay pou asire ki tou dimoun ki la dan *Camion Hall*, zot nepli bann pti biznes. Zot ankor pti biznes oubyen si zot in evolye, pou nou konnen si zot ankor pe devret reste la. Oubyen zot devret bouze parey biznes i dir.

Dezyenmman, mon ti a kontan demann en kestyon mon bann frer mon bann ser ki dan Lesplanad dan *kiosk*. I annan en problem labaparske sak fwa sa bann dimoun annan de fwa zot al fer zot peyman, zot

ganny dir napa resi. Ou pa ti peye mwan pase. Ou pa ankor peye sa mwan.

Me zot parfwa zot konfirman ki zot peye. Be i paret ou a krwar anndan kot *ESA*, bann dimoun ki pe responsab anmas sa larzan ou a krwar zot bann sistenm pa annord. Parey Lalwa Finans i demann nou.

Pou annan en serten resi ziska en pe letan. E bann dimoun souvandfwa zot ganny dir swa in fer peyman, swa pa ankor fer peyman. E bann dimoun pe mirmir en pe an relasyon avek bann ki dan *kiosk*. Mersi bokou Mr Chair.

MR DEPUTY SPEAKER

Mon ava envit *panel* pou donn en larepons Sa de *queries*.

CEO LISA LOW TOY

Bonn apre midi Onorab e mersi pou ou kestyon. Ou premye kestyon an term *rental* lespas *Camion Hall*; anefe nou dan staz finalizasyon avek en papye ki pou al devan *Cabinet*. Ki pou en Polis lo alokasyon lespas, pou bann landrwa ki ganny zere par *ESA*.

E parey ou'n dir enn bann keksoz ki nou pe fer resorti dan sa Polisi, se ki bann *proposal* ki nou pe met devan an term bann *tenants* ki

1) Nou pe vwar poudir zot annan plis ki en landrwa loperasyon.

2) Kantite letan ki zot in la kot *Camion Hall*.

3) Baze lo zot *return*, eski zot ankor tonm dan sa bann kategori pti biznes oubyen zot in bouze pou vin dan en lot kategori. So parey mon pe dir ou sa i en papye ki nou'n deza da staz pe finalize pou al devan *Cabinet*.

E *once Cabinet* nou ganny *approval Cabinet*, then nou pou pe fer *meeting* avek sa bann *tenants* pou nou dir poudir sa Polisi pou vin an plas. E ki bann desizyon ki bann prosedir ki annan dan sa Polisi. *Ok?*

So dezyenm kestyon an term *kiosk Lesplanade*. Mon pa pou – zis pet en pti *background*. Ti annan en pe letan pa la *recently*, kot ti annan en lensidan konsernan *ESA* kot ti annan bann *mismanagement of fund*.

E ti pandan sa bann letan kot ti annan bann peyman ki ti pe ganny fer ki kliyan pa ti pe ganny resi. *Invoice* pa ti pe ganny *issue*. Larzan ti pe ganny anmase me selman pa ti pe vwar kote larzan ti pe ale.

Me selman apre ki sa ki odit ti ganny fer tou sa bann keksoz – sa bann defayans in ganny fer resorti. Mon pou

kapab konfirman avek ou la Onorab, poudir napa en *tenant* ki vin fer peyman ki pa pe ganny resi. So tou *tenants* ki pe vin fer peyman zot pe ganny zot resi. E letan zot vin fer peyman osi nou Seksyon *Account* i enform zot si zot annan okenn aryeraz.

So si ou pe vin fer peyman pou mwan Novanm me selman ou annan aryeraz depi Septanm, Seksyon *Account* pou enform ou, pou dir sa peyman ki ou pe fer la i aktyelman peyman Septanm.

Ou pou *still* dwa pou mwan Oktob. Ou pou *still* dwa nou pou mwan Novanm. So, sa i en keksoz ki Seksyon *Accounts* i fer sir nou *up to date* avek.

E mon a profit sa lokazyon osi pou mwan petet lans en lapel avek nou bann *tenants*. I en konversasyon ki nou'n deza konmanse avek zot pandan sa lannen.

Ki nou pe dir zot. Nou pe ankouraz zot pou zot servi lezot metod peyman apard ki *cash*. Par egzanp pou zot fer *bank transfer*. Oubyen menm pou zot fer peyman avek kart. Nou annan nou nou masin *POS*, pou nou kapab sey dekouraz sa tranzaksyon *cash*. Pou nou minimiz.

Annefe enn nou bann priyorite osi pou 2024 ki nou

anvizaze in fini enplimante par lafen 2024, se pou nou *reduce* tranzaksyon *cash* avek nou bann *tenants*. E pou ankouraz lamazorite zot pou servi lezot sistenm peyman apard ki *cash*.

MR DEPUTY SPEAKER

Ou annan klarifikasyon Onorab?

HON SANDY ARISSOL

Mersi *CEO* pou ban larepons. Mon ti anvi zis en pti klarifikasyon *in regards*, letan zot pe fer sa travay, pe prepar sa papye pou anmenn *State House*, mon ti a kontan demann ou be zisteman eski i annan demann pou lespas?

Eski i annan dimoun - kantite kekfw demann ki zisteman pou lespas. E an menm tan letan zot pe fer sa travay, pou asire bann *level of* dimoun ki la an relasyon avek biznes parey zot in eksplik nou? Mersi Mr Chair.

MR DEPUTY SPEAKER

Mon envit *panel* pou larepons.

CEO LISA LOW TOY

Mersi Onorab pou kestyon. Onorab, annefe demann pou lespas i enn bann keksoz ki biznes ki nou zwenn avek, oubyen ki vin kot nou lofis, i kontinyelman pe demann nou.

Mon pou napa *statistics* avek mwan la *unfortunately*. Me selman mon kapab fer ou gannyen kantite demann pou lespas ki nou'n anmase. Me selman i reste.

Se pou sa rezon ki in pous nou osi pou nou fer sa Polisi pou nou revwar en pti pe bann *tenants* ki'n la. Akoz nou kontinyelman annan nouvo biznes ki vin kot nou tou ki'n la.

Akoz nou kontinyelman annan bann nouvo biznes ki vin kot nou tou le zour ki dir nou zot ganny difikilte pou zot ganny lespas. E ki *ESA* pe fer pou kapab asiste zot lo sa ... size.

MR DEPUTY SPEAKER

Mon ava envit Onorab Georges pou son kestyon.

HON BERNARD GEORGES

Mersi Mr Chair. Bonn apre midi Minis avek ou delegasyon. Minis mon konnen sa size in ganny aborde bomaten ler *SIB* ti la. me permet mwan demann zot konman *ESA* ki pozisyon ou Minister e *ESA* in arive lo devlopman *Victoria Waterfront*?

Ou konnen ki i annan serten lentere. E i annan serten developer ki'n ganny idantifye deza e ki zot devlopman in ganny aprouve.

Me *on the whole* kote nou ete nasyonalman lo sa proze? E ki zot lespri konman Minister Lantreprenarya ek Lenvestisman ek *ESA*, ki zot lespri pou penn nou en limaz ki manner i pou ete sa *water front* ler in pou'n fini? E donn nou apepre en period letan dan lekel zot krwar ki sa devlopman pou'n konplete.

E mon demann sa kestyon, akoz lontan plizyer Gouvernman pe koz lo sa *waterfront development*. E mon bezwen dir k nou pa kapab blanm ou oubyen zot. *Akoz at least* zot, zot in fer en serten keksoz. Me pandan tro lontan pandan tro bann Gouvernman oparavan, nou'n tan zis parol.

Donn nou silvouple Minis en pe aksyon. E eksplik nou ki manner ou pe al antreprann sa devlopman? Mersi.

MR DEPUTY SPEAKER

Mon envit *panel* pou don en klarite lo la.

MINISTER DEVIKA VIDOT

Mersi Mr Chair. Mersi Onorab pou kestyon. letap ki *waterfront project* in arive la se ki wi i annan serten bann dimoun ki'n montre lentere. In partisipe. E in annan letap *shortlisting* ki'n deroule. Savedir zot in ganny met dan en

–. Seleksyon in ganny fer. Si ou le ki pou dir vedir zot in fini *meet* serten kriter.

Me apre sa sa bann dimoun ki'n ganny *shortlisted* zot in ganny demande pou zot soumet bann prop ki'n deroule. Savedir zot in ganny met dan en – en seleksyon in ganny fer. Si ou le ki pou dir vedir zot in fini *meet* serten kriter.

Me apre sa sa bann dimoun ki'n ganny *shortlisted* zot in ganny demande pou zot soumet bann *proposal* pli rafinen. Pli an detay. Ki pou dir zisteman egzaktman kwa ki zot anvii fer lo bann proze ki zot in selekte. E sa in ganny fer. E bann dimoun zot in soumet zot bann laplikasyon. Zot in re soumet zot bann plan. E la i dan staz evalyasyon.

So ki nou pou bezwen fer prezan. Komite Evalyasyon pe revwar sa bann plan. Zot pe *assess* sa bann proze e apre sa zot pou prezant avek *Cabinet*. I pou bezwen vin devan *Cabinet*.

E nou'n fini met en dat le 13 Desanm, pou nou kapab ganny en sesyon. Pou kapab prezant devan *Cabinet*. E ki manner i pou bezwen marse nou anvii ki sa proze i vin enn.

Malgre ki nou annan diferan – i annan diferan konponan. Diferan dimoun ki'n *apply* pou diferan konponan

dan proze, me nou anvi ki sa proze i enn ki entegre.

E alor se pou sa rezon ki sa komite evalyasyon an plis ki zis regard sibstans sa proze li menm. Regarde si sa proze i annan merit, si sa bann dimoun par deryer sa proze i kapab fer sa proze.

Me zot osi bezwen prezan etale. E met ki dan en lansanm avek tou lezot proze. So regarde ki mannyer sa proze endividyel i pou entegre avek tou lezot proze. Ki mannyer i pou marye avek tou lezot proze. E de la i pou annan serten *proposals* ki ava ganny fer.

Petet i ava annan detrwa opsyon ki pou ganny met devan *Cabinet*, pou *Cabinet* pran en desizyon lo la. E la nou ava kapab *then* letan desizyon in fer nou ava kapab *get back* ek sa bann dimoun.

Nou ekspekte ki tou bann desizyon evalyasyon seleksyon i ganny finalize avan lafen Desanm. Nou pe an menm tan an paralel i annan bann louvraz *survey*, ki pe ganny fer. I annan diskisyon avek Departman Lenfrastriktir. Avek *PUC*, *SLTA*, lo lenfrastriktir.

E nou pe bouz ver semen kot nou pe al konmans proze li menm par prepar teren. Nou bezwen fer. Gouvernman pou bezwen fer serten proze, ouswa

devlopman lenfrastriktir de baz. Avan ki nou kapab – ouswa pou nou prepar teren.

Pou ki letan sa bann dimoun i ganny zot *lease agreements then* zot kapab konmans zot devlopman. Mersi.

MR DEPUTY SPEAKER

Mersi panel. Onorab Georges ti dernyen Manm lo *Floor* ki ti'n endike i ti le demann en kestyon. Mon annan a *quick query*. Lo latab 6 *performance measures for program* ki lo paz 525.

Ler mon pe get zot *revenue target*, sonm ki zot pe prevwar pou 2023, apre i ogmant signifkaman pou 2024. So ki nouvo eleman ki pou annan, ki zot pe prevwar sa logmantasyon dan zot reveni? Silvouple?

CEO LISA LOW TOY

Mersi Mr Chair pou ou kestyon. Mr Chair, sa *increase* i pou vi ki 2024 proze Beau Vallon pou'n terminen. So, sa i pou rent ki pou ganny kolekte avek proze Beau Vallon.

Ou pou vwar poudir i annan en *decrease* dan *actual* pou 2023 la. Sa se aköz par egzantp *waterfront but food vans* zot nepli la. So, zot in fermen. Beau Vallon osi nou nepli pe kolekte reveni. Aköz depi Zilyet

bann *food vans* ki ti Beau Vallon zot *lease agreement* in fini.

Me selman avek proze Beau Vallon ki pou konplete 2024, nou pou ekspekte re kolekte sa bann reveni.

MR DEPUTY SPEAKER

Mersi *panel* pou sa bann presizyon. Donk sa in anmenn nou lafen enteraksyon avek *Enterprise Seychelles Agency* ki son Bidze ti lo paz 520 a 527. Bidze ki pe ganny propose pou li i R11 milyon 613 mil.

Mon ava demann tou bann Manm ki an faver pou endike silvouple. Mersi. Okenn Manm ki kont? Mersi. Vot lo *Enterprise Seychelles Agency* pou en sonm R11 milyon 613 mil, i annan 20 Manm ki'n vot an faver. Okenn Manm pa'n *abstain*. Okenn Manm pa'n vot kont. E baze lo la kantite Manm ki prezan dan Lasanble Nasyonal ki zis *Caucus LDS*, sa vot in pase par linanimite.

SEYCHELLES BUREAU OF STANDARDS

MR DEPUTY SPEAKER

Nou pou bezwen prezan pran en vot lo *Seychelles Bureau of Standards*. Li son Bidze i lo paz 534 a 540. Sonm ki pe ganny propose pou *SBS* i R28 milyon

501 mil. E zot pa la nou pou zis pran en vot. Me nou ava demann Minis pou dir nou si dan sa Bidze i annan okenn keksoz signifikan ki lentere Lasanble Nasyonal, oubyen piblik i merit okouran. Mersi.

MINISTER DEVIKA VIDOT

Mersi Mr Chair. Mr Chair, non pa vreman parski Bidze 2023 ek 2024 i plizoumwun parey. I annan selman en diferans R407 mil pou nou kontinyen investir e rod bann lekipman nesaser.

SBS i kontinyen vwar bann mwayen alternativ. Par egzanzp atraver bann don. E de la petet mon a profite pou mon remersye *SWIO Fish* ankor enn fwa. Tou resaman nou'n fek ganny nou de lekipman. Enn ki ti vo anviron 50 ekek mil Dolar. E lot anviron en pti pe mwens ki 250 mil Dolar.

So nou rod lezot mwayen pou nou kapab kontinyelman investir e amelyor Biro Standar Sesel. Mersi.

MR DEPUTY SPEAKER

Mersi Minister. Donk moman in arive pou nou pran en vot lo *Bidze Seychelles Bureau of Standards*, ki lo paz 534 a 540 pou en sonm 28 milyon R501 mil. Tou bann Manm ki an faver endike silvouple? Mersi. Okenn Manm ki kont? Mersi.

Mersi Madanm Deputy. Vot pou *Seychelles Bureau of Standards* 28 milyon R501 mil - i annan 20 Manm ki'n vot an faver. Okenn Manm pa'n *abstain*. Okenn Manm pa'n vot kont. Baze lo la kantite Manm ki annan dan Lasanble Nasyonal, ki zis *Caucus LDS* sa vot in pase par linanimite.

I reste mwan pou mwan remersi panel ki'n zwenn Minis Devika Vidot. ki Minis pou Lenvestisman Lantreprenarya e Lendistri pou la apre midi. Ti annan manmzel Lisa Low Toy ki sef Egzekitiv *ESA*. I akonpanyen par Mrs Ursula Marengo ki *accountant*. Mrs Lindy Cupidon ki *Human Resources and Budget Management Officer*.

Nou ti osi annan de zofisyè Minister Finans avek nou depi bomaten. Mersi bokou avek zot partisipasyon ek klarite ki zot in anmennen dan travay ozordi. Sa se *Deputy Comptroller General* Mr Jude Commettant. E manmzel Terryll Adrienne ki *Senior Finance Analyst*.

Demen nou travay i kontinyen avek en lot lazournen dan Staz Komite lo *Appropriation Bill* 2024. E bann antite ki nou pou consider zot Bidze demen; i annan *National Sports Council*. *Seychelles National Youth Council*,

Electoral Commission, Seychelles Human Rights Commission, Seychelles Broadcasting Corporation. Office of the Public Service Appeals Board.

Nou pou osi pran vot lo alokasyon pou *Auditor General, office of the Ombudsman, the Curatelle Office e Constitutional Appointment Authority*. Sa i nou travay demen.

Me avan nou ale, i annan en deklarasyon ki *Chief Whip US* Onorab Sylvanne Lemiel in dir dan Lasanble. E mon sit sa ki i ti dir,

“Mon pe fer Lasanble konnen e piblik an zeneral ki lo nou kote *US*, nou pa pou partisip dan sa zafer Bidze, ziska ler en aksyon i ganny pran. E en desizyon i ganny pran.” E i ti pe dir sa an referans avek *matter of privilege* ki Onorab Johan Loze ti'n leve. E Onorab Loze ti'n demann de keksoz spesifik. I ti demande ki aksyon ki Lasanble pou pran e ki lenvestigasyon ki Lasanble pou pran?

So konman *presiding officer*, mon pe enform Lasanble Nasyonal e piblik Seselwa ki disi demen 5er apre midi, mon pa pou ankor konnen ki aksyon pou pran. E ki lenvestigasyon osi ki Lasanble pou pe fer. Akoz

sa i pa en travay ki nou kapab fer ozordi pou demen.

So, mon pe enform *Caucus US wherever they may be listening to*, ki avan zot in fini pronons zot lekor ki tan ki sa pa ganny en finalite zot pa pou partisip dan *process Bidze*. Zot mon pe zis enform zot ki demen zot kapab reste dan lakour. Pangar zot ava desann dres en semiz e apre vwar poudir zot pa pou partisipe zot pa pou partisipe. Akoz pou napa en rezilta *by demen 5er* apre midi.

Avek sa nou ariv a lafen nou travay pou sa Zedi. Mersi pou zot partisipasyon. E nou ava demann *Sergeant-at-Arms* pou retourn nou dan staz Lasanble. Mersi Serzan. Donk, nou ava *adjourn* la e nou ava rebran travay demen bomaten 9er.

(ADJOURNMENT)